

WANTOK

NIUSPEPA BILONG OL PAPUA NIUGINI STRET

36 pes

Namba 1067

Wik i stat long Fonde, Disemba 8, 1994.

40 toea

Prais bilong ol kaikai dia nau - 1995 baset bai daunim

NESENEL baset bilong kantri long neks yia inap helpim long daunim hevi bilong ol prais we i dia tumas long ol samting insait long ol stua.

Ripot i kam long Dipatmen bilong Prais Minista i tok nau yet Papua Niugini i stap insait long hevi we strong bilong kina na toea i drip yet. Long dispela as, ol stua na bisnis lain i ken sasim ol samting long wanem prais ol i laikim. Ol stua na kampani i ken mekim olsem. Bikos strong bilong moni i bin pundaun pinis long 12 pesen.

Ripot ya i tok ol lain husat i save go pas long lukautim na was long ol prais bilong kaikai na samting, Prais Kontrola i no moa was long prais. Ol i was tasol long ol prais bilong samting we gavman i makim long en. Ol samting olsem

rais, tinpis, tin mit na ol samting bilong kaikai we man i save kisim olgeta de. Ol dispela samting em gavman i was long prais bilong ol.

Tasol Prais Kontrola i no moa was long ol prais bilong ol samting olsem klos bilong werim o samting bilong bilasim skin na haus. Em ol papa bilong bisnis o stua yet i makim prais long ol.

Ripot ya i tok wanpela rot tasol long stretim dispela hevi em long 1995 nesenel baset we gavman i ken kirapim gen strong bilong moni (kina na toea). Sapos gavman inap kamapim moa moni insait long baset ya long karamapim dispela hevi, bai prais bilong ol samting i go daun gen.

Ripot ya i tok narapela rot tu em gavman i ken


apim gen strong bilong moni na katim aut sampela eria we gavman i save tromoi moni i go long en. Gavman i ken mekim prais bilong ol samting i go bek olsem long bipo. Dispela i min tu olsem ol nupela samting bilong salim i mas kisim olpela prais olsem bipo. Tasol dispela eria bai givim bikpela pen tumas long apim gen strong bilong moni tasol isi isi bai hevi ya i pinis, ripot ya i tok.

Tasol ripot ya i soim olsem 1995 nesenel baset bai kamapim gutpela senis long helpim dispela hevi bilong ol prais we i dia tumas long ol stua na kampani.

Nau yet kantri i stap insait long hevi bilong strong bilong kina na toea i pundaun na prais i drip long ol samting bilong stua na maket.

INSAIT

SORE LAIPSTAIL STORI BILONG JOACHIM SALIN



LUKIM STORI LONG
- Pes 13

• Is Sepik PEC rausim ESDECO bod
- p2

• Fri skul subsidi bai daunim stended dbilong skul
- p3

• Sik tafoid bikpelanau long hailans rijon
- pes 5

Ol ami na plis rausim ol pasindia nau long Lae

YAKAM KELO i raitim

AMI, plis na Maus Morobe Sekyuriti long Lae i bung wantaim long karimaut wok bilong rausim ol pasindia manmeri long Lae siti long Trinde moning. Dispela wokabout i stat long Wes na Is Taraka we ol plis, ami na Maus Morobe sekuriti i wokabout na sekim olgeta haus long rausim ol manmeri husat i stap nating long taun na i no gat wok bilong ol.

Tripela grup ya i kisim dispela oda long aste moning taim primia bilong Morobe, Titi Christian i sainim pepa bilong karimaut wok bilong rausim ol pasindia lain long siti.

Long aste moning, seketeri bilong Morobe provins, Aine Sengerot tu i tokaut olsem Lae em ples bilong pait (fighting zone) we

bikpela wok mekim-save bilong lo na oda i mas kamap long stapim pait na birua pasin long go moa.

Long dispela wik, ol yangpela insait long Momase rijen i wokabout na kukim wanpela haus na klap bilong ol lain Hagen klostu long Bumbu setelmen. Dispela haus na klap em bilong wanpela man Morobe yet tasol ol Hagen i rentim na yusim.

Narapela man hailans tu em long Tent Siti i lusim haus na klap bilong em we ol yangpela long Bumayong na Tent Siti i kukim long paia. Man ya em Paul Dokta bilong Sauten hailans provins.

Bos bilong Maus Morobe Sekyuriti long Lae, Kuku Aringke i bungim bikpela hevi

long Tunde apinun we ol hailans i kukim bikpela haus kakaruk bilong em wantaim haus slip bilong em long Wes Taraka.

Ol ami, plis na Maus Morobe Sekyuriti bai sekim olgeta haus na setelmen na husat yangpela i stap wantaim papamama o kandre na i no wok bai kisim oda long kirap na wokabout. Sapos papamama na kandre susa na brata i laik pasim ol, ol tu bai kirap na wokabout wantaim ol. Dispela em oda i stap insait long dispela hap pepa primia i bin sainim pinis long Trinde moning long haus bilong em wantaim ol bikman bilong dipatmen, plis na komyuniti.

Dispela oda i kamap bihainim promis primia Christian i bin mekim long Mande taim hevi ya i kamap nupela na ol komyuniti lida i bin

bungim em. Ol i askim primia long rausim olgeta hailans husat i no wok, rausim laisens bilong ol long ronim PMV bas bisnis na botol sop o stua.

Primia i bin tokaut long Mande olsem em bai givim ansa bilong em long Tunde. Dispela em bihain long em i winim vot i no gat bilip we oposisen i kamapim long em.

Wanpela memba bilong Maus Morobe Sekyuriti husat i no laik autim nem bilong em i tok i no gutpela long provinsel gavman i tok tok long holim vot i no gat bilip i stap taim ol manmeri i bungim bikpela hevi long sindaun bilong ol.

"Dispela i soim olsem ol lida i wari tru long kisim pawa bilong politiks na kain hevi bilong ol manmeri bai ol i no inap wari tumas long 1 go moa long pes 2



Klia long em • Yangpela Adrian Taylor i dral stret long wara na mekim-save long apim dispela bikpela plastik wara, taim papamama i mekimsave long pilai sofbal. Dispela em long las wiken long Bung Wantaim sofbal resis, em i bin kamap long Sir John Guise Spot Stedlum. Foto: Ivan Bayagau.

SEIVIM! SEIVIM! SEIVIM!



Air Niugini

Special Offer



TOYOTA



Ela Motors

PORT MORESBY TASOL

RINIM 229441 TONY YOUNGNAM-SELS MANEJA
RINIM 229405 JOE KOMBUK-SELS SUPAVAISA
RINIM 229400 OL SELSMAN
FAX 213703 PO BOX 74 PORT MORESBY.

**Plis
RIPOT**



WABAG, Sauten Hailans: Wanpela andakava plisman long Wabag i kisim bikpela bagarap bihain long ka i ron spit na nokim em daun. Man ya em i go pas long Foks plis Yunit long Wapenamada. Nem bilong en em Sagen Stephen Namosa.

Dispela birua i kamap long las wik Fonde taim Sajen Namosa i laik holim pasim tupela raskel long Enga. Tupela ya i wanpela long ol lain raskel husat i save pretim na hensapim ol man long haiwe na stil long ol.

Wanpela gavman ka i nokim sajen Namosa daun. Komanda na sief Inspekta Allan Kundi i tok olsem Sajen Namosa i bihainim wanpela PMV bas we tupela raskel ya i stap long em na em i bungim birua. Tupela man i laik smaglim wanpela haipawa gan i go long Wabag, Mista Kundi i tok.

Long Kuimanda, em i stapim PMV ya na em laik kisim beg we dispela haipawa gan i hait insait long en. Tupela man i laik katim em wantaim tamiok, tasol ol i abrusim en na em i pondau. Kwiktam gavman ka i spit draiv i kam long baksait na nokim em daun.

Plis i kisim tupela man na kwestenim ol long dispela birua.

HAGEN, Westen Hailans: Sut long plis long kilim dai man husat i pait wantaim ol gan na haipawa raifel long pait bilong ol wanpin long hailans i kisim bikpela sapot long Palamenter Jastis komiti.

Siaman bilong komiti na nesanel palamen memba bilong Lufa, Mathias Karani i tok komiti bilong em i wok long glasim na skelim gut tingting bilong komiti we i laik givim pawa long plis long sut long kilim ol man husat i save yusim ol gan na haipawa raifel long pait insait long ol pait bilong wanpin.

Mista Karani i laikim senis long ekt na ol bai go hetim tingting bilong ol. Tasol em i tok ol dispela lain husat i yusim bunaro na ol samting bilong tumbuna long pait long em bai i kisim narapela kain panisemen. Sut na kil oda ino aplai long ol, em i tok.

HAGEN, Westen Hailans: Wok painim aut long ol plis long Hagen i karim kaikai nau taim ol i holim pasim tripela man husat ol i bilip olsem ol i kilim dai wanpela man Australia.

Man ya, Michael Pearce i wanpela wokman bilong Pos na Telikomunikesen.

Bos bilong ol plis long Westen Hailans, Superintendent John Wakon i tok plis i bin holim pasim na sasim wanpela long ol man nogut las Fraide.

Mista Wakon i tok long dispela wik Mandé, plis i holim pasim tupela man husat i stap long grup bilong foapela pipel we i kilim dai Pierce. Em long John Pugum Mara bilong Hagen wantaim Peter Patrick bilong Minj. Plis i sasim ol long kilim dai narapela man na stil long em. Ol i tok olsem klostu taim, ol bai sasim narapela poro bilong ol, Markus Karayo bilong Madang. Plis i painim yet laspela lain bilong ol husat i ranawe hait i stap yet.

Mista Wakon i tok ol lain ya i laik stilim ka bilong Pierce tasol em ino stap isi na givim ka ki. Olsem na ol i kilim em i dai. Ol man nogut i laik yusim ka long wokim stilpasim long Ramu Suga.

Morobe primia laik bringim gen bil bilong ol pipel votim primia

YAKAM KELO I raitim

PRIMIA bilong Morobe provins, Titi Christian i winim vot i no gat bilip wantaim 20 vot long holim em bek long pawa inap neks yia, taim provinsel ileksen i kamap.

Primia Christian i bin winim dispela vot i no gat bilip egens oposisen wantaim 20 vot. Oposisen kisim 10-pela vot tasol. Dispela 20 memba husat i bin vot long primia i bin sindaun wantaim primia long haus bilong em long dispela wik Tunde moning. Na pasim toktok long sanap wantaim long winim vot i no gat bilip ya.


Vot i no gat bilip i kamap taim memba bilong Garaina, Moroko Gaiwata na memba bilong Selepet na olpela deputi primia, Mang Kumbu i sainim pepa bilong muvum vot ya. Ol i makim memba bilong Wain, Nagaring Bapi olsem primia.

Insait long vot i no gat bilip ya, 5-pela provinsel memba i no bin vot. Bikos ol i bin stap long konstituensi bilong ol. Tasol i gat bilip olsem olgeta lain ya bai sapotim primia Christian yet. Bikos tupela em provinsel minista na narapela tripela em memba insait long gavman.

Primia i bin tokaut bihain long em i winim vot olsem dispela vot i no gat bilip i kamap bihainim pasin bilong belhat na kros tasol. Dispela vot i no gat bilip i no kamap long makim tru laik bilong ol pipel bilong Morobe.

Primia i tok bikos em i bin rausim Mista Gaiwata na Mista Kumbu, ol i gat dispela belhat i stap long rausim em long gavman.

Mista Christian i tok em i save long husat man i gutpela lida na husat i no gutpela lida. Bikos pasin bilong sampela lida long ausait i no save



• Primia Christian

gutpela tumas olsem lida bilong pipel. Long dispela as, primia i ting pasin bilong ol memba olsem i no inap helpim gavman bilong em long lukautim ol pipel long kamapim gutpela sindaun na amamas long provins.

Primia i tingting nau long kamapim gen long Tutumang bung nupela bil ol lo bilong larim ol pipel yet i votim primia long provinsel ileksen. Primia bai kamapim gen dispela bil long taim Tutumang i sindaun na toktok long provinsel baset long tupela wik bihain.

Primia i bin kamapim dispela bil long Novemba kibung tasol ol memba i vot egensim. Bikos ol i tok i gat sampela hevi i stap insait long dispela bil.

Primia Christian i tok dispela vot i no gat bilip we i bin kamap long em i helpim em long kisim moa strong long sanap na mekim wok bilong em gut long stretim hevi bilong provins.

9-pela kalabusman long Beon ranawe

GODFRIED YASSAFAR I raitim

OL plisman long Madang i wok long painim nau 9-pela kalabusman husat i bin ranawe long Beon haus kalabus long Sande, Desemba 4.

Provinsal Plis Komanda bilong Madang, Sief Inspekta Robert Kalasim i tokaut olsem dispela 9-pela kalabusman i ranawe taim ol wantaim ol arapela kalabusman mas i go long haus lotu. Sief Inspekta Kalasim i tok taim ol kalabusman i sanap long lain na mas i go long haus lotu, 10-pela bilong ol i ron i go long kalapim banis. Tasol ol woda plisman i holimpasim wanpela tasol. Na dispela 9-pela i ron i go na kalapim banis i go ausait na ranawe.

Nem, ples, sas na taim dispela 9-pela man i kisim na stap long kalabus em: (1) Joseph Sopkala bilong ples Parimbe long hap bilong Ambunti, Wewak. Em i kisim 11-pela yia long sas bilong repim meri, holim sot gan na paitim man. (2) Ses Kaiup bilong ples Danben klostu tasol long Madang taun. Em i kisim 5-pela yia na 9-pela mun long sas bilong roberi. (3) Waga Kumut i kisim 4-pela yia, 9-pela mun na tupela wik long sas bilong repim meri. Em i bilong ples Bom long Madang provins. (4) Michael Maison i kisim 3-pela yia, 8-pela mun na tupela wik long sas bilong em i laik stil. Maison i bilong ples Wagamara long Wewak, Is Sepik provins. (5) Mala Litong i bilong ples Sel long hap bilong Saidor long Madang provins. Em i kisim 3-pela yia na 9-pela mun long sas bilong roberi. (6) Raymond Oseah i bin kisim wanpela yia, 11-pela mun na tripela wik long sas bilong kamapim bagarap long bodi bilong arapela man. (7) Apuk Jeffrey Mari bilong ples Aringen long Bogia, Madang provins, i kisim wanpela yia na 6-pela mun long sas bilong brukim probesen oda. (8) Joseph Kimba i kisim tupela yia na 9-pela mun long sas bilong roberi. Em i bilong ples Biwat long hap bilong Angoram, Wewak, Is Sepik provins. (9) Andrew Malai, bilong Kranget Ailan arere tasol long Madang taun. Em i kalabus tupela yia na 7-pela mun long sas bilong stil. (10) Jeffrey Yep i kalabus tupela yia na 9-pela mun long sas bilong roberi. Em i bilong ples Awar long hap bilong Bogia, Madang provins.

Deputi Sauten Hailans primia tokaut long hevi long Lae siti

YAKAM KELO I raitim

WANEM man o meri i stap insait long Sauten Hailans provins i stap aninit long lukaut bilong Sauten Hailans gavman. Deputi Primia bilong Sauten Hailans provins, Albert Mokai i tokaut long dispela long autim tingting bilong gavman bilong em long ol hevi we i kamap long Lae namel long ol hailans na Momase long dispela wik.

Mista Mokai i tok Morobe provinsel gavman i papa long olgeta lain i stap insait long provins bilong em. Olsem na em yet i ken kamapim wanem kain tingting em i laik long stretim dispela hevi we i kamap namel long ol Hailans na Momase pipel long dispela wik long Lae.

Morobe gavman yet i ken kamap wantaim rot bilong stretim na putim ol man husat i as bilong trabel long han bilong lo o givim ol wanem kain mekimsave em i laik.

Dispela trabel i kilim wanpela man Madang na givim bagarap long narapela tupela man husat i bilong Morobe na Tolai long Fraide nait long las wik.

Ripot i bin kamap tu olsem ol manmeri long Momase i laikim Morobe gavman i mas rausim olgeta Hailans husat i nogut wok i go bek long ples bilong ol.

“Sapos Morobe gavman i laik rausim ol Sauten Hailans long provins bilong em, dispela i no inap long stretim hevi ya. Bikos ol arapela provins bai stap yet. Na dispela wankain hevi bai kamap yet long bihain taim.”

Tasol Deputi Primia bilong Sauten Hailans provins i tok gavman bilong em i luksave olsem aninit long mama lo, olgeta manmeri insait long PNG i gat rait long raun na sindaun long wanem hap provins ol i laik go long en.

“Sapos Morobe gavman i laik rausim ol Sauten hailans long provins bilong em, dispela i no inap long stretim hevi ya. Bikos ol arapela provins bai stap yet. Na dispela wankain hevi bai kamap yet long bihain taim,” em i tok.

Narapela tu em rot bilong balus, sip na ka i no pas. Olsem na dispela bai bringim ol arapela provins i kam yet, Mista Mokai i tok.

Mista Mokai i tok provinsel gavman bilong em i no kisim

wanpela pas o toksave i kam long Lae plis o gavman long dispela samting ol i laik mekim. Olsem na dispela hevi long Lae i no givim wanpela belhevi o tingting no gut long gavman bilong Sauten hailans provins. Bikos ol i ting dispela em hevi bilong Morobe gavman long stretim bihainim pawa bilong em yet.

Mista Mokai i tok Sauten Hailans provinsel gavman i papa long olgeta lain i stap insait long provins bilong em. Maski em bilong wanem hap provins tasol em i stap insait long Sauten hailans. Olsem na hevi bilong ol i stap long han bilong Sauten hailans gavman long lukautim na stretim.

I gat ripot i kamap pinis olsem samting olsem 500 plisman long Hagen bai go daun long Lae long helpim plisman long Lae karimaut wok bilong stretim pait na hevi we i kamap long dispela wik.

Hailans Rijonal Plis Komanda, Sief Inspekta Ludwig Kumbu i bin go long Simbu provins na i no stap long Hagen opis long givim moa ripot long dispela. Tasol ripot i kam long Hagen i tok samting olsem 500 plisman i lusim Hagen pinis na i ron i go daun long wok wantaim plis long Lae.

Plis na ami rausim nau ol pasindia long Lae

i kam long pes 1

en”, man ya i tok.

Em i tok long Tunde, ol lain bilong em long Maus Morobe Sekyuriti i bin go sanap long dua bilong Haus Tutumang long stapim ol provinsel memba long go insait na toktok long vot i no gat bilip. Tasol ol memba i wet inap 2 kilok samting long apinun na ol i go insait long samba na holim vot i stap.

Dispela pait namel long ol hailans na Momase i bin kamap taim ol sampela lain bilong Sauten Hailans provins i paitim tripela man long Bumbu long Sarere na kilim wanpela man Madang i dai. Narapela man Tolai na Morobe i ranawe wantaim sampela bagarap long skin bilong tupela.

Tupela wik i go pinis, ol Memyama i bin holim wanpela bikpela mas long rausim ol hailans. Dispela em bikos sampela lain hailans i bin paitim na kilim wanpela yangpela manki Menyama long Tent Siti.

WANTOK PO Box 1982
Phone: 25-2500 Boroko NCD
Fax: 25-2579 Papua New Guinea

Published Weekly, Thursdays, for
Word Publishing Co Pty Ltd

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Honiara, for Word Publishing Co. Pty Ltd
General Manager: Ian Fry
Company Secretary: Vinca Ohlinger SVD
Group Editor in Chief: Anna Solomon
Editor of Wantok: Leo Wafwa
Advertising Manager: Peter Kalso
Advertising deadlines
Display bookings: Monday, midday
Camera ready copy: Tuesday, midday
Classified advertising: Wednesday 2 pm

Regional office:
Suite 7, Haus Tisa, Second Street, Lae PO
Box 1726 Lae, Morobe Province
Phone/fax: 42-0019
District Manager: Zeph Anjal
Papers distributed by air throughout PNG
Available by annual subscription within
Papua New Guinea and overseas
Australia & New Zealand Representatives:
Tonkin Media Pty Ltd
PO Box 101 Avoca Beach NSW 2251 Aust
Sydney, James Tonkin, (043) 85 1746
Melbourne, Glen Smith, (03) 807 2311

Word Publishing Co Pty Ltd is owned by the four major churches of Papua New Guinea: Catholic, Lutheran, Anglican and United. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

Stended bilong ol skul bai i go daun bikos long skul fi sabsidi

JOE KANEKANE i raitim

TINGTING blong Chan gavman long skruim skul sabsidi bilong ol skul long kantri long tripela yia moa bai mekim stended blong edukesen o skul i go daun. Bikos dispela muv bilong gavman bai kamapim moa hevi long wok bilong skul insait long Papua Niugini.

Stended bilong skul em wanpela bikipela we tru we wok developmen bilong kantri long go het. Long wanem

Askim long stretim bas sevis long Goroka

OL manmeri insait long Goroka taun i singaut long Isten Hailans Kapitel Atoriti long lukluk na stretim ron bilong ol taun bas sevis long sevim ol pablik husat i save raun i go i kam long bas.

Singaut na komplem i kam long ol manmeri taim ol i lukim olsem i gat 6-pela PMV bas nau i raun long taun bihain long taun atoriti i givim laisens long ol.

Wanpela sekyuriti wasman, Lincoln Rikapa husat i save ron oltaim long bas i go long wok i tokim Wantok olsem ol dispela 6-pela bas i save resis long kisim ol pasindia tasol olgeta i save ron long wanpela hap rot tasol.

Ol i save ron i go long Wes Goroka a tanim bek i go long taun olsem na dispela i no stret tumas bikos ol pasindia i bilong ol hap olsem Not Goroka, Watarais, Zokozoi maket na Lopi Strit, Lincoln i tok.

standed i save helpim long mekim ol wokman long kisim ol bikipela save long wok insait long kantri.

Gavman i tokaut olsem ol i makim pinis, K113 milien long baim sabsidi bilong ol sumatin long olgeta skul insait long kantri. Tasol dispela tingting bilong gavman i no go wantaim ol ripot i wok long stap long edukesen dipatmen.

Gavman i wok long yusim dispela fri edukesen skim long strongim nem bilong em yet. Na i nogat luksave long ol hatwok i bungim edukesen dipatmen taim ol i laik mekim dispela wok.

Insait long tupela yia we dispela polisi i bin kamap, ol lain long dipatmen i glasim na i luksave olsem i gat nid long moa taim na moa pepa wok long redim gut dispela fri edukesen aida. Tasol tingting bilong gavman bipo i hariap tru.

Dispela fri edukesen aida i kamap hariap tru na i no givim inap taim long dipatmen long redim ol pepa, wokim ol wok painimaut, na kisim ol tingting i kam long ol saveman pastaim long ol i kamapim dispela skim.

Edukesen na Kalsa minista, Joseph Onglugo i bin toktok strong tru long stapim dispela skim. Na larim skim long go long ol skul i gat nid long em. Na i

no long olgeta hap bilong kantri.

Minista yet i tokaut olsem dispela aida i no gutpela tumas. Bikos ol papamama na ol sumatin i save kamapim ol les pasin long mekim ol wok long skul, na traim helpim ol eria insait long skul we i gat nid bilong ol papamama long helpim.

Nau yet bai minista i go pas long dispela tokorait we i no bihainim tingting blong em, na minista i mas traim long mekim kamap sampela gutpela helpim long dispela tokorait bilong gavman.

Insait long narapela tripela krismas, planti mani tru long edukesen baset bai go long fri edukesen. Na ol ol bikman long dipatmen i

mas plenim long yusim ol moni long ol bikipela projek tasol, na lusim ol liklik hap wok pastaim inap long taim dipatmen i painim sampela moa mani.

Dipatmen bai go bek long ol ovasis aid lain long kisim helpim long ol, tasol ol ovasis aid lain i laikim olsem gavman blong Papua Niugini i mas traim long helpim ol yet long wanpela namba wan eria olsem edukesen.

Aid grup blong Australia, AIDAB, i tokaut pinis olsem em bai lukluk long helpim dipatmen long ol eria i gat bikipela nid tasol, na ol bai askim dipatmen long mekim sampela wok painimaut long ol eria we i gat bikipela nid.

Moa skul pikinini bai bungim hevi



• Peris pris na skul bod memba bilong Sen Therese's Katolik peris skul long Badili, Pater Emilio I sanap wantaim manki Not Solomons husat i topim ol sumatin long gred 3 long Badili komyuniti skul, Trevor Hatutasi. Hia em i sanap wantaim pater na holim tupela prais em i kisim long kamap daks long gred 3 na fes long gred 3 klas bilong em.

HEVI we kantri i gat nau wantaim mani bai bagarapim skul bilong planti pikinini long kantri.

Dispela em bikipela toktok we Fes Seketeri bilong Edukesen wantaim Stendeds Divisen, Damien Rapese i mekim i go long ol papamama na sumatin bilong Sen Therese's Komyuniti skul long Badili insait long Mosbi. Ol i bung asde long skul bilong witnessim greduesen bilong ol gred 6 sumatin, na tu long lukim ol pikinini husat i mekim gut long skul i kisim prais.

Mista Rapese i tok stat long nau, ol papamama i pilim hevi long mani i sot we kantii i bungim. Ol kampani na gavman dipatmen i pinisim planti papamama long wok bikos long dispela hevi tasol. Na moa yet bai pinis long ol de, mun na yia i kam sapos hevi i go het yet, em i tok.

Em i tok tu olsem 1994 i bin wanpela hatpela yia, we ol hevi olsem i kamapim taim nogut long laip bilong olgeta pipel long kantri. Ol bikipela hevi yumi inap tingim em long:

- daunim strong bilong kina long namba wan taim. Dispela i min olsem strong bilong kina long baim ol samting i go daun;

- planti bagarap i kamap long kantri long dispela yia. Em ol bagarap long bikren, haiwara, graun i bruk, guria, maunten paia na hevi long Bogenvil. Dispela i mekim na gavman i tromoi bikipela mani long helpim stretim bek sindaun bilong ol lain husat i bungim ol hevi;

- bikos long mani sot we gavman i bungim, planti plen we edukesen dipatmen i laik kamapim i no inap go het neks yia; na

- long neks yia, edukesen rifom i no inap kamap long Mosbi.

"Mi bilip strong tu olsem yupela i pilim pinis hevi long skul na long ples. Pastaim long hevi i kamap, planti bilong yupela i save kaikai kakaruk tripela taim long wanpela wik. Tasol nau, yupela i mekim dispela long wanwan taim insait long wanpela wik," Mista Rapese i tok.

Dispela brek ap i bihainim tingting olsem bai gavman i bihainim K31 milien gavman i givim long 1994. Tasol baset moni bilong fri edukesen long 1994 i stap daunbilong long K35 milien. Dispela tebol i soim tasol sampela eria we moni bai go long em, tasol dispela bai wetim tokorait bilong edukesen dipatmen.

	SKUL	ENROLMEN	UNIT KOS	TOTAL
1.	ELEMENTERI	21 528	10	215 280
2.	PRIMERI			
	a) Gret 1-6	494 717	12	5 936 604
	b) Gret 7-8	8 898	200	1 779 600
3.	SEKENDERI			
	a) Provinsel haiskul			
	Gret 7-10			
	(i) Boarding	43 702	270	11 834 716
	(ii) Dei	23 217	200	4 643 400
	b) Ol Sekenderi skul			
	Gret 11 & 12			
	(i) Boarders	2 046	270	552 420
	(ii) Dei	1 758	200	351 600
	c) Nesenel Hal skul			
	(i) Boarders	2 000	270	540 000
	(ii) Dei	250	200	50 000
	d) CODE	45 000	40	1 800 000
4.	Vokesenel senta			
	(i) Boarders	7 507	270	2 026 080
	(ii) Dei	4 042	200	808 400
5.	PERMITTED SKUL			
	a) Primeri - PNG	1 126	25	28 150
	b) Sekenderi			
	1. PHS (Gret 7-10)	1 765	200	353 000
	2. (Gret 11-12)	323	250	80 750
6.	KONTINGENSI FAN		4 000 000	
	Kontigensi fan i bilong apim stended blong edukeisen			
	GREN TOTOL:			K35 000 000

TOKSAVE: Ol provins bai kisim moni bilong ol taim dipatmen i redim polisi bilong ol fan.



WANTOK

NIUSPEPA BILONG OL PAPUA NIUGINI STRET

Edukesen sistem i slek

Dispela wik em i las wik bilong skul. I gat ol greduesen na ol pikinini i sindaun harim toktok bilong ol bikman husat i kamap long givim setifiket long ol.

Em i de bilong amamas. Tasol em i de bilong sori tu. Bikos planti bilong ol dispela pikinini bai no inap go long hai skul. Bai ol i no inap long go long yunivesiti o tisa koles o ol kain bikipela skul olsem. Planti bai no inap long painim wok.

As bilong dispela em bikos dispela edukesen sistem nau yumi i bihainim i no gutpela tumas. Olgeta yia yumi mas rausim ol pikinini long skul. Bikos i no gat spes, i no gat klasrum na i no gat mani long baim moa tisa long wok long ol skul.

PNG klostu bai winim 20 yia nau na em i taim bilong senisim dispela sistem. Gavman i mas strong long painim narapela rot long helpim ol pikinini husat i no gat sans long pinisim skul. Kantri bilong yumi long bihain taim bai i stap long han bilong ol. Nau em i taim bilong stretim ol bagarap na givim sans long ol pikinini.

Insait long faipela yia, bai yumi bungim yia 2000. Na sapos yumi no kirapim ol senis nau, bai sindaun bilong ol pikinini i no inap senis. Long yia 2000 bai ol i bungim yet hevi bilong pinisim skul.

Olsem na mobeta gavman i no mas slip. Nau em i taim bilong mekim senis na givim sans long ol pikinini bilong yumi i kisim gutpela edukesen.

Is Sepik PEC rausim bod bilong ESDECO

GODFRIED YASSAFAR i raitim

OL bod memba bilong Is Sepik Developmen Koporesen (ESDECO) i wok long paitim toktok nau wantaim Provinsal Eksekutiv Kaunsil (PEC). Astingting em long askim PEC long putim ol i go bek long wok.

ESDECO em i bisnisha bilong Is Sepik provinsal gavman. Na wok bilong ESDECO em long wokim bilong provinsal gavman. PEC i bin saspenim ol bod memba bilong ESDECO long samting olsem tupela wik i go pinis.

Wantok i no inap long kisim toktok bilong Primia Alex Anisi long dispela samting. Na tu Wantok i bin i no inap long kisim astingting o asua long watpo na PEC i saspenim ol bod memba bilong ESDECO.

Tasol ripot Wantok i kisim long Wewak i tok olsem PEC i

saspenim ol bod memba bilong ESDECO. Bikos long asua bilong ol bod memba i no inap wokbung wantaim siaman, bod i no ranim gut bisnis han bilong provinsal gavman, bod i no save holim ol bod miting na tu ol arapela samting. Bikipela asua tru i olsem ol bod memba i no save wok gut olsem wanpela bod o grup long ranim dispela bisnis han bilong provinsal gavman.

Wanpela arapela ripot Wantok i kisim i tok PEC i no mekim dispela disisen bilong saspenim ol bod memba bilong bisnis han bilong provinsal gavman.

Dispela ripot i tok disisen bilong saspenim ol bod, em Primia Anisi yet i mekim. Mista Anisi i no paitim toktok wantaim olgeta memba husat i stap insait long Provinsal Eksekutiv Kaunsil. Na bihain saspenim ol bod memba bilong ESDECO.

Ripot ya i tok Primia Anisi yusim pawa em i gat olsem sia-

man bilong PEC long wokim disisen em yet na saspenim ol bod memba.

Ripot ya i tok moa olsem Primia Anisi saspenim ol arapela memba bilong bod tasol em i no saspenim seketeri bilong ESDECO Greg Maisen. Mista Maisen i holim wok tu olsem menesing dairekta bilong Winjama hotel we provinsal gavman i papa long en.

Dispela i mekim ol saspended memba bilong bod i askim: Watpo na Primia Anisi saspenim mipela na larim Greg Maisen i stap? Ol i tok sapos em i wanpela memba bilong bod orait Primia i mas saspenim em tu.

"Sapos Primia Anisi laik putim kamap wanpela wok sekap long toktok bilong i no ranim gut ESDECO, em i mas saspenim olgeta bod memba. Na putim kamap wanpela indipenden grup long sekim olgeta wok bilong bod," ripot ya i tok.

Wok bilong painim gutpela sindaun go het gut long Bogenvil

MASKI gavman i bungim ol kain hevi long dispela taim, wok namel long ol pipel bilong Bogenvil long painim gutpela sindaun long ailan i go het strong yet.

Sampela long ol bikipela hevi em em sot long mani we gavman i bungim long dispela taim, dai bilong tripela memba long PNG sekuriti fos long Sentrel Bogenvil namel long las tupela wik, na trabel i bin kamap long boda eria bilong Solomon ailan wantaim PNG.

Dispela em ol toktok Wantok i kisim long Bogenvil long dispela wik.

Sir Julius rabisim ol toktok bilong rausim tupela waitman

PETER KASIA i raitim



Sir Julius Chan

Praim Minista Sir Julius Chan long Tunde i tok olsem ol toktok we oposisen ol i mekim olsem em i laik rausim tupela waitman long go bek long kantri bilong tupela i no tru.

Sir Julius i mekim dispela tok taim em i bekim ol toktok we Sedo Minista bilong Fainens, Masket langalio, i bin mekim long tupela man Australia, Denis Reinhardt na Michael Wilson.

Tasol Sir Julius i tok dispela kain wok em i no wok bilong em. Em i wok bilong ol lain Foren Afeas long painim aut husat i gat o i no gat paspot long stap insait long kantri.

Praim Minista i tok em i save olsem Mr Reinhardt i

man bilong Foren Afeas Dipatmen i bin tokim em olsem wok pemit o pepa bilong Mista Wilson pinis long las wik Sande, na em i no putim wanpela aplikesen bilong em long skruim stap bilong em long Papua Niugini.

"Long ol dispela toktok yumi ken lukim olsem, dispela samting i bin kamap long asua bilong tupela yet. Mi wantaim gavmen bilong mi i no gat kros wantaim dispela tupela man olsem memba bilong Wapenamanda i bin tok. Na tu gavman bilong mi i no gat dispela kain polisi we bai tokim ol man bilong narapela kantri long lusim kantri nating."

Long bekim ol toktok bilong Mista langalio olsem Praim Minista i bin tokim ol PNG

Ami long sekim em (Mista langalio) wantaim Mr Reinhardt long mun Februari taim tupela i bin kam bek long Bougeinvil i no tru tu.

"Mr langalio i mas skelim gut toktok bilong em pastaim. Mi sut olsem em i ken putim poin bilong em, tasol bai yu go inap we," Sir Julius i tok.

"I gutpela Mista langalio i mas save olsem mi no gat wanpela samting wantaim ol lain PNGDF Ami. Ol Soldia i wokim wok bilong ol long wanem Bougeinvil long dispela taim i bin stap aninit long wanpela tambu we ol man nabaut i no ken go insait."

Em i tok olsem ol toktok we Mr langalio i mekim i no gutpela tumas na em i askim memba long painim aut gut ol as bilong toktok pastaim long em i ken kamapim ol dispela kain toktok.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES AIR

Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

BIABIA WANTAIM PORO BILONG EM SPAK NA STORI I STAP...



NAU BIABIA AUTIM BILONG EM...



(Hic!) MIPELA I GAT.. WESTERN HAILANS, EASTERN HAILANS, NA SAUTEN HAILANS..



MIPELA I GAT.. (Hic!) EAST SEPIK, WES SEPIK NA SAUT PASEPIK!!



2,000 pipel long PNG gat AIDS nau

RODNEY KAMUS i raitim

DIPATMEN bilong Helt insait long Papua Niugini i makim olsem i kam inap long Novemba 1994, samting olsem 2,000 manmeri na pikinini insait long Papua Niugini i gat dispela binatang nogut ol i kolim HIV-we i save kamapim dispela sik AIDS. Insait long dispela 2000 manmeri na pikinini, 43 i dai pinis long dispela sik na 89 olgeta i gat AIDS pinis tasol ol i stap laip yet. Ol narapela namba i karim tasol dispela binatang nogut tasol na insait long tupela o tripela yia moa bai ol i painim dispela sik. Helt Dipatmen tu i tokaut olsem taim ol i painimaut olsem wanpela man i gat dispela binatang nogut, narapela 10-pela man tu i gat tasol ol i no nap long ripotim long ol helt wokman. Dispela ol toktok i bin kamap long olgeta hap bilogn kantri long las wik taim olgeta manmeri long wol i luksave long dispela dei olsem Wol AIDS De. Dispela dei tu em olgeta manmeri long wol i makim-long ol lain i gat dispela sik nogut we i nogat marasin bilong stretim. Olsem na olgeta bai painim rot bilong stopim

na lukim olsem ol narapela manmeri tu i noken kisim dispela sik.

Toktok long taim bilong makim dispela dei, Helt Minista Peter Barter i tokaut olsem Australia i givim helpim mani inap long K5.6 milien long helpim kantri long pait wantaim dispela sik nogut. Na dispela helpim bai stap insait long tripela yia olgeta. Mista Barter i tok olsem dispela mani bai karamapim menesmen sapot bilong nesenel na provinsal sexual helt program na HIV/AIDS program, stretim gut ol sexual klinik, trenim ol helt wokmanmeri, na promotim ol awenes program aninit long lukaut bilog ol non-gavman ogenaisesen na ol narapela.

"Gavman i luksave olsem dispela hevi bilong AIDS i wok long kamap bikipela nau insait long kantri na i wok bung wantaim Australia long mekim ol man i luksave long dispela sik na traime abrusim," Barter i tok.

Mista Barter i tok olsem astingting bilong dispela K5.6 milien em long mekim ol wok bilong toksave long ol manmeri olsem dispela sik em bikipela na bai kilim ol. Long wanem i nogat wanpela marasin i stap na long pinisim dispela sik.

Ol trening tisa bilong tripela koles greduet long Kaindi

ADDY LAVAKS I raitim

WANPELA bikpela greduesen seremoni bin kamap long Kaindi Tisa Koles long Wewak, Is Sepik provins long las wik Trinde, Novemba 30.

Dispela greduesen seremoni i bin wanpela bikpela seremoni. Bikos tripela tisa koles i bung wantaim na holim seremoni. Dispela tripela tisa koles ya em St Paul's Tisa Koles, Our Lady of Sacred Heart (OLSH) na Kaindi Tisa Koles yet.

Hetmasta bilong Kaindi Tisa Koles (KTC), Brata Andrew Simpson i autim planti gutpela toktok bihain long ol sumatin i kisim setifiket bilong ol.

Wanpela bikpela toktok Bruda Andrew i autim i olsem KTC long dispela yia i bin painim wanpela bikpela hevi. Hevi ya em nogat mani. Dispela hevi kamap taim nesenel gavman i bungim bikpela hevi long ikonomi.

Brata Andrew i tok dispela hevi mekim na ol yia 1 na 2 sumatin i lusim skul na go bek long ples. Tasol em i wok strong wantaim gutpela tingting na helpim i kam long Bod ov Gavanoas na ol tisa bilong koles.

Em i tok taim ol sumatin bilong St Paul's na OLSH long Rabaul i kam na joinim ol sumatin bilong KTC, tripela hetmasta bilong tripela koles wantaim i bin wokhat tru long lukim olsem ol yia 3 sumatin i mas pinisim stadi na trening bilong ol. Na ol i mas greduet na kisim setifiket bilong ol.

Long sait bilong OLSH; 51 meri bin greduet na kisim setifiket, St Paul's-48 man i greduet na kisim set na KTC yet-78 manmeri greduet na kisim setifiket bilong ol.

Tripela sumatin i bin kisim prais long wokim gut olgeta wok bilong ol long tripela yia taim ol i stadi long koles.

Sik tafoid bikpela nau long hailans

SAPE METTA I raitim

SIK tafoid i kamap bikpela tru nau long hailans rijon bilong Papua Niugini.

Medikel Risets Institut long Goroka i tokaut long ripot olsem 1,000 manmeri na pikinini save painim dispela sik. Tasol haus sik save wokhat long stapim dispela sik namel long 100,000 pipel husat i gat sik ya long wanpela yia.

Long wanpela yia olgeta long luksave bilong ol save-man long dispela sik, ol i painimaut olsem sik ya i kamap bikpela long Isten Hailans provins.

Institut i painimaut olsem moa long 20,000 pipel long Asaro Veli long Isten Hailans i bungim dispela sik.

Dokta Meagan Passey bilong Institut i bin go pas long dispela wok painimaut. Na luksave long husat i bin kisim dispela sik insait long setelmen na ol ples long veli.

Em i hat nau long stapim. Tasol sapos ol manmeri i ken tingting gut na lukautim wara, toilet na ol arapela samting we i ken kamapim ol sik, ol i ken abrusim sik tafoid.

Dokta Passey i tok dispela sik i kamap bikpela tru. Na rekot i soim olsem 1,000 manmeri wantaim helpim bilong helt atoriti, ol i save abrusim dispela sik namel long 100,000 pipel husat i save bungim long wanpela yia.

Em i tok sapos ol pipel kam traim hat long wok long stretim ol wara bilong dring, toilet na rabis, ol i ken abrusim sik ya.

Dispela wok painimaut i soim ripot tu olsem long ol rurel eria, ol pipel i no save tingting gut long stretim ol yet

long abrusim ol kainkain sik olsem tafoid we i wok long kamap bikpela insait long dispela eria.

Dokta Passey i tok dispela wok painimaut i mekim ripot olsem long ol taun eria olsem long Goroka taun, sans bilong kisim sik ya i go daun tru. Bikos long dispela klinpela wara we ol pipel long taun i save dringim.

Em i tok planti rong ripot i kamap pinis olsem tafoid i save kamap long taim ol manmeri i dring wara i no klin. Em i tok dispela em i tru.

Tasol sik tafoid i ken kamap long man o meri husat i gat dispela sik, na taim ol i redim kaikai na givim i go long husat i nogat sik ya.

Dokta Passey i tok tru sapos husat man o meri i bin kisim sik tafoid na i bin kamap orait long marasin, tasol liklik pinatang ol i kolim salmonella typhi i ken stap laip yet insait long bodi bilong

dispela man o meri inap planti yia. Na taim ol i pekpek nabaut, dispela pinatang bilong kamapim sik tafoid i ken painim we na kalap i go long narapela manmeri.

Em i tok bihain long dispela sik i bin kamap long 1950, namba bilong ol manmeri i kisim dispela sik tafoid i go antap. Na nau i hat long stapim. Tasol sapos ol manmeri i ken tingting gut na lukautim wara, toilet na ol arapela samting we i ken kamapim ol sik, ol i ken abrusim sik tafoid.

Humen raits woksop glasim hevi bilong ol Wes Irian refuji

VERONICA HATUTASI I raitim

MOA long 70 pipel i makim ol refuji bilong Wes Irian long ol kem long kantri i sindaun nau long wanpela humen raits woksop long Holi Spirit Seminar koles long Bomana.

Dispela em ol mausman bilong ol refuji long Is Awin na Blek-wara kem. Na tu ol arapela lida bilong ol long Mosbi.

Humen raits woksop we i kisim tingting bilong ol lain refuji bilong Wes Irian. Na em i namba wan kain long kamap long kantri.

Bikpela samting we faivpela de woksop i lukluk long en em long glasim, skelim na kisim tingting bilong ol lain refuji long raits na laik bilong ol long ol bagarap ol i kisim long sindaun na laip bilong ol. Ol loya bilong ICRAF i ken helpim ol wantaim ol hevi bilong ol. Na narapela bikpela laik bilong ol refuji em long bruk lusim Indonesia na kamap wanpela seperet kantri ol yet. Woksop i lukluk long dispela laik bilong ol refuji tu.

Wanpela komiti ol i kolim long Westpac i

kodinetim woksop ya. Em ol lain Non Gavman Ogenaisen (NGO) na sios grup husat i gat bikpela laik long helpim ol pipel long lukautim raits bilong ol. Dispela em ol grup olsem ICRAF (Individuel Komyuniti Raits Edvokesi Forum) MEL-SOL (Melenisen Solidariti), CCPJ (Katolik Komisen bilong Pis na Jastis) na PNGCC (Papua Niugini Kaunsil bilong Sios).

Woksop ya bai i tingim Humen Raits De we Yunaited Nesens yet i makim long olgeta yia. long Disemba 10.

Siaman bilong CCPJ, Ludga Mond i tok bikos isu bilong Wes Irian i stap long nus biulong

yumi tasol na ol lain ya em ol brata na susa bilong yumi, Wespac i gat bikpela tingting long givim ol sampela helpim long luksave na tingting strong long raits bilong ol. Bikos 30 yias i ova pinis bihain long ol lain Wes irian pipel i stat pait long rait bilong ol long bruk lusim Indonesia.

Mista Mond i tok Westpac bai i helpim ol lain refuji long pait bilong ol sapos ol i gat strongpela as long pait long em. Na dispela em long raits bilong ol long lukautim ol yet.

Em i tok long nau, ol NGO na sios grup i wokim ol aweanes kempein long kantri. Dispela em long mekim ol pipel i save long humen, sosel politikel na rilijes raits bilong ol.

Lukaut long 1995 Goroka so



• Ol manmeri i mekimsave long haitim singsing tumbuna long 1994 Goroka So. So ya i kamap bikpela moa na i pulim planti tausen manmeri stret. Dispela so i winim tru bilong ol yia bipo.

Ol bikman i pasim tok pinis olsem so bai kamap nau long olgeta yia stat long neks yia, 1995. Na tu 1995 so bai winim tru bilong dispela yia. Foto: Sape Metta.

Yut lida askim gavman long strongim wok agrikalsa

FUZO PAUL I raitim

WANPELA yut lida long Is Sepik provins, Leo Sataro i tokaut olsem wanpela bikpela samting we i pundaun tru long Is Sepik provins em integrel humen developmen.

Mista Sataro i tok planti yia nau em i save wok moa klostu wantaim ol yangpela, yut grup na tu wantaim ol pipel long ol ples. Na em i luksave olsem ol provinsal na nesenel politisen, na tu ol publik sevan insait long provins i nogat gutpela tingting long karimaut wok. Na givim gutpela sevis i go long ol pipel long rurel eria.

Em i tok gavman, provinsal na nesenel wantaim, i wok long tromoi bikpela mani long ol developmen projek we i no givim wanpela gutpela samting i go long ol pipel.

Em i tok gavman i mas putim kamap bikpela mani long kirapim na promotim agrikalsa sekta insait long kantri. Na tu i mas kirapim ol industri insait long kantri long wokim sampela samting olsem kaikai. Bikos long nau yet, Papua Niugini wok long baim planti kaikai long ol arapela kantri na kisim i kam insait long kantri.

Mista Sataro i tok pasin bilong baim kaikai bilong ol arapela kantri kamapim pasin bilong les long wol. Na ol pipel i nogat tingting bilong yusim save bilong ol long kirapim na ranim ol projek we i ken

kamapim gutpela developmen.

Sataro i tokaut olsem em i no save amamas long ol politisen na bikman long pravit sekta i tok olsem planti yangpela manmeri pinisim skul na stap nating. Bikos i nogat inap wok. Em i tok dispela hap tok i no trupela. Long wanem gavman i sapos long skelim ol samting na hevi na kamapim ol stretpela polisi long daunim dispela hevi.

Em i tok gavman i mas spenim-mani long stretpela rot na larim ol teknikel saveman i soim ol pipel na yangpela long kirapim na ranim ol liklik projek long ples. Bikos ol pipel i laik kirapim ol projek long ples tasol nogat gutpela helpim na sapat i kam long gavman.

TU MINIT TINGTING

BOKIS MASIS I GAT SKUL

LONG taim bilong Adven i olsem yumi stap long pinis bilong Olpela Testamen. Na nau yumi surik i go i statim Nupela Testamen. Olpela Testamen em i taim bilong tudak, em i taim bilong wetim tulait i kamap. Dispela tulait, dispela lait em i Jisas na em i Gutnius na em i tok bilong God.

Taim bilong tudak em i makim tu taim bilong ol tumbuna bilong bipo, taim ol misin i no bin kamap yet long Papua Niugini. I olsem Sen Pol i bin rait long Efesi 5:8 - "Bipo yupela i stap long tudak, tasol nau Bikipela i putim yupela i stap long lait."

Wanpela tisa i save holim wanpela bokis masis bilong eksplenim dispela tok long Baibel stadi grup bilong em. Mi laik bihainim nau ol aidia bilong em. Pastaim em i mekim dai lait long rum we ol i stap.

Na em i holim wanpela bokis masis long ai bilong ol pipel i stap na em i tok olsem: "Mi holim nau wanpela bokis i pulap long masis. Tasol em i no helpim yumi liklik; yumi stap yet long tudak. Bikos yumi no opim bokis masis na slekim wanpela."

"Pastaim ol tumbuna bilong

yumi tu i wankain: ol i stap long tudak. Ol i save pret planti long olkain tambaran na masalai na sanguma; na tu ol i save pret long pasin bekim. Tudak i makim taim bilong pret.

"Nau mi slekim wanpela masis bilong soim misin i kamap na i bringim lait bilong Tok bilong God i kam insait. Maski dispela lait i liklik nating, yumi inap lukim em longwe long tudak. Dispela liklik paia i hait insait long dispela liklik masis, em inap long laitim bikipela paia moa, inap long kukim ples olgeta.

"Taim yumi slekim masis na paia i lait, nau yumi inap mekim planti nupela samting. Yumi inap kukim kaikai, na boilim wra, na hotim skin, na laitim lam. Olsem tasol, long taim ol misin i kamap wantaim tok bilong God, ol nupela samting tu i kamap: olsem ol skul na haus sik na Gut Nius, na fridom, na pasin bilong laikim olgeta arapela manmeri. I olsem wanpela lait i kam insait long lait bilong ol

pipel.

"Sapos yumi lukim poto bilong ol Papua Niugini bilong bipo bipo tru, ol i luk narakain. Ol i luk pret, na ai bilong ol i wara long smok bilong paia, na ol i na save smail liklik. Tude ol poto i save soim pes bilong yumi i narakain tru; yumi save smail na yumi hepi na lap - i olsem, nau yumi belgut na yumi no save pret long olkain samting. I olsem, nau wanpela lait i stap insait long bel na sol na lewa bilong yumi, na dispela i save lait long ai bilong yumi."


Nau yumi go bek long skul bilong bokis masis. Bokis masis i no samting bilong oltaim. Nogot. Bokis masis em i gat taim bilong em. Sapos yumi pinisim olgeta masis, bai bokis masis i stap nating; bai em i pinis. Na yumi bin yusim wan wan masis bilong laitim wanem ol kain samting? Dispela bokis masis i makim lait bilong yumi. Yumi wan wan i gat hamas de o awa o yia yet? Long wanpela

de, bai yumi wan wan i pinis - olsem bokis masis i pinis.

Ol masis i gat wok long kirapim paia na laitim olkain lam nabaut long ol. Tasol long taim ol i givim paia, ol i no lusim paia bilong ol yet. Nogot. Ol i givim laip long olgeta paia o lait ol i laitim.

Yumi tu i wankain olsem ol stik masis. Yumi no stap bilong haitim lait na holim nating insait long yumi. Nogot. Olsem wanpela stik masis, yumi tu i mas tilim lait na mekim lait i kamap nabaut long yumi. Olsem tasol na lait bilong yumi i go i go na em bai stap inap longpela taim.

Wok bilong slekim stik masis, em i makim pasin bilong laitim lam insait long laip bilong ol manmeri nabaut. Yumi laitim dispela lam long taim yumi givim gutpela eksampel long ol, long taim yumi givim tok stia long ol, long taim yumi stretim wari bilong ol, long taim yumi skulim na tisim ol, long taim yumi putim yau long ol.



FRANK MIHALIC i raitim

Adven i bin kirap long Nupela Testamen long taim ensel Gabriel i laitim lam insait long laip bilong Sekaraya na Elisabet, na Jon Bilong Baptais i kamap. Na dispela sem ensel Gabriel i laitim lam insait long laip bilong Maria, na Jisas i kamap.

Yumi tu i gat wankain wok - em wok bilong masis yet - bilong laitim lam insait long laip bilong ol manmeri nabaut long yumi. Em i wok bilong Adven bilong yumi.

Tripela ELC-PNG memba kam bek long Jerusalem

SANANG ZAZORING i raitim

TRIPLELA opisa bilong Luteran Sios (ELC-PNG) i kam bek pinis long kantri. Dispela em bihain long wanpela konsotesen bung ol i holim long Jerusalem insait long kantri Isrel.

Dispela bung em Northerbian Luteran Sios insait long Jemani i bin holim.

Ol tripela opisa i go long dispela bung em Asisten bisop, Bisop Ray Rasowe, Mis Gabby Gedisa, wokmeri kodineta bilong ELC-PNG, na wanpela yut lida bilong Mumeng Distrik, Sobu Saron.

Dispela i kamap long Oktoba 9 i go inap long namba 23 de. Na i bungim 35 deliget o mausman bilong Hong Kong, India, Saire, Tansania, Kenya, Brasil na Papua Niugini. Dispela bung i sut long strongim wok poroman namel long Northerbian Luteran Sios wantaim ol kantri husat i stap pinis long dispela progrem wantaim em.

Tasol dispela bung i toktok moa long senisim wokman na arapela helpim i go i kam namel long Notebien Luteran sios (Saut Not) na wok namel long yumi yet (Saut Pasifik).

Dispela bung i kamap aninit long het tok, "Jerusalem Consolation of Partnership." Na i lukluk long luksave na rispek namel long olgeta Luteran Sios husat i stap aninit long wanpela tok bilip insait long wol.

Pastaim rot bihainim Not Saut i stap we Northerbian Luteran Sios i save salim ol sios wokman na mani helpim long ol kantri olsem long Esia, Afrika na Saut Amerika. Tasol dispela bung i toktok moa long senisim wokman na arapela helpim i go i kam namel long Northerbian Luteran Sios (Saut-Not) na wok namel long yumi yet (Saut-Saut).

Long nau, ELC-PNG i gat wok poroman namel long ol Luteran Sios insait long Kanada (ELCC), Amerika (ELCA), Australia (LCA), na Evanje-

likel Luteran Sios insait long Bavaria (ELCB) wantaim Northerbian na Leipzig Luteran Sios insait long Jemani. Tasol nau ELC-PNG bai skruim wok namel long Afrika, Esia na Luteran Sios insait long Saut Amerika.

Insait long Saut-Saut rot, ol Luteran Sios insait long Afrika na Asia bai wok bung wantaim Luteran Sios insait long Papua Niugini. Long dispela program - ol bai kamapim visit bilong ol sios wokman, lukim sios wok, kamapim skolasip long helpim wok bilong sios i ran gut long wan wan Luteran Sios.

Wok bilong ol meri

Namel long ol arapela bikipela tok, dispela bung i toktok tu long wok bilong ol meri insait long sios na kamapim rot bilong strongim wok bilong wanwan grup insait long Luteran sios long wol, na tokat long bilip ol i gat pinis.

Dispela bung i bin kamap long Jerusalem, Galili na Sidon we ol

deleget i gat taim long lukluk raun long hap bilong Isrel, em buk Baibel i stori long en.

Ol i guria long lukim ol ples olsem Bikipela Krai i bin raun na mekim bikipela wok. Sampela ples ol i lukim em Galili, Ret Si, Mt Oliv, Golgota na matmat bilong Jisas Krai we ol i bin planim em na em i kirap bek.

Long dispela taim ol 3-pela Luteran Sios wokmanmeri i bin bungim Bisop Nain Nassar bilong Jerusalem Luteran Sios. Bisop Nassar i bin kam long Papua Niugini taim em i kisim singaut bilong kam olsem deleget bilong ELC-PNG sinot long Port Moresby long Januari dispela yia.

Ol i bin lukluk raun tu long Bethlehem Luteran Sios bipo long kam bek long Papua Niugini.

Ol lain bilong Agotu i amamas long wok Sande Skul



• **Ol yangpela Sande Skul tisa bilong Agotu seket wantaim nupela seket presiden bilong ol, Pasto Bonny (stap long fran, namba tu long ralthan).** *Poto na stori: Wolfgang Goldberg*

SAMPELA yangpela manmeri bilong Agotu seket bilong Luteran Sios i bin bung long wanpela wan wik kos bilong kisim save long wok Sande Skul.

Agotu seket i stap long baksait bilong maunten Michael long Isten Hailans provins. Dispela em i wanpela eria we i nogat gutpela rot na sevis bilong gav-

man. Tasol planti manmeri na pikinini i save stap long hap.

Sampela sios wokman na meri bilong Luteran i wari long Kristen Edukesen

bilong ol pikinini, na ol i bin singautim wanpela tim bilong wokim Sande Skul tisa kos. Dispela tim i go pas long wok RI na Sande Skul insait long olgeta seket bilong ELC-PNG Goroka distrik.

Ol i bin skulim ol nupela Sande skul tisa bilong Agotu seket long pasin bilong tisim ol pikinini, wokim papet na pilai wantaim em. na tu dispela tim i bin lainim ol long yusim Sande Skul progrem bilong Luteran Sios olsem wanem. Ol nupela tisa i bin traim na wokim sampela Sande Skul lesan.

Long dispela rot ol i bin soim save na amamas bilong ol long wok bilong lainim ol pikinini long Tok bilong God. Namba wan step bilong kirapim wok Kristen Edukesen namel long Agotu i kamap pinis.

Ol Luteran meri laikim luksave bilong sios

LONG bung bilong Jerusalem konsotesen bilong patnasip, ol i toktok moa long wok bilong ol meri bilong Luteran Sios long wol long tude. Meri makim ELC-PNG wokmeri, Mis Gabby Gedisa i stap wanpela bilong ol deliget long dispela bung.

Ol meri i toktok long wok bung namel long Esia Pasifik na Afrika (Saut Saut) rot long wok bilong ol meri insait long ol Luteran Sios. Namel long ol arapela hevi, ol i bin toktok long skolasip em wanwan sios i mas givim long ol meri long kisim save long wok bilong meri insait long sios.

Ol i tingting long kirapim wanpela trening senta insiat long

Jerusalem. Na ol deliget long bihain bai go long ol bung long dispela hap. Na tu em bai helpim ol long raun na lukim ples we Kristen Sios i bin stat.

Bung i bin toktok long wok poroman namel long Northerbian Luteran Sios long Jemani wantaim ol kantri insait long Esia, Afrika na Saut Amerika i mas stap yet sapos i gat sot yet.

Mis Gedisa i tok, wokmeri insait long ELC-PNG i mas go long senis, na lukluk long mekim wok i sut long mani na samting ol meri i gat.

Em i tok, ol meri bilong ELC-PNG i gat gutpela trening na save, tasol planti taim ol i no save luksave long ol na daunim

ol long wok bilong ol. Olsem na sios i mas yusim ol gut na sapos i gat sot yet oriat lukluk ausait long kisim helpim.

Long nau ol ELC-PNG meri bai gat mausmeri insait long sios, Mis Gedisa i tok amamas long dispela pasin. Na i tok sapos moa meri i stap insait long bod bilong arapela dipatmen wantaim ol arapela komiti na ol meri bai i gat bikipela amamas long dispela tingting.

Em i askim ol meri yet i mas kamapim wok poroman namel long ol yet. Na kamapim gutpela rot bilong luksave, na helpim ol yet bihainim gutpela rot bilong salim toktok i go i kam.

SDA sanapim narapela haus lotu long Ungai

SAPE METTA I raltim

SDA sios long Isten Hailans i sanapim nau moa haus lotu na kisim moa memba. Bikpela astingting bilong dispela em long kisim tok bilong God i go hariap long ol pipel. Na i no bilong stilim ol memba bilong arapela sios o lotu.

Dispela toksave i kam long ol lida bilong SDA sios long Ungai eria bilong Isten Hailans provins. Ol i tok olsem bihain long ol i witnesim 7-pela manmeri i joinim sios las wik.

Na tu ol i opim tu wanpela nupela haus lotu na baptaisim sampela nupela memba bilong sios long ples Namasoro. Moa long 200 manmeri i kamap long dispela bung.

Pasto Donga Andy i tokim ol manmeri olsem ol pipel bilong ples Namasoro bringim SDA sios i go insait long ples bilong ol. Na ol ara-

pela pipel long ples em ol strongpela memba bilong Engliken.

Pasto Andy i tok nupela haus lotu long Namasoro i mas soim olsem em i gat strongpela as, na bai wokhat long pasin bilong laikim narapela na tilim ol samting. Na dispela em i wanpela rot bilong kisim moa memba i go insait long sios.

Seketeri bilong Namasoro haus lotu, John Moresby Rikapa i tok ol pipel bilong em i gat strongpela bilip olsem SDA bai stapim ol long kaikai feveret pik mit bilong ol. "Tasol ol pipel bilong mi i mekim tokorait long kisim gutnius bilong God i go insait long bel bilong ol, na lus tingting long ol kastom na tumbuna pasin."

Dispela nupela haus lotu em ol i wokim long ol samting bilong bus. Na i kos K300 tasol. Tasol Mista Rikapa bilip olsem i no longtaim moa pipel bai joinim sios. Na ol bai sanapim bikpela haus lotu long bihain taim.

500 Katolik manmeri pasim Intanesenel Yia bilong Famili



• Ol pikinini i bung long Don Bosco Hol long Mosbi na liptimipim nem bilong God Pap. Dispela em long bikpela lotu bilong pasin Intanesenel Yia bilong ol Famili las Sande.

EDDIE SAUNDERS I raltim

DON Bosco Teknikel Kolis Hol long Mosbi i pulap tru las wiken taim ol Katolik pipel i bung long pasim Intanesenel Yia bilong Famili.

Moa long 500 manmeri na pikinini i bung long bikpela lotu we

bihain long en, i bin gat kaikai na ol kainkain pilai.

Asbisop long Mosbi, Sir Peter Kurongku i tok amamas long ol famili husat i kamap long dispela bung. Em i tok, "Mi amamas long lukim yupela ol famili i

rispektim dispela yia we Yunaited Nesens i makim olsem yia bilong ol famili. Sios i amamas tru long pasin we Yunaited Nesens i mekim long luksave olsem famili em i bikpela samting tru long sosaiti na laip bilong yumi."

Asbisop Kurongku i amamas tu long ol famili husat i no bin

inap long kamap long bung, tasol ol i luksave na makim dispela yia olsem yia bilong famili, stat yet long mun Mas bilong dispela yia.

Em i tokaut tu olsem pasin marit kastom bilong yumi long PNG i gutpela. Bikos em i save bungim ol wanpisin bilong tupela sait i kam wantaim.

Kastom ya i gutpela. Bikos em i ken helpim marit i groa strong. Na marit bilong tupela yangpela i olsem tupela lain wanpisin i marit tu. Dispela em i blesing bilong God we yumi i mas holim pasim i stap. Na soim ol pikinini bilong yumi long ol i bihainim kastom ya tu.

Asbisop i singaut strong long pati bilong marit i kamap tu long ples. Bikos dispela em i wanpela rot we ol pipel long ples i givim luksave long marit i kamap long taun. Em i tok planti taim, ol lain wanpisin long ples i no givim luksave.

WEWAK SPESEL

TOYOTA LITEACE BAS

BIPO PRAIS

K16,500

DRAIVIM IGO TASOL

HARIAP! NOGUT OL DISPELA STOK I PINIS!



FRI! EF600 GENSET

BAI IGO WANTAIN LITEACE BAS!



TOYOTA

Oh Em Moa Yet!

Ela Motors

RINIM : 862072 KETH RIECK BRANS MANEJA RINIM : 862255 JACK MATHEWS SELS MANEJA
RINIM : 862255 JAMES MANDAWO SELS MAN FAX : 862252 P O BOX 778 WEWAK

Krisma s taim... Olpela Presiden bilong USA Ronald Reagan wantaim meri bilong em Nancy i sanap wantaim ol liklik mangi long kisim poto. Dispela em long wanpela raun bilong ol long lukluk long ol samting bilong krismas. Reagen wantaim meri bilong em i mekim dispela raun i go long Carlifornia long USA yet long lukluk long laibreri bilong ol Presiden na Misuem long Simi velli.



Ol liklik nius

Dok karim spak brus insait long bel AMERIKA: Ol kastoms opisa long Nu Yok ples balus long Amerika i holim wanpela yangpela dok husat em ol lain bilong em i salim long Kolombia long balus na i go long Nu Yok siti.

Dispela dok i no bin amamas o stap orait olsem ol arapela dok i save stap. Olsem na ol kastoms opisa i kisim dok ya na go sekim em long eksre masin we ol i painimaut olsem dok ya i karim ol karamap smok nogut long bel bilong em.

Wanpela dokta husat i save lukim sik bilong ol dok o ol kain abus i katim bel bilong dok ya na painim 10-pela plestik kondom we ol lain i pulapim spak brus long en na putim insait long bel bilong dok ya.

Dokta i tok dok ya i no bin kaikai long tupela wik olgeta olsem na bodi bilong em i no stap gut o amamas taim em i kamap long Nu Yok ples balus.

Ol lain long kastoms i holim pinis wanpela man husat i bin tokaut olsem dok ya i bilong em. Nem bilong man ya em John Roa bilgn Paterson long Nu Jesi distrik.

Opis bilong ol lain husat i save lukim sik bilong dok na abus i tok ol bai yusim dispela dok long sekim ol arapela dok o enimel husat i save go long balus. Dok ya i wok long kisim marasin na bai orait liklik taim bihain.

Ol bai yusim dok ya long sekim ol spak brus na ol arapela kain marasin no gut we ol man i save haitim wantaim kago o ol samting antap long balus. Sapos dok ya i no pas long wok bilong em, bai wanpela wokman bilong kastoms i kisim na go lukautim bilong em.

Smok i ken bagarapim bun

AUSTRALIA: Wanpela ripot bilong Profesa Philip Sambrook long Garvan Institut bilong Medikel Rises skul i painimaut olsem ol manmeri husat i save smok i hevi long bun bilong ol. Ripot ya i tok bun bilong ol manmeri bilong smok i ken bruk isi sapos ol i bungim hevi o birua.

Dispela em bikos taim ol manmeri i smok planti, pawa bilong smok i go na bagarapim gris bilong bun we ol i save kolim kalsium (calcium). Dispela gris o kaslium em samting we i save strongim bun.

Dispela stadi bilong profesa Sambrook i painimaut long lapun manmeri husat i gat krismas insait long 60 na 80 we strong bilong bun bilong ol i wok long go malumalu. Ol lain lapun husat i no save smok, strong bilong bun bilong ol i stap yet.

Dispela ripot i soim tu olsem taim ol i bin yangpela na smok planti, ol i wok long daunim strong bilong bun bilong ol. Gutpela kaikai bilong strongim bun tu i no save strongim bun bikos long smok tasol.




Ron i go long marit... Ol man na meri husat i redi long marit long Iran. Ol i marit wantaim helpim i kam long ol lain bilong jariti long wanem ol yet i nogat inap mani long dispela kain marit.



Taim bilong bung... Praim Minista bilong Isreal Yitzak Rabi wantaim Difens Seketeri bilong USA i sanap autsait long Pentagon. Pentagon em haus bilong ol spal.

Bagarap long Jakata... Ol lain bilong Is Timor Ailen long Indonesia i bin protes taim presiden bilong USA Bill Clinton i go raun long hap. Ol i laikim olsem em i mas helpim ol long kisim Independens. Ol i mas na plis i paitim ol nambaut na karim ol i go long kalabus. Ol lain long Is Timor i bin laikim independens olsem ol lain long Wes Irien.



Protes long Paris... Planti tausen wokman na meri i mas long biktaun bilong Frans long protes olsem ol wokman i mas gat planti raits liklik.

**THE ONLY ANSWER FOR PNG
2 CHRONICLES 7:14**

If my people, who are called by my name will humble themselves and pray and seek my face and turn from their old ways, then will I hear from heaven and will forgive their sin and

WILL HEAL THEIR LAND

We call all Christians who believe in the spiritual effect of this scripture and who wish to support a proclamation for a National Day for Prayer and Fasting.

Please Write to:

**KAIKAI BILONG TINGTING
P.O. BOX 7574
BOROKO
NCD**

Sponsored by
Harvest Ministries International

OL WANSOLWARA NIUS

AUSTRALIA: Australia i no moa bosim wok long lukautim solwara bilong ol memba kantri long Forum Fiseris Ejensi (FFA). Dispela wok i lukautim ikononik son long solwara bilong ol memba kantri. Na tu long lukim olsem i nogat ol ausait lain i kam nating insait long kisim ol kaikai na samting bilong solwara long ol memba kantri.

Hai Komisen bilkong Australia i autim dispela samting long dispela wik. Long nau, Australia i givim wok long han bilong Forum Fiseris Ejensi long Honiara, Solomon Ailans.

Seveilens Senta bai helpim tru FFA long kodinetim ol infomesen long givim aut i go long ol memba kantri long ol i lukautim gut ikononik zon long solwara bilong ol.

Komanda bilong RAAF Maritaim patrol grup, Bob Laiang i tokaut olsem senta ya i wanpela eksampel long Australia i komitim em yet long helpim ol lain Pasifik kantri i lukautim seveilens wok bilong ol.

Namba wan asua bilong bebi long Vanuatu

VANUATU: Long las wiken, sampela lain long Santo, Vanuatu, i painim wanpela nupela bebi long drein long hap sait long rot. Ol i kisim em i go long Noten Distrik Haus sik long Santo we ol nes, dokta na wok manmeri long hap i lukautim. Dispela em i nambawan taim Vanuatu i bungim dispela kain hevi.

Ol plis long Lugenvil i holim pasim pinis wanpela yangpela meri bikos em i rong long wokim dispela asua. Ol i tok meri ya em i mama bilong dispela liklik bebi.

Plis i kisim mama ya i go longhaus sik tu bikos em i gat hevi long blut. Ol no tokaut wanem as tru na mama i tromoim bebi long drein, tasol tupela mama i stap orait long haus sik nau.

Ol pipel no amamas long kot

FIJI: Bos bilong ol solisita long Fiji, Isikeli Mataitoga, i laikim ful ripot long pasin we wanpela kot majistret i mekim long larim sikspela man i go fri. Dispela em bihain long ol i bagarapim yangpela meri wantaim 15-pela krismas.

Ol wimens raits loya na pablik long Fiji i egen-sim tru disisen bilong Mejistret Moses Fernando long Labasa kot las Fraide we em i larim sikspela man i go fri bihain long rong ol i mekim long yangpela meri. Bikos meri ya i bikpela na em i luk olsem krismas bilong em i abrusim 15 yias, majistret ya i harim ol tok bilong sikspela man ya na larim ol i go fri.

Plis i tokim kot olsem long Novemba 11, meri ya i stap insait long wanpela olpela haus lotu wantaim tupela poroman na boipren bilong em. Sikspela man ya i bungim ol, tasol ol narapela i ranawe. Tasol ol man nogut ya i holim yangpela meri na wan wan long ol i bagarapim em.

Ekting palamen lida wantaim Leba Pati bilong Fij, Krishna Datt, i tok disisen bilong Majistret Fernando i mekim pablik i kirap nogut tru. Bikos, em i tok, lukluk bilong manmeri ino as long majistret long givim disisen bilong em. Samting tru long jasim na mekim disisen em long krismas bilong em.

Palamen bilong Tuvalu i mekim histori

TUVALU: 12-pela memba palamen bilong Tuvalu i mekim histri long tupela samting. Nambawan em long las wik Fonde we faipela oposisen pati memba i wokaut lusim palamen taim ol no amamas long sampela samting.

Gen long Mande apinun, palamen i bung long tri minit tasol na pasim bung, Redio Tuvalu i ripotim olsem.

Long palamen bung bilong Mande, ol memba i sapos long toktok long 10-pela mosen bilong ol bekbensa. Bikos long pasin ol i mekim long wokaut long palamen, faipela oposisen memba i tok ol bai ino inap long soim pes bilong ol long bung.

Maski hevi i stap, palammen i go het yet long sindaun na mekim ol senis long gavman.

OL RIPOT I KAM LONG PACNEWS



Ol i wok wantaim nau...Ol soldia bilong Saut Afrika Difens Fos i mas long biktaun Johannesbeg long wanpela spesel difens mas. Presiden Mandela i tok olsem ol Difens i wok long kisim ol narapela kain stail olsem na ol i mas bihainim stail bilong ol yet nau.

Taim yu kisim ol kainkain pen...
olsem tit i pen ...baksait i pen...
het i pen...sik mun pen...
o wanem kain sik...!

Olgeta taim igat Disprin long halivim yu!



Em isi, yu ken kisim Disprin na tanim wantaim wara!

Igat narapela yu ken kaikaim... teis olsem muli!

Na igat ol kapsol yu ken daunim wantaim wara!

TINGIM... OL KAINKAIN PEN...
IGAT DISPRIN OLSEM WE YU LAIKIM...

Kisim DISPRIN... kilim pen!

HRD 14732

Ol papagraun no laikim Malesia kampani long katim timba

GODFRIED YASSAFAR i raitim

OL pipel bilong ples Yakumul, Ulau na Suain long Aitape is kos i no laikim wanpela kampani bilong Malesia ol i kolim Damansara i karim aut wok bilong katim diwai, na kirapim wanpela welpam projek long eria bilong ol.

Bihainim dispela tingting bilong ol, ol papagraun bilong dispela tripela ples long Aitape Is Kos i raitim pinis wanpela pas na salim i go long Minista Bilong Fores Andrew Posai. Long dispela pas, ol papagraun i autim watpo na ol i no laikim Damansara long kirapim dispela bikpela welpam projek

long eria bilong ol.

Long dispela pas bilong ol, ol papagraun bilong Yakumul, Ulau na Suain i tokaut long Minista Posai olsem ol i les long bungim wankain hevi olsem ol arapela hap i bungim. Ol i tokaut olsem ol i luksave pinis long hevi kamap long Sera na Pes long Aitape wes kos na Hawaii long Wewak, Is Sepik provins.

Ol i tokim Minista Posai long pas bilong ol olsem: Mipela ol papagraun tru. Mipela i no lukim wanpela kontrak o Memorandum ov Andastending (MOU) bilong divelopa kampani Damansara. Dispela divelopa kampani i haitim dispela kontrak long mipela. Na tokim mipela long sainim kontrak

hariap. Bikpela samting i olsem mipela i no save o klia long wanem samting i stap insait long dispela kontrak.

Ol i tok divelopa kampani wok long paulim na grisim ol. Givim ol fri kaikai na ol arapela samting. Kampani givim mani go tu long ol manmeri husat i no ol trupela papagraun long sainim kontrak.

"Kampani wok long grisim ol manmeri long sainim. Bikos kampani tokaut olsem husat manmeri sainim kontrak, kampani bai baim ka bilong ol, wokim haus bilong ol na tu givim wok i go long ol," ol papagraun i tokim Mista Posai long pas bilong ol.

Ol papagraun tru i tokaut long

Mista Posai olsem ol i no sainim yet wanpela kontrak wantaim Damansara.

Long pas bilong ol, ol papagraun i tokim Mista Posai olsem ol i no laikim namelman. Bikos ol namelman i wok long paulim na grisim ol. Bikos ol i luksave olsem Damansara i wok long givim ol (namelman) bikpela mani long grisim ol papagraun.

Wanpela hevi ol i tokaut i olsem ol i nogat ol mausman i stap insait long bod o menesmen bilong kampani. Ol namelman i makim papagraun olsem ol mausman. Bikos long dispela asua, ol i no laikim divelopa kampani long karim aut wok bilong katim diwai

na planim welpam long eria bilong ol.

"Nogat wanpela wokman o opisa bilong gavman i kam na toktok long mipela ol papagraun long wanem samting bai kamap. Ol opisa bilong Dipatmen Bilong Agrikalsa na Laipstok, Envairomen na Konsevesen na Forestri no kam lukluk raun na paitim toktok wantaim mipela," ol papagraun i tokaut long Fores minista.

Ol i askim Minista Posai na tu gavman i mas luksave long dispela hevi. Na gavman i mas stopim Damansara long no ken go het na katim diwai long bus bilong ol na kirapim welpam projek.

Primia Kipo askim PNG long sanap wantaim

DANIEL MONA i raitim

SIAMAN bilong Papuan Primia Kaunsil na primia bilong Sentrel provins, Paul Kipo i askim Papua Niugini long sanap wanpela kantri tasol. Primia Kipo i mekim dispela toktok long wanpela kibung bilong Papuan Primia long las wik bihainim ol tok-tok bilong ol provins i laik bruk lusim bikples Papua Niugini na sanap bilong ol yet.

Primia Kipo i tok nesanel gavman i mas mekim provinsel gavman wok gut. Em i tok gavman i mas skelim na brukim gut politikel pawa bilong yusim moni na administresen pawa bilong ronim provins.

Em i tok nesanel gavman i mas helpim long strongim wok bilong provinsel gavman na i no ken singaut antap long hevi. Em i mas go insait long stretim hevi we i sut long sindaun bilong ol pipel.

Mista Kipo i askim long gutpela wok bung wantaim Papuan grup long strongim wok sosel, bisnis na politikel wok bilong kamapim gutpela sindaun namel long ol pipel.

Em i askim arapela Papuan primia long strongim rijenel seketeriet grup bilong wok klostu na was long sevis na helpim i mas go stret long rot bilong em i go long ol pipel insait long rijen.

Em i askim tu long strongim wok bilong edukesen insait long provins long kamapim ol gutpela wokman bilong strongim provins na kantri long kirapim divelopmen long helpim ol pipel.

Primia Kipo i tok wok bisnis bilong wokim ol samting insait long kantri yet em gutpela long helpim ol manmeri long baim isi na tu kamapim wok long ol yangpela husat i no gat wok na raun nating.

Hevi bilong rot i katim senis long ol Ranara pipel

SANANG ZAZORING i raitim

OL pipel bilong Ranara insait long Rai Kos distrik bilong Madang provins, i gat bikpela sot bilong kirapim divelopmen insait long hap bilong ol.

Ranara i stap namel tru long boda bilong Morobe na Madang provins. Long dispela as, em i hat tru long wanpela divelopmen i ken kamap hariap.

Lusim haiwe rot i go antap moa long 60 na 70 kilomita insait long Ranara eria, Madang provinsal gavman i bin wokim rot i go antap pinis long Tauta stesin na i go kamap long mak bilong Rawa 1 na 2, na Nahu 1 na 2 eria.

Tasol bikpela wara Surinam i tait na bagarapim rot. Long dispela, ol ka i ken i go antap long Boro, Sisimba, na ol ples i stap insait na klostu long Tauta stesin eria. Tasol hapsait long wara, moa long 7,000 pipel i stap na ol i mas kisim helpim i kam long gavman na sevis bilong ol sios na bisnis tu.

Ol arapela pi-s i stap hapsait long wara em Goiro, Niningo, Saranga, Gomumu, wantaim planti ples i stap aninit long Nahu 1 na 2 na Rawa 1 na 2.

Ol ples i maunten tru na ol pipel i mas mekim bikpela hatwok long karim ol kago na wokabaut i go i kam.

Ol i gat olgeta samting bilong maket olsem kopi, ol kaikai, kumu, ol prut, buai daka na arapela kaikai bilong gaden.

Ol Marianvil studen go aut wantaim salens

NEVILLE CHOI i raitim

Ol gred ten studen bilong Marianville Hai skul ausait long Mosbi i pinisim las de long skul bilong ol wantaim tupela salens. Blong lukluk bek long skul na edukesen ol i kisim, na blong apim gutpela nem blong skul bilong ol long taim ol i go aut long ol narapela skul.

Dispela skul em wanpela skul we i wokim nem olsem wanpela gutpela skul insait long kantri, na i wok long go het long produsim planti gutpela studen olgeta yia.

Ges spika long dispela greduesen, Fest Asisten Sekriteri blong standads divisen long edukesen dipatmen Mista Damien Rapese, i wokim tu dispela salens igo long greduens blong lukluk bek long taim ol i bin stap long hai skul.

Mista Rapese i tokim ol dispela meri olsem sapos ol i lukluk bek long ol samting ol i kamapim taim ol i stap yet long hai skul, dispela i ken wanpela gutpela samting ol i gen iusim blong wokim kamap gutpela sindaun bilong ol long bihain taim.

"Bai yu lusim dispela ples wantaim wanpela edukesen blong wok long faktori oa ofis. Blong kamap wanpela



•Sampela papamam i sanap wantaim ol pikinini bilong ol bihain long greduesen seremoni.

fama oa meri i wokim gutpela wok long ples, wanem samting yu bai kamap long bihain taim, em blong yu yet blong skelim", Mista Rapese i tok.

Em i tokim ol studen tu olsem ol i mas wok hat long wanem samting ol i wokim blong kamapim bikpela nem blong ol.

Em i tokim ol meri tu olsem ol i kalapim pinis wanpela lata, na klostu nau ol bai i mas kalapim wanpela gen, na ol i mas wok hat tru.

"Wald autsait i no olsem displa wald yu stap long em. Dispela wald autsait i nidim self disiplin na yu mas wok hat", em i tok. Mista Rapese i wokim

wanpela askim igo long ol papa mama bilong ol studen blong sapotim ol pikini bilong ol long dispela taim we kantri is sot long moni.

Long sampela askim em i tromoi long ol papamama, Mista Rapese i toktok strong olsem ol i mas tingting pastaim long ol pikinini blong ol. Em i tokim ol

olsem ol i gat bikpela wok long kamapim gutpela edukesen bilong ol pikinini bilong ol.

Blong pinisim toktok blong em, mista Rapese i tokim ol studen blong tok tenkyu long ol tisa na ol papamama blong sapot bilong ol.

Ol komiti sot long mani bilong kisim Sepik bilong Rabaul

IS Sepik Provinsal Distasta Komiti bungim hevi nau long baim ol papa bilong ol PMV komiti yusim long kisim ol Sepik i lusim Rabaul na go kamap long Wewak i go long ples bilong ol.

Taim tupela sip bilong Pasifik Niugini Lain (PNL) i kisim ol Sepik long Rabaul i go long Wewak, provinsal distasta komiti save hairim ol PMV ka long kisim ol manmeri go long wan-

wan ples o distrik bilong ol.

Man husat i go pas long lukautim na ranim dispela wok long Wewak, Joseph Mande i tokaut long dispela wik olsem komiti bilong em i sot nau long mani. Na sampela papa bilong ol PMV i komplem pinis long komiti bilong em i no baim ol long yusim ka bilong ol.

"I no longtaim i go pinis, 600 manmeri na pikinini bin lusim

Rabaul na kam kamap long Wewak. Na mipela i yusim sampela PMV long salim ol i go long ples bilong ol. Liklik mani mipela i gat long en, mipela i yusim long baim sampela papa bilong ol PMV tasol. Mipela i no baim olgeta papa bilong ol PMV. Lain mipela i no baim ol i kam long opis na tokaut olsem ol i laikim mani bilong ol. Tasol mipela i tokim ol olsem mipela i sot long

mani. Mipela i tokim ol olsem mipela bai baim ol taim mipela i kisim sampela mani," Mista Mande i tokim Wantok niuspepa.

Mista Mande i tok long stretim dispela hevi, em i toktok pinis wantaim Primia bilong Sandaun Peien Aloitch. Astingting em long askim Sandaun provinsal gavman long givim helpim.

Em i tok Primia Aloitch i tokorait long

givim helpim. Tasol i kam inap long nau, komiti bilong Mista Mande i wok long wetim yet helpim bilong Sandaun provinsal gavman long kam kamap long komiti bilong em.

Arapela samting Mande i tok i olsem komiti bilong em i no baim yet Pasifik Niugini Lain long yusim tupela sip bilong en (MV Kondor na Lae Express).

BISNIS LONG PAPUA NIUGINI

Nupela marasin stua bai salim krismas presen long Nu Ailan



JAMES KILA i raitim

PLANTI taim ol manmeri long hap bilong Nu Ailan i save painim hat liklik long baim ol presen taim Krismas i kamap.

Na narapela bikipela samting tu em ol i no save tumas long kain stua olsem "marasin stua" o kemis. Dispela em i ples bilong bai ol

marasin long helpim bodi taim haus sik i stap longwe o i sot long marasin.

Long las wik Tunde, wanpela nupela stua bilong City Pharmacy long Kavieng taun i opim tru ai bilong planti manmeri.

Planti lapun i no save lukim dispela kain stua bipo. Smel bilong ol marasin na paura insait long stua i mekim ol

manmeri i amamas long go insait na lukluk raun.

Long Kavieng, i luk olsem nau yet ol pipel i no inap long westim taim na wokabaut long painim stua we ol i laik baim ol presen.

Bipo planti taim ol pipel husat i stap long hap bilong Namatanai i save kalap long bot na go long Rabaul long

baim ol presen. Tasol nau Rabaul i bagarap na dispela bai i hat.

Las wik ol i lukim tru olsem dispela "nupela marasin stua" i save salim tu ol narapela kain stail krismas presen ol i no save lukim bipo.

Dispela City Pharmacy stua i stap insait long Niu Ailan Tredas Supamakot namel tru long Kavieng taun.

Menesing dairekta bilong City Pharmacy, Mahesh Patel, long taim bilong opim bilong dispela nupela stua long Kavieng i tok ol i bin opim dispela stua bikos i gat planti pipel nau i stap long Kavieng. Dispela stua tu i ken bringim ol helt sevis ol pipel i nidim long helpim ol long karim wok developmen insait long provins.

Em i tok City Pharmacy bai givim ol kastoma bilong en ol gutpela skul bilong sait bilong helt. Bikos planti wokman na meri bilong en i gat planti save long sait bilong marasin.

Sedo minista askim long wanem as na Mista Posai laik rausim Misis Kekedo

PETER KASIA i raitim

SEDO Minista bilong Fores na Mema bilong Kompian Ambum, John Pundari, long dispela wik i askim Fores Minista, Andrew Posai, long tokaut long wanem as tru na em i laik rausim Jean Kekedo olsem Menesing Dairekta bilong Fores Atoriti.

Long las kibung bilong Palamen, Mista Pundari i bin askim Mista Posai long givim sampela as long dispela muv bilong em. Tasol Mista Posai i no tokaut yet.

Mema bilong kompian Ambun i tok Mista Posai i tok olsem em bai

givim ol astingting bilong em long bihain taim. Na em i no tok aut yet. "Mi laik save wanem taim tru em bai tokim mipela?"

Mista Pundari i tok olsem em bai moa gutpela sapos Minista Posai i ken toksave nau. Long wanem dispela tu i ken givim taim long Misis Kekedo long toktok long sait bilong em yet. Dispela kain pasin we Nesanel Gavman i tingting long go het na rausim em wantaim nogat toksave i no gutpela tumas, em i tok.

Mista Pundari i tok em i sore tru long dispela kain pasin we ol politisen i no save luksave long ol wok we ol wanwan meri i save mekim long go hetim kantri bilong mipela.

Ol Seria wetim yet royalti mani

OL papagraun long Seria, Sandaun provins we wanpela kampani bilong Melasia i wok long katim timba i no kisim yet royalti moni bilong ol long kampani ya.

Namba tu siaman bilong Vanimo Timba Risos Lenonas Asosiesen (VTRLO), Roger Onivi i tokim *Wantok* olsem ol papagraun i wet yet

long kisim royalti mani bilong ol. Em i tok Fores dipatmen i wok long westim taim long stretim ol samting ya.

Onivi i tok ol papagraun i bin go lukim ol opisa bilong Fores long Vanimo tripela taim. Tasol ol opisa i no givim gutpela bekim long ol.

Em i ting gavman bai kisim ol royalti moni bilong timba na stretim

hevi bilong Bogenvil. Na sapos dispela i tru, Onivi i tok em bai tokim ol papagraun long stapim wok bilong katim timba.

Tasol Ekting Projek Supevaiba, Steven Feni i tok ol toktok Onivi i mekim i no tru. Em i tok dipatmen bilong Fores bai givim yet royalti i go long ol papagraun.

Bilong wanem na Mortein?

Bikos Mortein i save lukautim gut famili bilong yu

- * Mortein i save kilim kwik natnat na lang.
- * Mortein eitpela aua koil inap lukautim yu long ol binatang i save flai.
- * Mortein surface spray bai lukautim yu long ol kokoros na kain kain binatang.



Mortein

BAI LUKAUTIM GUT FAMILI BILONG YU LONG KAIN KAIN SIK

Sno-Wite*

strong tru. Namba wan long olgeta kain
doti wok insait long haus or ples wok.

Sno-Wite*

**ANTISEPTIC
BLEACH**

*Cleans, Whitens, Disinfects
and Deodorises*

500ml

ACTIVE INGREDIENT SODIUM HYPOCHLORITE 3.5%

* REGD. TRADE MARK

long PNG

i stap long ol kain kain
stua klostu long yu!

PNG LAIPSTAIL

Toktok bilong daunim poin strongim man Kairiru ailan long skul

GODFRIED YASSAFAR i raitim

LONG las wik Fraide, Desemba 2, 1994, 186 manmeri greduet long Pot Mosbi Insevis Koles. Insait long dispela 186 manmeri, 58 em ol sumatin bilong Gaulim Tisa Koles long Rabaul. Ol i lusim Gaulim na kam stap long Pot Mosbi Insevis Koles na pinisim skul bilong ol. Dispela em long wanem tupela maunten paia long Rabaul i bin paia long mun Septemba. Na i kamapim hevi we ol i no inap stap long Gaulim long pinisim skul bilong ol.


Dispela 58 sumatin bilong Gaulim Tisa Koles i greduet na kisim setifiket bilong ol long wok tisa long komyuniti skul. Ol manmeri husat i pinisim stadi long Insevis Koles na greduet, 14 i kisim setifiket long wok

olsem ol vokesinel skul tisa, 15 i kisim setifiket long Hom Ekonomiks, 24 i kisim diploma setifiket long Edukesen Stadi na bikpela grup i kisim setifiket olsem ol treni inspekta.

Wanpela man husat i greduet na kisim setifiket bilong em long dispela taim em Joachim Salin. Em i wanpela bilong ol dispela 14 husat i kisim setifiket long holim wok olsem vokesinel skul tisa o instrakta.

Joachim Salin i bilong ples Sholal long Kairiru Ailan long Wewak, Is Sepik provins.

Stori bilong dispela man Kairiru long wanem samting i bringim em i kam kamap long Insevis na em i skul i go na greduet i no gutpela tumas. Bikos long wanpela samting o astingt-



• Joachim Salin soim setifiket bilong em bihain long greduesen.

ing: Toktok bilong daunim poin we i kamapim wari long em i givim belpen long em. Na em i laik soim olsem skul i no save pinis long gred 10.

Bikpela samting Wantok i painimaut i olsem toktok we i daunim poin bilong em i no

kamap long wanpela arapela man o meri. Nogat. Dispela toktok i kamap long wanpela famili memba insait long famili bilong em yet. Dispela hap tok i kamapim wari long em na em i pilim olsem em i mas soim famili bilong em olsem skul i no

save pinis long gred 6 o gred 10 tasol.

Joachim Salin i tok long sampela yia i go pinis, bihain long em i pinisim gred 10 bilong em na stap long ples, em i gat tingting long go long Skul Bilong Stuakipa (SBS) long Wewak. Na kisim kos

long ranim stua bisnis long ples. Bihainim dispela tingting bilong em, em i raitim wanpela pas i go long SBS. Na ol bosman bilong SBS i kisim pas bilong em na tokorait long em.

"Long de mi laik go long SBS na paitim toktok wantaim bosman bilong SBS, mi bungim wanpela famili memba bilong mi. Na dispela famili memba bilong mi tokim mi olsem "Joachim, maski taim bilong yu i pinis." Tasol dispela hap tok i no stapim mi long go het na mekim tingting bilong mi karim kaikai," Joachim i rausim aiwara long ai bilong em na tokim Wantok.

Em i go lukim bosman bilong SBS na bosman i tok yesa long pas bilong em. Na em i lusim ples na go kisim kos long SBS. Taim em stap long SBS, dispela hap tok bilong dispela famili memba bilong

em i no lus long tingting bilong em. Olgeta taim em i save tingim dispela hap tok. Na em i save yusim dispela hap tok olsem strong long skruim save bilong em. Astingting long soim famili bilong em olsem em i no lus o pundaun yet long sait bilong edukesen.

Joachim i stap wantaim SBS i go na em i aplai long i go skul long Pot Mosbi Insevis Koles long kamap olsem wanpela tisa bilong vokesinel senta. Ol bosman bilong Insevis Koles i tokorait long aplikesen bilong em.

Long stat bilong dispela yia, em i lusim wok na famili bilong em na go long Pot Mosbi Insevis Koles.

Wantaim gred 10 edukesen (save) bilong em na liklik save na ekspiens em i kisim long SBS, em i salens wantaim ol arapela i go moa long pes 14

Yu save yusim Anchor Bata long wanem...



Teist bilong Anchor em i gutpela tru!




TM

Anchor

Bikos em i teist gutpela tru!

Driman karim kaikai bihain long 20 yia hatwok



• Daniel Inugu i toktok long opim nupela sevis stesin bilong em. Ol bikman long baksait stat long lephan i go em Lod Meya bilong NCDC, David Unagi, Asbisop bilong Mosbi Katolik Asdaiosis, Sir Peter Kurongku, na wanpela mausman bilong Mobil.

PLANTI ol manmeri insait long Papua Niugini na long wol tu i save gat ol kainkain bikipela driman long laip bilong ol.

I no dispela kain driman olsem bai yu slip na driman. Nogat. Kain driman olsem bai yu gat dispela kain kar, haus, kamap wanpela bikman wantaim gutpela wok na gat planti mani olsem bisnisman. Long planti, dispela ol driman i no save kamap tru. Tasol wanwan manmeri tasol i save wokhat tru long mekim ol dispela driman i kamap tru.

Twenti yia i go pinis, wanpela liklik bisnisman husat i save salim skon long rot i gat dispela kain driman olsem

RODNEY KAMUS i raitim

"Mi bin wokhat tru long mekim olsem dispela driman bilong mi i mas kamap tru. Mi laikim olsem mi mas gat wanpela bisnis we i mas stap oltaim long dispela hap graun mi laikim long em. Olsem na mi bin wokhat tru insait long dispela 20 yia"

wanpela taim em bai gat wanpela gutpela bisnis we bai stap wantaim em olgeta taim.

Nau Daniel Inugu em i papa bilong nupela Boroko Draiv Sevis Stesin long Mosbi, we Lod Meya bilong

Mosbi, David Unagi i bin opim long las wik Fraide.

Taim Mista Inugu i bin kamap long dispela graun arere long NBC Stesin 20 yia i go pinis, em i gat bikipela driman tru olsem wanpela taim

em bai papa long dispela liklik hap graun na kirapim wanpela bisnis we bai stap oltaim. Tasol dispela i bin driman tasol na em i lukim olsem i longwe tru long em.

"Mi no inap tru long lusim dispela driman bilong mi stap olsem driman tasol. Mi wokhat tru long ol yia i kam na dispela i no bin wanpela isi wok. Tasol wantaim gutpela sapat i kam long ol man olsem Rema Rea, dispela driman bilong mi i kamap tru na karim kaikai. Nau em dispela nupela sevis stesin i sanap." Inugu i tok.

"Mi bin wokhat tru long mekim olsem dispela driman bilong mi i mas kamap tru. Mi

Nau em i papa long wanpela nupela Mobil Sevis Stesin long 5 mail trefik lait

laikim olsem mi mas gat wanpela bisnis we em bai stap oltaim long dispela hap graun mi laikim long em. Olsem na mi bin wok hat tru insait long dispela 20 yia i kam. Na wantaim helpim bilong Mobil Oil Limited, dispela naispela sevis stesin i sanap nau we olgeta manmeri i ken lukim.

Sevis stesin ya i no kamap isi nating. Yu mas wokhat tru sapos yu laikim dispela kain samting bilong yu yet." Mista Inugu i salim bikipela tok amamas bilong em tu i go long Mobil long helpim em long mekim dispela driman bilong em i kamap tru long dispela kain taim we Papua Niugini i stap wantaim bikipela hevi bilong mani.

Em i tok tu olsem dispela i soim stret olsem Mobil i redi long helpim ol kainkain bisnis wok

insait long PNG. Planti manmeri i mas luksave olsem Mobil i gat bikipela tingting long wok bisnis insait long PNG na ol i mas givim sapat long Mobil.

Long las wik Fraide, planti manmeri na pikinini i bin kamap long lukim Mista Inugu i opim dispela nupela sevis stesin bilong em.

Lod Meya David Unagi husat i bin openim dispela sevis stesin i bin toktok amamas long Mobil. Long wanem tupela yia i go pinis, em yet i bin opim wanpela sevis stesin bilong Mobil long Gerehu. Na nau em i opim wanpela gen.

Em i tok olsem insait long taim bilong em olsem Lod Meya, em bai sapatim olgeta manmeri husat i laik kirapim ol dispela kain bisnis wok insait long siti.

"Mi bai no inap stapim

wanpela developmen i laik kamap long siti. Mi bai sapatim moa bisnis na developmen em i laik kamap insait long siti bilong mipela," em i tok.

Mista Unagi i tok tu olsem planti taim mipela i save lukim ol bisnis i go insait long han bilong ol rong manmeri long wanem ol lokel manmeri yet i nogat mani long mekim dispela kain ol bisnis. Olsem na olgeta manmeri husat i laik go insait long mekim bisnis i mas gat inap mani pastaim na kisim sapat bilong ol pipel tu.

"Mi bai no inap helpim ol manmeri husat i sindaun na krai tasol long kisim helpim. Mi nogat taim long ol dispela kain manmeri. Yu laikim samting yu yet mas wokhat long em, na mi bai givim wanem kain helpim mi inap long givim yu."

Toktok bilong poin strongim man Kairiru

i kam long pes 13 wanklas bilong em husat i gat bikipela save na eksperiens. Em i tingting na wari long meri na tripela pikinini bilong em. Tasol em i tingim dispela hap tok dispela famili memba bilong em i bin tromoi long em. Na em i putim olgeta tingting bilong em i go long skul wok na stadi bilong em.

Bikos em i gat bikipela wari olsem em i mas greduet long rabisim


tok pisin bilong dispela famili memba bilong em.

Hatwok, strong na pasin bilong pasim tingting i karim kaikai long las wik Fraide, Desemba 2, taim em i sekanim Minista Bilong Stet, Arnold Marsipal na kisim setifiket bilong em. Kaikai bilong pas em i bin raitim na salim i go long ol bosman bilong SBS. Na askim ol long inap em i ken kisim kos long SBS. Tasol dispela pas i

hapim em i go antap na em i kisim setifiket.

"Dispela setifiket mi kisim i no inap yet, em i no mak. Mi bai kam bek long Insevis Koles bihain long samting olsem tupela o tripela yia long kisim diploma kos. Sapos mi strong, bai mi greduet na kisim diploma setifiket bilong mi. Bikos mi laik soim famili bilong mi olsem mi no lus o pundaun," Joachim i tok olsem na kalap long balus na go bek long Wewak.

SKRUIM TOK



- Lep i go long rait
 2. Dispela mun
 5. Laplap ol plisman bilong bipo i save pasim
 7. Taim bilong kisim pe
 10. Sop
 12. Olpela nem bilong PEA
 13. Yes (Tok Motu)
 15. Pispis long Palamen em wanem ... pasin?
 16. Pasifik Gol, Chin H-Min, na 23 i save katim dispela
 17. Pulap long
 19. Yu save long paitim saksak o ...?
 22. Diwai i save haitim san long ol kopi na kakao
 24. Rot i go antap long wara
 27. Samting bilong

- opim lok
 28. ... - op
 29. Niugini
 31. Ol manmeri i no kristen
 34. Bamboo Band bilong NSP
 35. Steven Tago na Julius Chan i save putim dispela
 36. Dispela man i doti nogut tru

- Antap i go daun
 1. Graun i seksek na nem bilong wanpela soka tim
 2. Epril, Julai, na Oktoba em tripela
 3. Ol liklik lait i stap long skai long nait
 4. Yu no inap, em haus ya!
 6. Presiden bilong PEA
 7. Boroko, Yomba, na Lorengau em

- tripela
 8. Raun ... Tieta i stap long Wewak
 9. Em i kuk pinis
 11. Tos
 14. Bipo taim ol skul manki i bikhet, ol tisa i save givim ... long ol long mekim save
 15. Gavman i traim baim ol dispela man i bin wok long woa
 16. Nissan, Isuzu na Daihatsu em tripela kampani save wokim dispela
 18. As ples bilong Yali
 20. Tekewe foa long seven, hamas i stap?
 21. Yumi go sindaun aninit long diwai, san i ... mi nogut tru
 22. PX i save pundaun long dispela

- hap long MBP
 22. Nau ol bai pilaim kaset bilong olgeta kampani long redio
 24 Kingston
 26. Sapos yu laik smel gut, putim dispela
 28. Michael Somare
 30. San i save kamap long ... na go daun long Wes
 31. Long putim yauring, yu ma i gat long yau bilong yu
 32. Dokta

Ansa bilong skruim tok pes 16

Atis bihain long ol katun bilong Wantok na PNG Times niuspepa

RODNEY KAMUS i raitim

PLANTI manmeri na ol pikinini husat i save ritim Wantok niuspepa i save laikim tru ol fani stori i save kamap long ol katun piksa olsem bilong Tambu Toro, Biabia, Spak Maik na Rebo.

Ol narapela bikman meri insait long Papua Niugini husat i save ritim *Times niuspepa* i save laikim tu ol katun i save kamap long ples we edita i save givim tingting bilong em long ol politiki wok i kamap insait long kantri. Ol narapela i save kros long wanem katun ya i save mekim fani long ol o bagarapim ol liklik.

Taim yu lukluk gut long ol dispela katun i save kamap long *Wantok niuspepa* na *Times niuspepa* long aninit bilong piksa ya, bai yu lukim dispela nem Jadazon i stap.

Dispela em nem bilong man husat i save droim ol dispela fani katun bilong Biabia, Toro, Spak Maik, Rebo na katun bilong ol wok politik.

Planti ol bikman na meri insait long kantri i save olsem Jada Wilson em i wanpela namba wan katunist insait long kantri. Long wanem ol katun bilong em i save gat fani mining long em. Dispela em i bihainim stret mining bilong ol katun long wanem ol katun i mas fani piksa i gat bikpela mining long em long ol kainkain samting, laipstail na wok politik.

Jada tu i no save droim ol katun bilong *Times* na *Wantok* tasol. Em i save droim ol katun bilong ol intanesenel niuspepa olsem *Pacific Island Monthly*, *Financial Review* na *Pacific Business Monthly*.

Planti ol wanwok bilong Jada na ol manmeri husat i save gut tru long dispela man i save olsem Jada em i wanpela man bilong mekim fani na lap strong tru. Na long dispela pasin bilong em tasol na ol katun bilong em tu i save fani nogut tru olsem em yet.

Stori bilong Jada em i longpela tru. Tasol long dispela strongpela tingting bilong em long droim ol fani piksa i mekim na nau em i wanpela namba wan katunist insait long PNG na tu long *Pacific*. Mama i bin karim Jada long Februeri 11, 1963. Em i stat skol long Hohola Praimeri Skul em nau ol ol kolim Eki Vaki Komyuniti skul long Mosbi. Bihain Jada i trense i go long Jun Veli Komyuniti Skul long Tokarara. Dispela taim Jun Veli Komyuniti skul em skul, bilong ol blak na wait manki wantaim. Bihain long hap em i go skul long Godens Haiskul.

Taim em i stap long skul, Jada em i wanpela mangi bilong laikim tru long droim ol katun piksa, na ol fani piksa bilong ol man meri wantaim ol enimol.

Bipo long em i pinisim skul bilong em, Jada i mekim liklik bikhet pasin na ol i salim em

i go stap long Bois Taun long 'Wewak. Bois Taun em wanpela ples we ol mangi husat i sanap long kot na kot, i painim olsem ol i mekim rong bai go stap. Olsem na Jada i go stap long hap wantaim ol lain Bruder bilong Katolik Misin.

Taim em i stap long Bois Taun, Jada i stat long droim ol fani katun piksa, nabaut aninit long lukaut bilong Pater. William Liebert, husat nau i stap olsem dairekta bilong Nesenel Nakotiks Birou (NNB) long Mosbi.

Taim yia bilong em i pinis long Bois Taun, Pater Libert i salim em i go wok wantaim

long piksa, bai yu kilim skin long lap stret.

Em i ken droim pes bilong ol manmeri tu long satil bilong katun. Givim em stori tasol na em i save long wanem samting em bai mekim.


Jada em bilong ples Rigo na Gaba Gaba insait long Sentrel provins. Em i maritim wanpela meri hap Sepik na Sentrel tu, na tupela i gat tupela pikinini meri, Grace na Rasta Junior.

Jada i save laikim tru babakiu stek mit long taim bilong kaikai, na tu save laikim tumas Wiski na Coke. Taim em i nogat samting bilong

ol advetismen.

TUNDE: Mi stat long giaman droim ol katun strip bilong Rebo na Spak Maik long pensil pinis na mi putim long arere na mekim ol narapela wok.

TRINDE: Taim bilong kilim indai skin stret. Trinde em pabliken de na tupela niuspepa bai kamaut em Wantok na Times. Mi inkim katun strip bilong Rebo na Spak Maik na putim kala long em. Pinis mi salim i go long rum we ol bai putim long ol printing plet na redi long prinim. Bihain long dispela mi droim katun bilong Toro na Biabia. Las katun mi bai mekim em



• Jada Wilson sindaun bihain long bikpela Machintosh komyuta. Jada save droim nau sampela katun long komyuta.

Wod Publishing Kampani em mama kampani, bilong Wantok na *PNG Times niuspepa*. Em i kam wok olsem wanpela atis bilong droim ol piksa bilong pepa. Jada i stat wok long taim em i gat 11-pela krismas tasol.

"Mi save laikim droim ol piksa bilong ol masolman. Na tu mi save amamas long lukim ol spakman i mekim fani taim ol i spak. Na dispela bai helpim mi tru long wok bilong mi olsem atis. Mi save rit tu planti taim long save long wanem samting i save kamap long politik insait long kantri. Long taim bilong malolo mi save laik ritim ol komik na tu lukim muvi," Jada i tok.

Em i tok tu olsem planti pipel i save amamas long katun em i save droim. Na askim em long kisim ol kopi bilong katun. Wanpela taim Jada i bin droim wanpela katun bilong olupela minista bilong helt long Namaiu gavan, Galewa Kwarara. Taim Minista Kwarara i bin ritim long neks de, em i ringim bos bilong Jada na edita bilong *Times Anra* Solomon na kros liklik wanem meri ya.

Jada i ken droim kainkain katun piksa na mekim i go fani long wanem em i wanpela fani man tu. Sapos yu gat wanpela liklik stori na i no fani tumas, taim Jada i droim

"Mi save laikim droim ol piksa bilong masolman. Na tu mi save amamas long lukim ol spakman i mekim fani taim ol i spak na dispela wok long helpim wok bilong mi olsem atis".

mekim, em i save paitim gita na singsing isi tasol i stap. Wanpela ples Jada i save laik go long amamasim em yet em long Car Club long Waigani o nogat em bai amamas long haus bilong em yet.

WANPELA WIK BILONG JADA WILSON(JADAZON) LONG WOK WANTAIM WANTOK NIUSPEPA

MANDE: Mi sindaun na tingim ol aidia bai mi putim insait long komik strip bilong Rebo na Spak Maik. Sampela taim sapos wok i planti bai mi helpim ol lain long advetaising dipatmen na wok long ol kompiuta long mekim

politikel katun bilong *Times Niuspepa*. Edita bilong *Times* bai givim mi ol aidia we mi bai skelim na mekim katun bilong en.

FONDE: Em long dispela de, mi gat hap de op bilong mi. Long 1 klok mi kam helpim ol lain long *Weekend Sports Niuspepa* narapela niuspepa bilong Word gen long pestim sampela stori bilong ol pes bilong ol.

FRAIDE: Em narapela hap de bilong mi. Moning mi kam stretim ol samting bilong Mande na lus long apinun na go painim Wiski na Coke, na go malolo na kisim kolwin ya, yu yet save!



■ Kanage i save stap long Lae siti. Wanpela taim em i go komplem long Helt dipatmen long em i nogat gutpela ples bilong stap. Em i go kamap long opis na tokim boss bilong Helt olsem: Hei, yupela mas mekim wanpela samting long dispela samting. Mi stap wantaim 5-pela brata bilong mi na ol i gat 10-pela dog na 12-pela sipsip na mipela olgeta i stap long wanpela rum tasol. Ola pukpuk, insait long rum i no smel gut. Na i hat tru long kisim gutpela win. Bosman bilong Helt i harim na kirap tokim Kanage: Watpo na yu no laik opim wanpela windua bilong haus? Kanage harim olsem na tokim em: Ating yu mas longlong o olsem wanem. Yu laikim bai mi lusim olgeta kakaruk bilong mi.

Judas Mautura
BOMANA

└ Kanage wok long PNG Forest Product long Lae siti. Opis bilong em i stap antap long longpela pos haus. Wanpela taim em i stori long ol wanwok bilong em long tumabuna stori bilong mumut na hukwom. Kanage i stori olsem: Long bipo tru, ol hukwom i save stap antap long graun. Wanpela taim nau, mumut i holim wanpela bikpela pati na invaitim ol hukwom. Ol hukwom i go stap na mumut i lukim ol i go na lukim wanpela bikpela na patpela hukwom. Na mumut i kilim em na kaikai. Ol arapela hukwom i lukim olsem na pret na dikim graun na go aninit long graun. Stori no pinis yet na ol wanwok bilong Kanage lap nogut tru. Ol i lap i stap na wanpela arapela wanwok bilong Kanage ninkem bilong em Papa Kela i stap daunbilo long graun na i wokabout i go antap na go insait long opis. Sem taim telipon bilong em i krai. Na Papa Kela i hapim telipon na ansaim. Taim em i ansaim, man i ring i askim em: Yu stap we na long-taim mi ring? Papa Kela kirap na tokim poroman bilong em: Nogot, nau tasol mi stap daunbilo long graun na mi kam antap. Kanage harim olsem na kirap tokim ol wanwok bilong em: Em nau, Papa Kela em wanpela hukwom tu ya. Dispela hap tok bilong Kanage i mekim ol wanwok bilong em i lap indai olgeta.

Lapun Man
LAE

Kanage em bilong ples Kudjip long Hagen. Wanpela taim long Tunde nait, Kanage i kam long sindaun long haus bilong em. Em i sindaun i stap na kandre bilong em i kisim wanpela aplikesen pepa bilong wok na tokim Kanage long pulamapim na em bai wok long haus sik. Em nau baga nogut kirap na stat long pulamapim fom ya. Taim em i kam kamap long ples we ol i tok Sex, Kanage i raitim olsem. Wanpela taim aninit long Ambkena bris na narapela taim long Grin haus. Em tasol na meri bilong mi i gat namba 10 na karim wanpela pikinini boi. Dispela em senis bilong papa. Orait long neks moning, Kanage i go long Kudjip haus sik. Taim em i kamap long hap ol i tok olsem ol i kisim ol sirigel man tasol. Man kanage kirap na tokim ol olsem "Mi no marit yet. Stori tru olsem mi hait raun tasol na mekim dispela na mi raitim giaman tasol long wanem yupela i bin askim long Sex. Tru tumas mi no marit."

Justy Koleamah
Hagen

Moa tok pilai long pes 21

Ol sief gat pawa long bringim

Wantok ripota Veronica Hatutasi i bilong long Siwai eria bilong Not Solomons provins. Tude nau planti manmeri i ritim na harim stori bilong ol kibung i kamap long bringim gutpela sindaun long Bogenvil, ol sief i mas stap insait long olgeta kibung.

Bipo long lotu pasin o ol waitman i go insait long Bogenvil, ol sief i holim olgeta pawa long wanwan eria bilong ailan. Tude ol i holim pawa yet wantaim ol nupela senis bilong waitman.

Tasol ol sief i as bilong bungim gut ol BRA paitman, resiten paitman, ol sios grup, na ol arapela meri pikinini long bringim bek gutpela sindaun long ailan.



INSAIT long bikipela hevi long Bogenvil, taim nogat moa gavman atoriti i stap na ol lain Bogenvil Revolusinari Ami (BRA) i bosim ples wantaim gan, wanpela grup i as tru long lukautim sindaun long ples. Dispela em long lukim olsem sindaun bilong ol manmeri na pikinini long ples i stap orait.

Dispela grup em ol sief long wan wan eria, komyuniti na ples.

Maski ol lain BRA i pretim ol pipel, ol sief i yusim nem bilong ol long holim pas pawa na atoriti. Bikos long bipo yet, stat long taim bilong ol tumbuna, bipo long ol waitman i krugutim ailan na kisim nupela kain gavman i go long Bogenvil, ol sief i lukautim lo, oda na sindaun bilong ol pipel long ples.

Long wanwan eria long Bogenvil Ailan, i gat nem ol pipel i givim long ol sief. Sampela

eksampel em long Buka, ol i kolim sief long *Tsunono*. Long Buin, *mumira*, na long Siwai, *muma*. Sapos wanpela tasol, ol i kolim em long *mumiha*.

Sief sistem long Bogenvil em i wanpela strongpela rot we long dispela taim tu, em i holim strong ol klen, wanpisin na hauslain insait long wanwan komyuniti long Bogenvil. Na ol pipel i gat bikipela rispek long ol sief.

Yumi ken lukim dispela sistem i wok strong nau long Bogenvil wantaim, tripela level bilong gavman we ailan i gat nau long lukautim lo, oda na sindaun bilong ol pipel. Em long Eria Kaunsil bilong ol Sief (ACC) long distrik level, Viles Kaunsil bilong ol Sief (VCC) long komyuniti o ples level na Klen Kaunsil bilong ol Sief (VCC) long klen

level.

Wanem ol hevi i kamap long ol wanwan level, ol pipel i karim i go long ol dispela lain sief husat i lukautim level ya. Na ol i sindaun wantaim long stretim wanem hevi ol i gat.

Kain sistem i wok gut tru na nau, i gat gutpela wokbung namel long ol sief, ol lain husat i bin memba long BRA, grup bilong ol resiten paitman, ol sios grup, meri na bisnis grup wantaim tu ol manmeri nating long ples.

Sapos hevi i bikipela tru na tripela level i no inap long pinisim, orait, ol i kisim i go long kot bilong distrik o provin-sal level.

Muma

Mi stori liklik long ol *muma* bilong Siwai long taim bipo. Bipo long Siwai taim Gut-nius bilong God papa na ol ol ausait man i no kamap long hap, ol



• Sampela sief bilong Buka i witesim ol memba bilong BRA i lusim pait samting, wantaim sampela masin em ol i save mekim bia o strongpela dring bilong spak.

• (antap) Ol komyuniti lida wantaim sampela sief i kamap long kibung bilong kamapim gutpela sindaun long Arawa long mun Oktoba, 1994. Ol i wet nating na ol bikman bilong BRA i no bin kamap.

muma i holim bikipela pawa na rispek long komyuniti. Tok o oda bilong ol i ken as long kilim indai o larim man i stap laip. Dispela em sapos wanpela man i laik salensim lidasip bilong em o em i mekim wanpela rong we i mekim sief i no amamas.

Ol *muma* i no bilong ol famili nating. Ol i bihainim lain we long bipo yet, famili bilong ol i kamapim ol sief.

Ol *muma* i mas gat planti *tuware* o samting we long tok Inglis ol i kolim long 'wealth' o planti samting bilong givim ol pawa. Dispela long Siwai kastam i

Skruiim tok Ansa

G	M	E	S	K							
S	U	L	U	P	O	T	N	A	I	T	
R	I	N	S	O	A	P	S	A			
L	O	U	K	K	A	I	N				
K	A	S	E	T	A	S	A				
A	I	E	N	O	G	A	T				
B	L	A	N	D	R	O	R				
K	O	R	O	M	B	A	B	R	I	S	
K	I	S	C	S	O					A	
N	I	U	S	H	A	I	D	E	N		
K	I	S	I	U	N	R	D				
M	A	I	G	L	A	S				Y	A

gutpela sindaun long Bogenvil

min olsem planti selmani, pik, *kaposo* o klabhaus, gaden, haus, ol pipel long bihainim em na antap long ol dispela samting, em i mas gat planti meri. Bikos as long strong long em i gat planti samting em hatwok bilong ol meri long lukautim ol pik, gaden kaikai na ol arapela samting we ol meri bilong ol *muma* i mas wokim long komyuniti. Las long ol *muma* long Siwai husat i bin gat planti meri i bin dai long 1940s, bipo long Wol Woa II. Nem bilong en em Mongko. Em i wanpela *muma* long Motuna eria na em maritim 8-pela meri.

Long strongim atoriti o pawa bilong ol *muma* na soim tenkyu long ol sapota, ol save holim ol bikipela kaikai long ol *kaposo*. Kaikai, pik, pis na ol arapela abus long bus i no isi. Ol mas kilim planti pik tru. Bikos dispela i soim long ples klia olsem *mumiha* ya i gat planti samting. Ol sapota bilong em bai i amamas na long sem taim tu, em bai pulim moa sapota i go long sait bilong em.

Long taim bipo tu, wanem ol gutpela

Ol sief i save gut tru long ol pasin tumbuna na rot bilong stretim ol hevi bihainim pasin tumbuna yet. Dispela em antap long save ol i gat long nupela skul we ol waitman i kisim i kam long ol ples bilong mipela.

samting ol pipel i gat, ol i mas givim yet hap long *mumiha*. Em ol samting olsem namba wan kaikai i kamap long nupela gaden, abus na ol arapela samting moa. Taim ol man i kam bek long wok plantasin long narapela hap, wanwan naip, akis na laplap i mas go yet long *mumiha*.

Meri husat *mumiha* i maritim i meri bilong hatwok. Bikos em gat bikipela wok long lukautim ol pik, gaden, karim wara, paiauwut na pikinini bilong *mumiha*. Dispela ol pik em long kilim long taim bilong *mumiha* i laik holim bikipela kaikai.

Olgeta pipel i stap aninit long *mumiha*. Wanem rong i kamap

long komyuniti i go long han bilong *mumiha*. Em yet i sindaun wantaim ol lain wantaim hevi, toktok, skelim na stretim. Long dispela taim yet, ol sief long Siwai i bihainim dispela pasin long stretim ol hevi.


Save long pasin tumbuna na nupela

Ol sief i save gut tru long ol pasin tumbuna na rot bilong stretim ol hevi bihainim pasin tumbuna yet. Dispela em antap long save ol i gat long nupela skul we ol waitman i kisim i kam long ol ples bilong mipela.

Bikos long save bilong ol long tupela sait, ol i kamap hap long nupela straksa bilong komyuniti na

distrik level gavman long Bogenvil.


Wanem ol bikipela tokorait distrik, provins na nesanel gavman i laik mekim nau long Bogenvil, ol sief i stap tu long ol toktok. Bikos ol i gat pawa o nem long olgeta pipel long ailan, maski sapos yu wanpela BRA, resisten paitman, sios grup lida, yut lida, bisnisman, lida bilong ol meri na ol manmeri na pikinini nating.



• (raithan)-Wanpela sief i bilas long tumbuna bilas na soim pes long kibung bilong bringim bek gutpela sindaun i go long ol pipel long Bogenvil.



• Aninit long lephan)-Joseph Tonnaku, em wanpela sief bilong Saut Bogenvil.





Big Bro REBO



WANTU WINGA
BILONG PN.G
KALAP NA
PUTIM TRAI...

OH-NO!

EM NAI!!



REBO I GO NA HOLIMPASIM WINGA
BILONG EM NA AMAMAS TRU...

TOP, MAI BOI!
GUT WAN!



EEM!!
ISI WAN
TRU!

KONVENSON KIK
I GO ISI TRU...



DAMN!
OL I SMAT
TRU...

...BIG MAL
I WARI TRU
OLSEM OL
KUMULS I GO
PAS LONG SKOA...



OL SAPOTAS
I SINGAHT...

KUMULS!
KUMULS!



SAIREN BILONG HAP-TAIM IKARAI...
OL KUMULS I LIPA LONG HAPTAIM
SKOA...

Winfield Tour

1 2

4



Spak MAIK



"ORAIT! ORAIT!
BAI MI KISIM OL
WANEM SAMTING
YU LAIK.. PLIS
KAMBEK WOK!
PLIS! PLIS!!



NAU SEKETERI I STAT WOK...

HE! HE! HE!
NAU
MINISTA I STAP
LONG HAN BILONG
MI!



TAP! TAP!
TAP!

HOI, JEMS!
..EM MI
YAH MAIKY.. YU
GAT ENIMO A
TIPS FO HOS-
RES?



GO WET
LONG SIKS-MAIL
BETING SOP.. MI
BAI KAM!



MINISTA
MAIK! ..YU LAIK
GO WEZ?

...ER.. NO-
GAT.. MI-MI
LAIK GO LONG
TOILET...



MANKI KUSA!
MI HARIM OLSEM
YU LAIK GO
HOS-RES
AH?

NO! NO! NO!
HONEST! MI
GO RAUN,
TASOL!

CASH & CARRY

WHOLESALE SPECIALS

THURSDAY - FRIDAY - SATURDAY

(08.12.94) (9.12.94) (10.12.94)

HIBISCUS IODISED SALT	25 x 750g	K16.80 case
MEADOW LEA BLENDED VEGETABLE OIL	16 x 750mls	K36.23 case
GOLDEN CIRCLE CORDIALS (ASST'D)	12 x 750mls	K19.20 case
GOLDEN CIRCLE CORDIALS (ASST'D)	6 x 2 ltrs	K21.48 case
CADBURY FAMILY BARS (ASST'D)	12 x 250g	K31.00 case
FLYING WHEEL PEANUTS	48 x 227g	K39.84 case
OMO DETERGENT	60 x 200g	K34.80 case
OMO DETERGENT	24 x 500g	K34.08 case
SNO-WHITE BLEACH	12 x 500mls	K11.16 case
MORTEIN AEROSOL RED	12x300gm	K33.00 case
ELECTRINE CANDLES (PKT 6)	30 per case	K66.30 case
KELLOGGS CORN FLAKES	24x275g	K63.36 case
KELLOGGS RICE BUBBLES	24 x 275g	K77.00 case
PAULS LONG LIFE MILK	12 x 1ltr	K17.16 case
NESTLES SUNSHINE MILK	24 x 300g	K50.88 case
OVALTINE	48 x 200g	K63.36 case
SECOND HAND BALES OF CLOTHING		K169.00 Bale
"JUMPING FISH" PRINTED COTTON		K29.75 Bolt
"WHITE KITTEN" BEDSHEETS		K38.52 Dozen
WISCON BATH TOWELS		K29.76 Dozen
LUGGAGE SETS 24"/30"		
JUTE/HOPSACK/PVC/NYLON (4 PIECES)		K69.00 Set
26" MOUNTAIN BIKE 18 speed		K98.50 each
HANGING CAULDRON COOKPOT SET		
16/24CM (5 PIECES)		K17.00 Set
HITACHI 21" TELEVISION SET CMT2179		K399.00 each

NCDC Sales Tax Not Included

GEREHU

For enquiries ring - MIKE BOSA
 NICK NEKUWAI
 LYNETTE TATOI
 PH: 26 1243 or 26 1743
 (SALES OFFICE)



**ASSOCIATED
DISTRIBUTORS**

We will Deliver within the National Capital District!.....

MUSIK NA TELEVISEN

PAPUA NIUGINI



Yangpela Kivovon bai katim nupela kaset wantaim nupela kain masin bilong rekot

I KAM LONG Ela Motors OL WIL BILONG NESEN



• Yangpela Kivovon i soim dispela nupela masin bilong katim nupela kaset bilong em. Long raitan em studio saun ensinia Thomas Lulungan, husat wanpela save long yusim masin ya.

RODNEY KAMUS i raitim

YANGPELA musik mangi, Charles Kivovon bai namba wan musik man insait long Pasifik na long Papua Niugini long katim namba tri kaset bilong em wantaim nupela masin bilong CHM studio, ol i kolim Digital Rekoding Sistem (DRS) long Mosbi.

Bikpela studio ya long Mosbi i bin kisim dis-

pela ol nupela masin i gat ol kainkain samting we bai wok wantaim kompyuta, na nupela rekot masin ol i kolim Pro-Digi, we olgeta musik i kamap bai nogat ol kainkain nois nabaut i stap wantaim. Dispela masin em i namba wan long kantri, na tu insait long Pasifik.

Sief Saun Ensinia, Thomas Lulungan i tok

nogat narapela moa ensinia insait long studio i save long yusim dispela masin. Em yet wantaim namba tu bilong em, Dika Dai tasol i save.

Lulungan i tok studio i laik mekim ol samting bilong ol i ken kamap gut long wanem i gat ol kainkain senis i kamap long sait bilong musik insait long wol. Na PNG tu i mas bihainim dispela senis.

Masin ya ol i baim long K500,000 olgeta.

"Mipela i traim long mekim ol lokol musik man na meri i mas gat sans olsem ol arapela long wol. Kain nupela masin olsem bai kirapim tingting bilong ol. Na ol i ken mekim moa musik we bai kamap gut tru," Lulungan i tok.

Lulungan bai go pas long katim dispela nupela kaset bilong Kivovon. Em i tok olsem nau yet planti ensinia i no save gut long dispela masin. Olsem na ol bai kisim ol biknem atis tasol long rekot. Bihain taim planti i save nau bai olgeta ben husat i laik rekot bai yusim ol dispela masin tu.

Olsem na yangpela Kivovon bai namba wan man insait long kantri na Pasifik long rekot long dispela nupela masin we Lulungan bai helpim em.

Kivovon, husat i lusim Rabaul bihain long maunten paia i pairap i tok olsem em i gat wanpela sore singsing long ol manmeri husat i bin ranawe taim maunten i pairap. Kivovon yet tu i bin stap taim Tavurvur na Vulcan maunten paia i pairap. Olsem na long lukluk bilong em yet long dispela taim, em i raitim dispela singim we em bai singim long namba tri kaset bilong em.

AMERICAN TOP FORTY

AS AT 05/11/94

CUR.	TITLE	ACT NAME
1.	<i>I Swear</i>	All-4-One
2.	<i>Don't Turn Around</i>	Ace Of Base
3.	<i>i'll Remember</i>	Madonna
4.	<i>You Mean The World To Me</i>	Braxton
5.	<i>Stay (I Missed You)</i>	Lisa Loeb
6.	<i>Mr Jones</i>	Counting Crowe
7.	<i>If You Go</i>	Jon Secada
8.	<i>Baby I Love Your Way</i>	Big Mountain
9.	<i>Any Time, Any Place</i>	Janet Jackson
10.	<i>Anytime You Need A Friend</i>	Mariah Carey
11.	<i>Return To Innocence</i>	Enigma
12.	<i>The Most Beautiful Girl</i>	Prince
13.	<i>I'll Take You There</i>	General Public
14.	<i>The Sign</i>	Ace Of Base
15.	<i>Moving On Up</i>	M People
16.	<i>Misied</i>	Celine Dion
17.	<i>Shine</i>	Collective Soul
18.	<i>Wild Night</i>	Mellencamp
19.	<i>Crazy</i>	Aerosmith
20.	<i>Found Out About You</i>	Gin Blossoms
21.	<i>I'm Ready</i>	Campbell
22.	<i>Until I Fall Away</i>	Gin Blossoms
23.	<i>Can You Feel The Love Tonight</i>	Elton John
24.	<i>Always</i>	Erasure
25.	<i>Back And Forth</i>	Asllyah
26.	<i>Come To My Window</i>	Melissa Etheridge
27.	<i>Prayer For The Dying</i>	Seal
28.	<i>Beautiful In My Eyes</i>	Joshua Kadison
29.	<i>Whatta Man</i>	Salt-N-Pepa
30.	<i>Meat</i>	B.C. 52s
31.	<i>Objects In The Rear View</i>	Meat Loaf
32.	<i>Regular Thang</i>	Ovis
33.	<i>Mmm Mmm Mmm Mmm</i>	Crash Test Dummies
34.	<i>Losser</i>	Back
35.	<i>I Wich</i>	Gabrielle
36.	<i>Without You</i>	Mariah Carey
37.	<i>Centsloop</i>	Us3
38.	<i>Now And Forever</i>	Richard Marx
39.	<i>Ain't Got Nothing If You</i>	Richard Marx
40.	<i>Fall Down</i>	Toad The Wet

EMTV TELEVISEN

PNG TOP TWENTY

AS AT 03/12/94

THURSDAY 1ST DECEMBER,		NEWS REPLAY		SATURDAY 3RD DECEMBER,	
4.57	STATION OPEN	12.27	MEDITATION WITH PASTOR WALO ARNI	11.02	STATION OPEN
5.00	INT NEWS (G)			11.05	JOURNEY TO THE WEST
5.30	DAY BREAK NEWS (G)	12.30	STATION CLOSE	12.00	SURF LEAGUE TITLE
6.00	TODAY SHOW (G)		FRIDAY 2ND DECEMBER, 1994	3.00	DOCUMENTARY
8.00	SESAME STREET	4.57	STATION OPEN	4.00	BONANZA
9.00	STATION CLOSE	5.00	ITN NEWS	5.00	BEYOND 2000
1.12	STATION RE-OPEN	5.30	DAY BREAK NEWS	6.00	NATIONAL EMTV NEWS
1.15	MIDDAY SHOW	6.00	TODAY SHOW (G)	6.30	MOVIE
3.00	KIDS KONA (G)	3.00	SESAME STREET	8.00	NCDC NEWS
	SESAME STREET	9.00	STATION CLOSE	8.30	BURKE'S BACKYARD
4.00	THE PERILS OF PENELOPE PITSTOP	2.51	STATION OPEN	9.30	HEY HEY BY REQUEST
4.30	HOT SCIENCE	2.54	EMTV TOKSAVE	10.30	GILLETTE
5.30	HOME AND AWAY (G)	3.00	KIND KONA	11.00	HAWAII 5-0
6.00	NATIONAL EMTV NEWS (G)	3.30	CRICKET	12.00	NATIONAL EMTV NEWS REPLAY
	A CURRENT AFFAIR (G)	6.00	NATIONAL EMTV NEWS	12.27	MEDIATION WITH PASTOR WALO ARNI
7.00	SALE OF THE CENTURY (G)	6.30	A CURRENT AFFAIRS	12.30	STATION CLOSE
7.30	LOTTO DRAW (G)	7.00	THE NEW SALES OF THE CENTURY		SUNDAY 4TH DECEMBER, 1994
7.33	NEIGHBOURS (G)	7.28	LOTTO DRAW	6.52	STATION OPEN
8.00	FIZZ (G)	7.30	MAZDA JACK	6.52	CHIT CHAT WITH SIR PAULIAS MATANE
9.05	THE SMALL BUSINESS SHOW	8.30	CRICKET		BUSINESS SUNDAY
	OUR HOUSE LOOKING GOOD	9.00	MINI SERIES: LONESOME DOVE	7.00	SUNDAY SPECIAL
10.30	SPECIAL ON AIDS	10.30	MATLOCK	8.00	MOVIE
10.50	COUNTRY PRACTICE	11.57	MEDITATION WITH PASTOR WALO ARNI	10.00	CRICKET
12.00	NATIONAL EMTV	12.00	STATION CLOSE	10.30	18 FOOT SKIFF RACING
				12.20	CRICKET
				4.00	
				4.30	



6.00	NATIONAL EMTV NEWS
6.30	CRICKET
8.30	SING WITH JOY
9.00	SUNDAY NIGHT MOVIE "Power"
10.45	CHIT CHAT WITH SIR PAULIAS MATANE
10.48	EMTV TOKSAVE
10.50	CHURCH MAGAZINE
11.30	NATIONAL EMTV NEWS REPLAY
11.57	MEDITATION WITH PASTOR WALO ARNI
12.00	STATION CLOSE

NO.	SONG	ARTIST
1 (1)	<i>Rabaul Town</i>	Barike
2 (2)	<i>My Love</i>	L. Kania
3 (3)	<i>Manus Island</i>	Keni Lucas
4 (4)	<i>Sepik Meri</i>	Basil Greg
11(5)	<i>Bougainville</i>	Dapsy Yapuc
5 (6)	<i>Tapalan Ti Mosbi</i>	Keni Lucas
7 (7)	<i>Everything I Own</i>	K. Lucas
6 (8)	<i>Kolwin</i>	L. Kama
6 (9)	<i>Santu Teresia</i>	P. Pomahun
9 (10)	<i>Solowara Wasim</i>	P. Pomahun
16 (11)	<i>Ebony & Ivory</i>	Wong/Bowman
10 (12)	<i>Sare Sare</i>	Shutdown
13 (13)	<i>Feiva Feiva</i>	Hitsy Golou
12 (14)	<i>Kure Maina Akoa</i>	Greg/Telek
15 (15)	<i>Cowboy Country</i>	A. Herove/K.Walters
18 (16)	<i>Island Bougainville</i>	Crew 5
0 (17)	<i>Tarigu lau</i>	Painim Wok
14 (18)	<i>Sidaan I Bagarap</i>	Sauga Band
20 (19)	<i>Spirit Of Peace</i>	Cotton 22
19 (20)	<i>Lukluk Raon</i>	L. Kania

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Masalai snek maritim kum katim meri



BIPO bipo tru long taim bilong tumbuna, i gat wanpela ples ol i kolim Baining long Morobe provins. Dispela ples i gat stori. Bikos long wanpela bikpela masalai snek we i save stap long hap.

Insait long dispela ples tu i gat planti yangpela man. Na ol i save aigris long wanpela yangpela meri. Meri ya i smatpela meri tru. Na i save pulim ai bilong planti yangpela man long ples bilong em yet, na tu long ol arapela ples klostu.

Dispela snek tu i gat wankain tingting olsem ol yangpela man i gat. Em i save lukim yangpela meri ya na i save aigris tru.

Wanpela taim yangpela meri ya wantaim mama bilong em, tupela i go long gaden. Tupela wokabout i go kamap long gaden na stat long kisim ol kaikai bilong gaden na pulapim long bilum.

Tupela mekim i go na

yangpela meri pilim hangre. Olsem na em lukluk raun long gaden long wanem kain samt-ing em bai kisim na kaikai.

Dispela snek tu i bin hait long bus i stap na wok long lukstil long meri ya i stap. Olsem na em i save olsem meri ya i pilim hangre.

Kwiktaim snek ya i mekim marila long wanpela kukumba na dispela kukumba i luk nais na smatpela tru.

Meri ya i lukim dispela kukumba na em i go kisim na stat long kaikai. Em kaikai pinis na tingting bilong em i paul, na em rausim nekles bilong em long nek na putim long hap em kisim kukumba long en.

Meri ya i go bek na joinim mama bilong em na tupela stat long pulapim ol kaikai long bilum na karim i go bek long ples.

Tupela kamap long wanpela wara na meri ya i tingim nekles bilong em. Olsem na em kwiktaim askim mama bilong em olsem em lusim nekles bilong em i stap long gaden.

Mama bilong meri ya sindaun long wara na wetim pikinini bilong em long i go bek long gaden na painim nekles bilong em.

Taim meri ya i go bek kamap long gaden,



snek i sindaun long gaden na holim nekles bilong yangpela meri ya i stap.

Snek ya i kirap tasol na kwiktaim holim pas meri ya na karim i go insait long hul bilong

ston, we em i save stap long en.

Mama bilong meri ya i stap i go nait na tu'ait long wara long we'im, pikinini meri bilong em, tasol em i no kam bek. Olsem na mama i kirap

ron i go long ples na tokim olgeta manmeri long ples. Na ol man pulim lain i go long hap bilong gaden long painim meri ya, tasol ol i no bungim em.

Snek ya i kisim meri ya i go na maritim em na tupela kamapim planti pikinini. Taim meri ya i karim ol pikinini man, ol bai kamap snek olsem papa bilong ol yet. Na sapos em karim pikinini meri, bai ol i kamap meri tru olsem mama bilong ol yet.

Long dispela taim nau long hap bilong Besoma na Kwalangoma ples, ol manmeri i save tambu tru long kisim ol kaikai bilong gaden we i gat mak long ol.

Sapos i gat hap mak olsem rat i kaikai o pisin i kaikai ol kaikai bilong gaden, mipela i no inap long kisim dispela kaikai bikos em mak bilong masalai snek ya.

Sapos ol manmeri i kisim dispela kaikai we snek nogut ya i kaikai na putim mak long en, ol bai kisim bagarap tru.

Ol manmeri i save tambuim dispela samt-ing long nau yet.

Em tasol stori bilong mi.

Buma Nonje Tukambuk KIMBE



Kanage wantaim bos bilong em wanpela waitman tupela i go belo kaikai long hotel. Taim tupela i kamap long hap, bos bilong Kanage i oderim tupela bikpela kakaruk stret na tupela i kaikai. Taim tupela i kaikai, Kanage i kaikai kakaruk na bun tu. Bos bilong em i kaikai kakaruk na putik ol bun long plet. Taim ol i kaikai pinis, bos bilong Kanage i oderim ol drink i kam na singautim weita long kam kisim ol plet wantaim ol bun i go. Taim weita i kam long kisim ol plet na bun i go, bos bilong Kanage i askim Kanage, "Ol bun bilong yu we?" Kanage i save olsem em i rong pinis olsem na kirap tokim bos, "Long Papua Niugini, ol kakaruk bilong mipela i nogat bun." man bos bilong Kanage i kalap nogut tru.

Rasta Saiko
Garden Hills, Mosbi

Kanage em bilong ples Yangoru insait long Is Sepik. Wanpela taim em bin flim fom long go wok long Yagipu Oil. Taim em i wok pinis, em wantaim ol lain bilong em i go painim wel long bus. Traipela san i lait na mekim Kanage i tes tru. Bos bilong Kanage i lukim na tokim Kanage olsem. Eh! Get daun an wok. Kanage i laik lindaun na wok tasol sotpela trausis bilong em i bruk. Em i no save olsem trausis i bruk tasol em i wok hat yet. Wanpela poro bilong em i lukim trausis i bruk na tokim Kanage olsem. Mmmm Kanage, wats dat anda yo botom? Kanage i het paul pinis na narapela poro bilong em i kirap na tok olsem. Nogat ya. Em papa kela bilong meri apkas Is Kerema na Wes Kerema. Man olgeta man i wok i pilim les olgeta taim ol maritim dispela hap tokotk.

Joe Egesa
Tari

Kanage lusim Mosbi na kam holido wantaim poro bilong em Marel Tapuraha long Sohano Ailen long Buka. Kanage ino save isi long spin long Buka maket. Wanpela taim long Sande moning, poro bilong em i tokim em olsem bai i gat wanpela bikpela lotu long Nova namba 2 olsem na tupela i mas go. Orait long bikmonig tru tupela i kirap na pul long kanu i go long wanem olgeta moto i bagarap. Kanage i sindaun long baksait na stiarim kanu. Taim ol i pul i go, Kanage i lukim wanpele meri i sindaun long long nambis na maket i op i stap. Kanage tu i kirap na tingting i paul na ino pul gut. Oimangi kirap na kros long Kanage na askim em olsem em driman o wanem na kanu ino go stret. Kanage kirap bekim olsem. "Yupela biksan pinis tasol nau san i wok long kirap isi is yet i kam anatap. Sapos mi go bek long Mosbi, bai mi go painim ol mangi Hollie Maea na tok tenkyu long ol olsem i tru Buka em ples bilong san i save kain antap long moning, belo na apinun. Sampela taim i save kamap long nait tu.

Johnny Rema
Buka Ailen

Prensip bilong mi wantaim poroman i gutpela o nogat?



Dia LAIPLAIN,
Mi wantaim pren bilong mi i gat hevi insait long prensip bilong mitupela.

Long skul, mitupela i stap long wanpela klasrum. Na mitupela i save pilai wantaim long spot. Mitupela i bin save olsem papamama bilong mitupela wantaim i gat hevi long marit bilong ol. Tasol mi wantaim pren bilong mi save amamas long poroman bilong mitupela, we mitupela i raun wantaim na helpim mitupela yet long ol hevi na wari.

I no longtaim, mitupela i bin slip wantaim. Mi bin orait long dispela tasol sampela taim mi sutim tok long em o em i sutim tok long mi long sampela liklik kros namel long mitupela yet. Mi no amamas long dispela. NA tu mi no klia sapos pasin mitupela i mekim i gutpela o nogat?

LEARNING

Dia PREN,
Wanem samtung yu bin mekim em ol i kolim 'homosexual' poroman na yu wok long tingting nau long wanem samtung bai yu mekim long kamapim senis long laip bilong yu. Dispela em pasin bilong man i prenim narapela man. Sapos yu pilim sem,

dispela em wanpela rot bilong mekim yu luksave long wanem samtung em yu mekim i rong. Na yu mas tanim i go long gutpela rot. Long wanpela buk ol i kolim, "My Beautiful Feelings", man husat i raitim dispela buk em W. Trobisch, i tokaut long laik bilong ol man-

meri long slip wantaim narapela i save kamap bihainim tripela hap pasin. Wanpela em laik bilong tupela man o meri i pas wantaim we ol i kolim homo-erotic.

I luk olsem yutupela i bungim dispela hevi nau mi toktok long en, we i gutpela na klin. Hevi bilong yutupela long haus i mekim yutupela i pas wantaim na poroman gut raun, we dispela i nogat asua. Nogat wanpela samtung i rong long yutupela i tasim bodi bilong yutupela. Ol meri i save laik putim han raun long nek bilong pren bilong ol, na hangamap. Na long ol man, ol i save putim han raunim solda bilong pren bilong ol.

Long sait bilong man o meri i wok long kamap bikpela, man i save laik long mekim pren wantaim arapela. Tasol dispela poroman i no bikpela na strong yet long mekim em i gat strong bilong mekim pren wantaim meri. Insait long dis-

pela buk tu, man o meri bai traun long i gat strong bilong abrusim ol kain pasin bilong sem na pret long toktok na laikim prenmeri o pren man bilong em.

Pastaim ol meri o man i mas lainim long laikim wanlain bilong ol yet pastaim, na bihain tingting bilong ol bai kalap i go long pasin bilong mekim pren wantaim meri na man, olsem boipren na gel-pren. I nogat wanpela samtung i rong sapos tupela boi i laikim tupela yet na poroman wantaim, o tupela meri i save pren na mekim samtung raun long tupela yet. Tasol pasin bilong slip wantaim i no gutpela.

Baibel i tokaut olsem God yet em man na em i wokim man olsem piksa bilong em yet (Gen1 (TEV) "God i wokim na olsem em yet. Em i wokim man na meri). Olsem piksa bilong God, yu pas wantaim God long prea na lotu. Yumi manmeri tu i poroman wantaim

Salim ol hevi na wari bilong yu i kam long LAIPLAIN, P.O. Box 6047, Boroko. Yu ken ringim mipela tu long telipon namba 26 0011. Mipela i no inap autim trupela nem long hia.

Stori bilong Wes Irian refuji

VERONICA HATUTASI | raitim

WANTOK niuspepa i bungim sampela lain Wes Irian refuji long humen raits woksop long Bomana. Hia nau stori bilong wanpela yangpela man husat i bin wanpela yunivesiti sumatin taim bikpela lain refuji i ranawe i kam long Wes Sepik, abrusim boda bilong Indonesia na Papua Niugini.

Dispela em long 1984, taim bikpela pait i stap namel long ol soldia bilong Indonesia na ol sapota bilong OPM (Operesen Papua Medeka).

Grup husat i stap long OPM em ol lain Melanesan pipel bilong Wes Irian, husat i laikim provins bilong ol i bruk lusim Indonesia na kamap wanpela kantri em yet. Pait bilong ol long kisim independens i winim pinis 30 krismas. Tasol Indonesia i no harim yet singaut bilong ol, maski lida bilong ol Wes Irian i putim hevi bilong ol i go long Yunaited Nesens.



• Ol sampela refuji bilong Wes Irian i save yusim kain moto kanu long ranawe i kam long PNG.

JULIUS IREW em i wanpela yangpela man Wes Irian husat i wok olsem wanpela voluntia tisa long Is Awin refuji kem. Dispela em long Westen provins bilong Papua Niugini, samting olsem 60 kilomita longwe long Kiunga.

Biknem kem em lowara, Is Awin kem. Em i karamapim samting olsem 12-pela liklik kem. Na moa long tri tausen Wes Irian refuji pipel i stap long en.

"Mi wokim namba tri yia bilong mi olsem politikel saiens sumatin long Cendra Wasih Yunivesiti long Irian Jaya taim trabel i kamap long 1984. Mi wantaim ol arapela wanlain sumatin bilong mipela long yunivesiti i joinim ol pipel bilong mipela na ranawe abrusim bodamak bilong Indonesia na PNG. Na kam long Wes Sepik provins long PNG sait. Dispela em long 1984. Na hevi long dispela taim i kamap bikos sam-

pela ol militari atoriti na gavman bilong Indonesia i harim olsem ol lain OPM (O Fri Papua Muvmen) i laik rausim ami bilong Indonesia. Na kikbek bilong en em ami bilong Indonesia i mekim nabaut long planti Irian Jaya pipel, bagarapim sindaun na ples bilong ol na tu kalabusim ol sapota bilong OPM. Olsem na planti bilong mipela i ranawe lusim ples bilong mipela na kam long PNG, Irew i tok.

"Mipela i stap long Blekware kem long Vanimo long foapela yia. Tasol long 1988, mipela i lusim Blekware na muv i kam long Is Awin.

"Kondisen bilong ol refuji ino gupela. Moa yet long sait bilong hausng, edukesen na long sosel sait.


Long bekim askim *Wantok* i

putim long em olsem wanem em i minim long dispela, Julius i tok:

"Planti ol haus we ol refuji i slip long em ol i mekim long plastik, ol skin bilong diwai na ol kain samting olsem. Long sait bilong edukesen, ol pikinini ino inap go hetim skul igo long ol provinsal hai skul. Dispela em bihain ol i pinisim Gred 6 bilong ol. Wanem ol i wokim em ol i enrol long CODE (Kolis bilong Disten Edukesen) long skruim save bilong ol."

"Long dispela tasol, mipela i singautim strong intenesenel komyuniti, Yunaited Nesens Komisen bilong ol Refuji (UNCR) na Papua Niugini gavman long edresim tripela bikpela samting long helpim sindaun bilong mipela. Em long:

• givim residensi stetus



• Mista fisor M. Yarisetonu (Ilephan) em Siaman bilong Wes Papua Senet na Seketeri Generel Mathew B. Jet. Dispela em long 1984.

• fridom bilong muvmen long PNG na

• pemisive residens we i min olsem gavman bilong PNG long givim tokorait long ol long stap long kantri.

"I luk olsem UNCR na PNG gavman ino mekim samting long helpim mipela long impruvim edukesen bilong ol pikinini long ol kem. Na nau mipela i putim gen askim i go long ol long mekim tok-tok bilong ol pastaim long karim kaikai.

"Tingting na laik bilong mipela long Wes Irian i bruk lusim

Indonesia na kamap wanpela seperet kantri i stap strong yet long laik na tingting bilong mipela ol refuji pipel bilong Wes Irian. Bikos sapos mipela i stap wantaim Indonesia, ol raits bilong mipela bai i nogut na hevi i stap yet. Olsem long nau, mipela i wok long kisim ligel helpim long ol NGO olsem ICRAF long skruim save long ol raits bilong mipela. Mipela i amamas tru long ol NGO na ol sios husat i kamapim dispela semina long helpim mipela. Dispela em long save long ol politikel, sosel, rilijes na humen raits bilong mipela.



• Ol refuji husat i ranawe i kam long 1984 na stap long Blak Wara. Tasol ol i salim ol i go bek. Poto ya i soim ol i sindaun long wanpela kaunsil haus long Warkwana.



• Ol refuji merl Wes Irian wantaim ol pikinini.

Painimaut long Apa Sepik

ANTAP long wara Sepik long not bilong Papua Niugini, i gat planti samting i stap long bikpela bus bilong em. Ples i save gat ren na ol diwai na bus i save grin.

I gat planti tok ples na kain kain pasin tumbuna we ol manmeri i holim yet.

Ol lain husat i save laikim ol samting we ol Sepik pipel i wokim long han olsem kaving na ol planti arapela han mak bilong ol tumbuna, yu ken go antap long long Apa Sepik we i gat planti samting bilong tumbuna i stap.

Alois Mareos em wanpela man husat i bin mekim ol dispela samting olsem kaving na samting bilong tumbuna. Em i bin mekim ol dispela samting longpela taim nau.

Alois i gat liklik ges haus bilong em long Ambunti we i save bungim ol samting olsem i stap na tu em i ken wokabaut wantaim husat lain i laik wokabaut i go insait long

bus bilong Sepik.

Ol lain long ples i ken helpim long redim haus slip na kaikai samting bilong husat lain i laik raun na lukluk insait long bus na ol samting bilong ol Sepik pipel. Ol i ken redim sampela kain kaikai bilong waitman na tu liklik kaikai bilong ples yet olsem pis bilong wara na prut samting.

Sapos tupela man i laik traime aut dispela raun, raun ya i ken kamap olsem tri o foapela de samting.

Alois i ken helpim yu long raun na lukluk long ol samting na tu helpim yu long soim yu ol samting we yu gat laik long save. Bai yu ken lukim tu singsing tumbuna we i save makim pasin bilong ronim wel pik.

Dispela hap bilong provins i gat tu planti samting we yu i no save lukim long en. Yu inap lukim ol kain kain pisin bilong bus olsem honbil, muruk na ol bikpela pisin na tu Kumul pisin we i makim piksa bilong kantri

Papua Niugini. Yu ken i lukim tu ol wel pik, kapul, pukpuk na kain kain bikpela bataflai i sindaun long ol kain kain kala okin flawa olsem Sepik Blu okid.

Gutpela hap bilong statim wokabaut bilong yu i go insait long bus na eria bilong Sepik em long Wagu viles. Dispela hap i gat bus rot na hap bilong yu ken wokabaut na lukim ol samting yu gat laik long lukim tu. Yu ken bihainim dispela hap rot na kamap long wara Epril na Wagamus.

Antap long dispela eria bilong bus, em ples bilong wanpela lain manmeri ol i kolim Kowmo na Nukuma traib.

Ol i gat kain kain pasin tumbuna na samting insait long laip bilong ol. Long ples Mino na Tongjamb, i gat plant kain kain samting tu wantaim bikpela Haus Tambarang we ol pasin tumbuna olsem katim skin bilong ol pikinini man i stap yet.



• Yangpela meri Sepik wasim saksak arere long Sepik Wara.



• Ol kanu i sua arere long wanpela ples long Sepik.



• Ol pisin bilong Sepik Wara.



PORT MORESBY BRANCHES:

- * Taurama shopping centre - 25 6641
- * Ori Lavi Haus, Boroko
- * Defence Haus, Town.

LAE BRANCHES:

- * 6th Street, Ph: 42 5349

- FRESH BREAD, BUNS & ROLLS
- PIES AND PASTRIES
- ASSORTED CAKES MADE TO ORDER
- WEDDING AND BIRTHDAY CAKES

Naturally good for you!


HEAD OFFICE AND BAKERY
Tamara Rd., 6-Mile

Tel 25 1266 Fax 25 1512

P.O. Box 297 Boroko



SIL



Samting tru long
wasim ol plet, kap
na sospen!



*SiL marasin em i nambawan
marasin tru na i strong moa moa
yet.*

*Kapsaitim liklik tasol i go insait
long hat o kol wara na mumutim
ol plet, kap spun, fok, naip o
sospen i go insait na traim....*

*Man, bai yu amamas tru long
lukim olgeta samting i klin na sain
gut tru!*

Sels takis long Morobe givim hat taim long ol grasrut pipel

Dia Edita,

Ol grasrut pipel long Morobe provins i kisim taim long sels takis bilong Morobe provinsal gavman.

Mi no amamas long dispela samting. Olsem na mi rait i kam long *Wantok* niuspepa long pablik i lukim na skelim.

Mi laikim Morobe provinsal gavman long rausim sels takis bilong em. Bikos takis

ya i givim bikipela hevi long ol pipel bilong mipela long ples, moa yet ol grasrut pipel.

Sampela ol lain husat i wok olsem ol leba i kisim namel long K55 na K60 long wanpela potnait. Na dispela kain mani i no inap long lukautim famili insait long tupela wik. Bikos pe long ol kaikai samting i dia tumas.

Gavman i mas lukluk gut na skelim hevi long ol grasrut

pipel bipo em i antapim ol sels takis bilong provinsal gavman. Sapos nogat, apim pe bilong ol wokman.

I gutpela long nesanel na provinsal gavman long kisim tingting bilong olgeta pipel bipo em i kamapim sels takis.

Maski long toktok long ol bisnisman tasol taim yupela i laik kamapim ol samting we bai karamapim olgeta pipel.

Mipela ol grasrut pipel i wari

tru long pe bilong ol samting i go antap long Lae siti. Dispela samting tasol i kamapim tok kros na pait long Lae siti, Eriku bas stap, na ol arapela hap long siti.

Husat brata o susa i laik bekim pas ya, rait i kam tasol long *Wantok* na mi bai amamas tasol long lukim.

**Bombie John
LAE**

Kuyom painim tupela blut bilong Maiam

Dia Edita,

Mi wanpela manki hauslain bilong tupela man we mipela i laik painim. Ol i lusim ples bipo yet long taim bilong Wol Woa II moa long 50 yia i go pinis.

Nem bilong tupela man em long Maiam Kuyom na Hotang Kuyom. Tupela brata ya i bilong ples Pasokwak long Wantoat eria bilong Morobe provins. As tru long tupela i lusim ples em long ol Jeman i kisim ol olsem ol wokman bilong karim kago.

Mi save olsem Maiam i stap 19 yia nau long Madang provins. Na mi no klia tumas sapos Hutong i stap long Milen Be o long Galp provins. Wanpela samting em mi laik salim pas i go long ol, tasol mi nogat edres bilong tupela man ya.

Orait, bikipela tingting mi gat long

raitim dispela pas em long traime askim ol manmeri husat i gat save long stap bilong tupela, o ol pikinini bilong tupela long rait i kam long mi, na toksave long stap bilong ol.

Sapos tupela man i lukim pas bilong mi na i no klia long mi, hia nau sampela bilong kliaim tupela.

Mi wanpela tumbuna bilong Maim. Tumbuna Maiam na Pasiatakat i karim pikinini man Pasiatakat na meri Dowang. Ol i karim pikinini Zangwan na Kulasi.

Hia nau edres bilong mi we, husat man i gat save long edres bilong tupela lapun ya i ken yusim long salim edres o infomesen i kam.

**Mark B Kuyom
Elaul village
FMBS Wantoat.
Via Lae, Morobe Provins.**

Karai Redio mas kamapim ol gutpela lotu progrem long Sande

Dia Edita,

Mi gat wanpela wari we i sut long Karai Redio bilong Nesanel Brokasting Komisen (NBC). Dispela em long ol progrem we stesin ya i save putim kamap long olgeta Sande.

Mi wanpela man husat i harim dispela redio stesin long planti yia i kam inap nau. Tasol mi no save harim ol gutpela lotu progrem long dispela stesin long Sande.

Long dispela, mi minim olsem ol Kristen Fomol Edukesen progrem, Kristen Saiens na ol Baibel stori we yupela long stesin i ken putim kamap long ol Sande.

Mi wanpela sumatin bilong Kwinslen Meilboks Baibel Klab. Na mi wokim diploma long kamap olsem wanpela pasto.

Askim bilong mi nau em long yupela ol wokman long putim kamap ol gutpela progrem long olgeta Sande, olsem ol dispela mi tokaut pinis long ol.

Ating i gutpela moa sapos stesin ya i kisim wanpela man husat i gat save long ol kain progrem olsem long wok long stesin.

Mi no wanbel tru long stesin i kamapim ol progrem olsem PNG Top 20 long ol Sande. Em i gutpela long putim kamap ol dispela progrem long ol arapela de olsem Sarere na Mande. Long kain Kristen kantri olsem PNG, i mobeta long kamapim ol Kristen progrem we bai givim gutpela skul long ol pipel bilong mipela.

**Ronald Yarang
SSEC Siois
Yanduo Camp
WEWAK**

No ken skruim Morobe provins ileksen

Dia Edita,

Mi laik bekim sampela toktokbilong deputi primia bilong Morobe provins, James Ibras. Toktok bilong em i bin kAmap long Post Courier niuspepa bilong Novemba 9, 1994.

Em i bin komplek na kros i go long Minista bilong Provinsal Afeas, Castan Maibawa long Ilektorel Komisina, Ruben Kaiulo. Dispela em long noken makim taim bilong Morobe provinsal ileksen kwik long neks yia.

Mi laik tokim Mista Ibras olsem em i nogat pawa long stapim Mista Maibawa na Kaiulo long mekim wok bilong tupela. Mipela ol pipel i laikim provinsal ileksen i mas kamap hariap. Na mipela i ken senisim ol memba husat i bikhet nabaut nau.

Ating deputi primia i mas hangre long pawa ya.

Mi laik tok olsem ol pipel bilong bai makim ol nupela lida long mun Februari, neks yia. Olsem na deputi primia i no ken giaman toktok strong long skruim taim bilong ileksen. Ating em i mekim olsem bikos em i laik stap long pawa yet.

**Sibai Giyamab
POPONDETA**

Sapos yu sakim tok, bai yu kisim pe ya

Dia Edita,

Mi laik autim wari bilong mi long *Wantok* niuspepa long pablik i ken lukim na skelim. Wari bilong mi i sut long pasin hambak na bikhet we i go bikipela long planti hap bilong Papua Niugini nau.

I gat planti asua nau i kamap we planti pipel long kantri i mekim bikhet pasin na brukim lo na oda. Yumi i gat papa bilong kantri na tu long graun.

Papa bilong gavman na graun i gat wanpela bikipela papa yet. Sapos yumi sakim tok bilong gavman, yumi sakim tok tu bilong Bikman Antap.

Na sapos yu sakim tok, yu bai kisim pe. Yu lukim long buk Baibel we bai tokim yu stret long dispela samting. Em long Rom ves 13: sapta 1-2.

**Ben Kenori
MOSBI**

Tok Save i go long ol man i save salim pas long Wantok Sapos yu no putim nem tru bilong yu long pas mipela i no inap prinim leta bilong yu.

Ol posinman raunim ol yangpela i go long taun

Dia Edita,

Mi sapotim pas bilong brata Amasa Jimmy Longi bilong Tabubil.

Pas bilong em i bin kamap long *Wantok* bilong Ogas 9, 1994.

Em i tru olsem planti gutpela manmeri na pikinini indai nating long han bilong ol posinman. Planti bilong ol dispela lain i stap long ples.

Long wok nogut bilong ol tasol na planti yangpela pipel i ranawe i go long taun na lus tingting long go bek long ples bilong ol. Mi laik askim sapos gavman igat sampela rot long helpim ol manmeri long ples long ol i ken painim belisi pasin na stap gut wantaim.

**Joel Sukenai
KIUNGA**

LAIKIM PENPREN

Nem: Wanas Tope

Krismas: 16 yia (man)

Edres: Ramu Vocational Centre, C/-Ramu Sugar Ltd, P. O. Box 2183, Lae, Morobe province.

Save Laikim: Pilai ragbi na soka, harim redio na go long lotu.

Nem: Steven Yawisaho

Krismas: Yanduo Camp, P. O. Box 265,

Wewak, ESP.

Edres: 19 yia (man)

Save Laikim: Pilai soka na go long lotu.

Nem: Kamilus Yalang

Krismas: 19 yia (man)

Edres: Yanduo Camp, P. O. Box 265, Wewak, ESP.

Save Laikim: Harim ol lotu singsing, ritim Baibel na go long lotu.

Nem: Paul Aru

Krismas: 19 yia (man)

Edres: C/- Ramu Sogar Ltd, P. O. Box 2183, Lae, Morobe province.

Save Laikim: Ritim *Wantok* niuspepa, bungim ol kristen pren na go long felosip, salim presen i go long ol poroman na Baibel Stadi.


Nem: Timothy Aiok

Krismas: 16 yia (man)

Edres: SDA Mission Pokran, C/- Mamnup TC, P. O. Box 1080, Madang province.

Save Laikim: Pilai soka na volibal, raitim pas na rit.

Toksave: Bekim pas bilong ol lain long ovasis long tok Inglis



STAP LONG WEI



Save bilong rot em
Save bilong het

TOKTOK BILONG ROT SUI TUUKAM LONG
MOTOR VEHICLES INSURANCE - PNG - TRUST

OI PMV bas no ken rausim ol skul pikinini

Dia Edita,
Mi laik komplek liklik long ol boskru bilong ol PMV bas long Mosbi siti.

Em long pasin ol i save mekim long rausim ol skul pikinini long bas, taim ol i laik

kalap na go skul long moning o go bek long haus long apinun.

Mi laik tok olsem yupela no ken rausim ol skul pikinini long ol PMV bas. Sapos ol ig at mani long baim basn larim ol i kalap. Em i no

gutpela pasin long yupela ol boskru i rausim ol.

Yupela i laik kisim wanem kain mani na yupela i rausim ol pikinini taim ol i gat mani bilong baim bas.

Husat manmeri i

laik sapatim, egensim dispela toktok o i gat toktok long dispela samting, rait i kam tasol long Wantok niuspepa na mi bai amamas long lukim.

Zeedro Kendepo BOROKO

Raskol pasin bai kisim mipela go we?

Dia Edita,
Mi sapatim pas bilong brata Nickson Bungtabu. Pas bilong em i bin kamap long Wantok niuspepa bilong Novemba 10, 1994.

Em i sutim tok bilong em i go long ol raskol long senisim pasin bilong ol.

Dispela em ol raskol long Kimbe insait long Wes Nu Briten provins. Kimbe em i no wanpela bikpela siti long PNG. Tasol ol raskol i stap pinis long hap na go hetim nogut wok bilong ol.

Yupela ol manki i mas tingting gut nau. Bikos taim bilong Jisas long kam kisim bek yumi i kamap klostu pinis. Bikos taim i klostu, ol kain kain samting long graun i kamap. Na mipela mas senisim laip bilong mipela.

Pasin raskol bai kisim mipela i go we? Brukim haus na stua long wokim stilpasin, kilim indai narapela man bai bringim wanem gutpela samting tru long mipela?

Husat manmeri i gat toktok long dispela samting, rait i kam long Wantok niuspepa na mi bai amamas long lukim.
Dorcas Kivung LAE

EM TV Fizz progrem mas save olsem PNG gat 19 provins

Dia Edita,
Mi sapatim pas bilong brata Wani Kea em i bin kamap long Wantok niuspepa bilong Novemba 17, 1994.

Mi wanbel stret wantaim ol komplek em i mekim long EM TV telivisen stesin long PNG. Moa yet long kain musik we EM TV i save putim kamap.

Brata Kea i no rong long komplek olsem long Fizz PNG musik progrem long olgeta Fonde, yumi save lukim tasol piksa na singsing bilong ol Tolai na Papua musik. Olsem na mi no

amamas tumas. Bikos Papua Niugini i gat 19 provins we i gat long em ol planti arapela liklik grup long en. Ol arapela lain tu i laik lukim na harim singsing long ol lain bilong ol. Olsem na noken wansait tasol long putim musik bilong ol Tolai na Papua.

Plis long Fizz progrem nau, mipela i laik lukim pes, na tu harim musik long ol narapela grup bilong Momase, Hailans na ol arapela moa.

Semsrai Baung BOROKO

Tenkyu PM long luksave long Kabwun memba

Dia Edita,
Mi wanpela meri long liklik ples insait long Kabwun eria bilong Morobe provins.

Mi laik makim maus bilong ol meri long dispela eria long tenkim Praim Minista Sir Julius Chan long putim nesenel memba bilong mipela, Ginson Sounu, olsem siaman bilong Sitisensip Edvaiseri Komiti.

Pastaim mipela i ting bai Sir Julius i givim wanpela ministri i go long

memba bilong mipela, Ginson Sounu. Tasol mipela i amamas olsem praim minista i luksave long memba, na givim em wok long kamap siaman bilong komiti we mi kolim pinis.

Mipela i gat bikpela bilip na sapatim long memba bilong mipela long mekim gutpela wok long sitisensip komiti.

Jenny Katom Kabwun Distrik Morobe provins.

Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982, Boroko - N.C.D.

OI loman no wokbung long stretim Menyamya

Dia Edita,
Mi gat bikpela komplek long mekim i go long ol kiap na ol plisman bilong Aseki na Menyamya. Dispela em long Morobe provins.

Ol dispela loman ya i no save kotim ol pipel husat i kisim bia na ol arapela strongpela dring i go long Menyamya. Narapela samting tu em ol spesel risev plisman i save baim bia long Lae na Bulolo na kisim i go long Menyamya. Na salim gen long hap.

Dispela pasin we ol i mekim i no gutpela.

Nau Aseki na Menyamya i go bagarap olgeta. Ol kiap na plis long hap i no mekim gutpela na strongpela wok long lukautim lo na oda.

Ol provinsal na nesenel memba bilong tupela eria i no wok strong long lukim olsem stesin i ron gat tasol.

Max Moses Morobe provins.

Toksave bilong painim liklik kandre

Dia Edita,
Plis edita, mi laik putim toksave bilong mi long Wantok niuspepa long ol arapela pipel i ken lukim. Na helpim mi long painim wanpela liklik kandre bilong mi. Nem bilong en em Jack Isowaol.

Plis yu husat arapela manmeri long PNG i save long Jack, na wanem hap em i stap nau, raitim pas i kam long mi long dispela adres o givim adres bilong mi i go long em. Hia nau adres bilong mi:

Jerry Sao, Private Mail Bag, P. O. Box 722, KIMBE.

Mi laik rait i go long em. Tasol mi no save wanem hap tru long kantri Jack i stap. Olsem na mi putim dispela toksave long niuspepa.

Mi bai amamas long helpim bilong yupela ol wantok na brata susa.
Jerry Sao KIMBE



Nem: Samson Peter, Adres: P.O. Box 223, Vocational Centre, Mendi, SHP, Krismas: 18 Save laikim: Tok pilai, pilai soka.

Nem: Albert Komba Adres: Mule Youth Group P. O. Box 271, Mendi, SHP Save laikim: Tok pilai, singim ol singsing na harim musik.

Nem: Moses Roger Adres: Aluvans Trading P.O. Box 18, Mendi Save laikim: Raitim leta, pilai ragbi, harim musik.

Maski sigirap tumas long ol maritman

Dia Edita,
Mi laik toktok liklik long belhat bilong mi.

Mi save belhat long ol meri i save pait long ol meri i save pait long bikpela taun. Mi save sem long lukim ol i pait long ai bilong planti manmeri.

Em i no pasin tru so plis ol yangpela, yupela mas traim na go pait long haus bilong man bilong yupela stret o ples bilong yupela.

Mi laik toktok liklik long yangpela meri. Yupela ol yangpela meri save gat stret long

grisim ol maritman tasol. Traim na pren wantaim ol yangpela singel man.

Nogut yupela sindaun antap long naip bilong ol maritmeri. Na yu bai pinisim yangpela laip bilong yu long wanpela de tasol. Na yupela bai i no inap amamasim gut laip bilong yupela long dispela graun.

Yupela mas maritim ol yangpela man olsem mi.

Samson Peter MENDI

No ken gris long vot

Dia Edita,
Mi wanpela boi bilong ples Dinam long Bogia distrik bilong MADang provins. Nau mi stap long Bogia haus sik. Mi laik autim liklik wari bilong mi.

Mi stap long Bogia haus sik long planti yia. Yia bilong mi i sanap olsem 20 nau. Tasol mi i no lukim wanpela memba bilong Madang Provinsal gavman i baim sampela rais wantaim tinpis na givim long ol sikman na meri long wod. Nogat tru.

Nau long dispela 1994 provinsal ileksen, ol kendidet i tokim mipela ol sikman meri long votim ol, bai ol i ken kamapim gutpela sindaun long haus sik.

Tasol mi laik askim ol dispela kendidet, taim yupela i win, yupela save givim baksait olgeta long mipela ol sikman meri. Nau yupela kamautim K50 na givim mi pastaim, bai mi votim yupela. Yupela no ken kam long hia na mauswara tumas long yupela.

Nau yet nogat wanpela kendidet i baim beg rais na givim long mipela ol bikman meri. Olsem na plis no ken grisim ol sikman meri long givim yupela vot nating.

Yupela ol kenedet i no ken grisim ol manmeri long votim yupela. Yupela i save grisim ol manmeri olsem ol meri i save grisim ol man. Dispela kain pasin i mas stap nau. Em laik bilong manmeri long givim yu vot.

Mipela ol sik manmeri bilong Bogia haus sik i save stap long strong bilong mipela yet. Mipela save kaikai ol kaikai bilong mipela yet i kam long ples.

Adolph Wasara MADANG

Edvetismen long EM TV i no gutpela

Dia Edita,

Mi wanpela manki husat i save laikim long lukim EM TV. Tasol mi no amamas long lukim edvetismen bilong pipia man ya i karim AIDS meri we ol i putim long TV.

Tru tumas ol brata na susa, yupela i mas save long laion i gat sevenpela het na wanpela meri i sindaun antap long en long Revelesen.

Yupela ol kristen manmeri i save dispela em devil tasol i gat sevenpela het, tenpela hon na wanpela meri i sindaun antap long en. Yu laik dispela long ai bilong yu, laka?

Husat i amamas long yupela long kain piksa olsem? Oh, yupela ol manmeri bilong graun, go het yet. Ating dispela kain piksa bai givim yupela strong o?

Mi harim olsem wanpela

man i ring long Kalang FM na tok amamas long dispela piksa i kamap long televisen. Dispela em long Oktoba 24.

Mi no wanbel long em tu i tok olsem samting ya em i bilong bipo tasol nau yu ken wokim.

Sori tru brata, yu save long pasin bilong helpaia i kamap olsem wanem bai yumi ol mnameri bilong graun inap save? Sapos yu kisim skul

long yunivesiti, God i tok maski. Save i kam aut olsem na mi les long pasim dispela tok i go long yu.

Tingim tu planti pikinini save lukim ol dispela rabis edvetismen we i ken bagarapim het bilong ol. Na ol bai mekim ol bikhet raskol pasin nabaut.

Dispela em wanpela hevi nau long kantri bilong mipela.
Kristen Jei

WANTOK

NIUSPEPA BILONG OL PAPA NIUGIHI STRET

PABLIK NOTIS

Sapos yu laik advertais, telephon 25 2500 na askim long

Ph: Miri Aiori Ext. 203
Jeffrey Maliou Ext. 216
Joe Naime Ext. 232

CAR FOR SALE

**Subaru 1600
Station Wagon**



Red in color, Good condition,
Service every two
weeks, Good stereo system
with New Radial tyres.

Registration expired until April, 1995

K3,000 ono

Phone Leo Wafiwa on Ph 25 2500

**BAIM
Pepa
bilong
yumi
stret**



BETELNUTS & SAGO

NEW PRICES FOR BETELNUTS 86 2743
WEWAK/HAGEN K198 - for ONE 50 Kg Bag
WEWAK/HAGEN K714 - for FOUR 50 Kg
Bags
WEWAK/MORESBY K266 - for ONE 50 Kg
Bags
WEWAK/MORESBY K640 - for FOUR 50
Kg Bags
WEWAK/TARI K263 - for ONE 50 Kg Bag
WEWAK/MENDI K242 - for ONE 50 Kg Bag
WEWAK/DARU K324 - for ONE 50 Kg Bag
WEWAK/TABUBIL K287 - for ONE 50 Kg
Bag
DAKA OR MUSTARDS
WEWAK/HAGEN K100 - for ONE 25 Kg Bag
WEWAK to OTHERS K110 - for ONE 25 Kg
Bag
SAKSAK OR SAGO
WEWAK to HAGEN K70 - for ONE 25 Kg
Bag
WEWAK to OTHERS K90 - for ONE 25 Kg
Bags
Cost includes Air Freight.
Contact: Peter Devis, Dagua Market, P.O.
Box 89, Wewak.

TRANSWORLD TRADING (PNG) PTY LTD (The Blue Truck Company)

Dear customers

We are open for business 7
days a week.

We close for 3 days at
Christmas: Dec, 24, 25 and
26. Phone/fax: 25 5314

For Sale

WINDSCREENS


to suit most models

from: **K250.00** only


Available at Boroko Motors

VANIMO TRADING COMPANY

The management and staff of Vanimo Trading wishes all
its valuable Customers a very *Merry Christmas* and a
Prosperous Happy New Year.



CLOTHING, SHOES, BAGS DEPARTMENT



CASH & CARRY SUPER MARKET

GENERAL
FOOD LINES

THE BAKERY
DEPARTMENT

WHOLESALE
DEPARTMENT

HARDWARE
DEPARTMENT

FRESH FOOD AND
VEGETABLES

FRESH LOCAL MEAT FROM THE BUTCHERY DEPARTMENT

Volcano

K1.99
in PNG

Don't miss this Special Report of the Rabaul Volcano eruptions. It's at a newsagent near you. A fine record for your family, friends, students, libraries.



Published by Word Publishing Company Pty. Ltd.



RAGBI LIG

NIUS



UNAGI OFF-SEASON RUGBY RESULTS

Res Grade: Pool A		
Makana 6	def	Dogura (nil)
W/Sua 6	def	4Mile Youth (nil)
8Mile 6	def	6Mile 4
Pool B		
Hawks (nil)	def	3Mile (nil)
7Mile (nil)	def	5Mile (nil)
Siane 4	def	E/Boroko 4
Sharks 2	def	Saraga (nil)
Pool A		
W/Sua 6	drew	4Mile Youth 6
Makana 4	def	Dogura (nil)
G/Ridge 12	def	M Tobo 1
6Mile 8	def	8Mile 6
Pool B		
5Mile 8	def	7Mile Jets 4
E/Boroko 4	def	Siane (nil)
Hawks 2	def	3/4Mile
Sharks 6	def	Saraga 4

Tripela PNG studen winim skolasip bilong joinim Kwinslein Cowboys

TRIPLELA sumatin bilong Papua Niugini i winim skolasip bilong spots long go stadi long Townsville Grammer Skul aninit long wanpela skim bilong mekim ol i kamap gutpela pilai bilong Ragbi Lig na bihain bai pilai w a n a i m North Queensland Cowboys. Dispela tim Cowboys em wanpela nupela klab we bai go insait

long Sidni Winfiled Lig resis long neks ya. Ol Cowboys i putim mani inap olsem K89,000 olgeta long Charles Yamason husat i gat 18 krismas, Asivele Tola husat i gat 17 krismas na Francis Pokanau husat i gat 16 krismas. Dispela mani bai mekim Yamasaon wantaim Tola i skul long tupela yia na Pokanau bai stap tripela yia olgeta.

inap olsem K35,650 olgeta. Narapela tupela em bilong Gordons Sekonderi Skul we Yamason i pinisim gret 11 na Tola Gret 10. Tupela w a n t a i m i stap long K26,740 kontrak bilong 1995 na 1996.

Fitnes kodineta bilong Cowboys Steve Nance na junia developmen opisa Kelly Egan bai developim pesonel training progrem bilong ol tripela yangpela mangi ya na bai wok wantaim ol long olgeta wik taim ol i stap long skul.

Tasol ol tripela ya bai ino nap pilai ragbi lig.

Ol bai pilai ragbi yunien long skul bilong ol long Metway Cup.

"Planti bilong ol biknem ragbi lig pilaia long Australia em ol ragbi yunien pilai. Ol kain pilaia olsem Ricky Stuart, "Weir i tok.

Hetmasta bilong skul Stephan Paul i tok olsem ol sumatin husat i winim dispela skolasip i mas givim bikpela sevis i go long ol Cowboys taim ol i pinis long skul.

Yamason husat i tok tok makim ol tripela mangi ya i tok olsem em i amamas tru olsem ol tripela mangi ya i

winim dispela skolasip long wanem moa long 100 mangi i bin aplai. Olsem na ol bai givim 110 pesen olgeta long ol Cowboys.

Yamason i save pilai ragbil yunien wantaim Telikom ragbi yunien tim Ing Mosbi na tu em i stap long trening skwat bilong pilai wantaim ol Tonga. Tasol dispela pilai i no bin kamap.

"Mipela i olsem ol embeseda bilong kantri. Mipela ino nap givim 100 pe sen tasol. Mipela bai givim 110 pesen olgeta.


STORI BILONG PILAIA

JOE KANEKANE i raitim

Nem: Belden Tapia
Krismas: 24
Ples: Gun, Juave
Provins: Simbu Provins
Posisen: Hap bek o huka
Klap: Sari Hawks
Lig: Unagi op sisen ragbi lig resis, Mosbi
Wok: Wok olsem kuskus wantaim Nesanel Kapital Distrik Komisen
Rekot bilong pilai: Makim Junir Hailans Son long 1987, na kepten long Unagi Lig tim long 1993 Pepsi op sisen lig resis.
Ol pilaia yu rispektim: Peter Sterlo bilong Wara Sua Eels na John Siune bilong Sari Hawks
 Sua Eels em narapela tim bilong Unagi op sisen lig resis
Laikim: Ritim komik, lukim Sidni lig resis long TV na swim
I no laikim: Drinkim bia na i no yusim gut taim
Stori: Tupela wik i go pinis, Tapia i bin winim awod olsem pilaia bilong wok long dispela bikpela op sisen lig resis insait long Mosbi siti.



• Lepwing Tigers A gred tim bilong Godens ragbi tas resis.



• Tupela pilaia i soim stall stret long Goden op sisen ragbi tas resis. Moa stall olsem bai kamap long dispela wiken. Poto: Ivan Bayagau.



• Maketing menesa bilong Word Publishing kampani, William Kotson i givim sponsa bilong kampani i go long Sogerl ragbi lig resis las wiken.

Salim Krismas

griting i go long ol lewa!!

Krismas hereadaena ai emai amo evasimu.
Word Publishing

Amamas long Krismas
igo long Marge na Febs!

I kam long ol wok man-meri bilong Wan wok long Word Publishing!
Gut Lak!!



Dispela spes em K15 tasol-Wantaim poto em K22.

Ritim
toksave long we bilong salim Krismas Griting

Amamas long Krismas
Igo long **Big Joe Dadi!**




Please Dadi Don't get drunk this Krismas!
Mum & Klds.

Dispela spes em K28 tasol-Wantaim poto em K35.

i go
long ol wantok o ol swit lewa bilong yu long narapela ples.

Big Brata
Amamas long Krismas
i kam long Brata bilong yu



Dispela spes em K50 tasol-Wantaim poto em K57.


Meri Krismas & Mahai Velo i kam long Ples!

Mipela i misim yutupela hia long ples....Plis kam na yumi krismas wantaim! Tumbuna man na meri.



Gutpela sans long salim ol krismas griting i go long ol lewa bilong yu i stap long wanem hap long kantri! Hariap, Salim nau!!

**Salim Krismas Gritings bilong yu long
WANTOK long dispela hap pepa:**



**WANTOK (Word Publishing Co Pty Ltd)
PO Box 1982, Boroko, NCD**

o kisim i kam long:

**WANTOK (Word Publishing Co Pty Ltd)
Spring Garden Road, Hohola, NCD
o Lae Opis-Suit 7, Haus Tisa, Second Street, Lae
P.O. Box 615 Lae, Morobe Province.**

**Karim dispela hap pepa wantaim moni bilong yu long WANTOK opis long Mosbi long
5 kilok Tunde 12 Disemba.
Na long Lae Opis long 5 kilok long Fraide 8 Disemba.**

**Putim foto
bilong yu hia**

*Long Fonde Disemba 15, WANTOK bai putim
Krismas Gritings long manmeri bilong WANTOK
Yu ken salim gritings bilong yu long toksave olsem
long pes 30*

**Yusim dispela fom long
WANTOK spesel prais.**

Wanpela boks, K15, o wantaim foto em K22

Tupela boks, K28, o wantaim foto em K36

Foapela boks, K50, o wantaim foto em K59.

**Putim Krismas Gritings bilong
yu long dispela boks.**

**Sapos yu laik putim foto, klipim antap long
het bilong dispela fom.**

Putim nem na adres long hia.

Putim nem hia.

Putim adres long hia


Sainim fom daunbilo

Plis putim dispela gritings toksave long WANTOK niuspepa long 15 Disemba. Mi
klia olsem ol foto mi salim bai mi no inap kisim bek. Mi orait long Word Publishing
Co Pty Ltd bai i no inap karim hevi bilong wanem asua o ol hap toktok we i no
kamap klia long taim masin i printim.

Sain long hia

Large empty rectangular area with horizontal lines, intended for pasting a photo.

**Putim sek o Salim Moni
Kwik fom hia Salim long
nem bilong WANTOK
Niuspepa o givim moni
stret long Mosbi o Lae Opis.**



GEREHU TOUCH RUGBY ROUND NINE DRAW

Saturday December 10, 1994.

Time	Grade	Teams	Vs	Teams
8.30	B	Raiders	vs	Eels
9.10	B	Country	vs	Roosters
9.50	B	Sharks	vs	Slashes
10.30	B	Rabbitohs	vs	Seven Stars
11.10	B	Saints	vs	Dee Six
11.50	B	Bulldogs	vs	Oika Bullets
12.30	A	Raiders	vs	Eels
13.30	A	Country	vs	Roosters
14.30	A	Sharks	vs	Slashes
15.30	A	Rabbitohs	vs	Seven Stars
16.30	A	Saints	vs	Dee Six

Sunday December 11, 1994.

8.30	B	Bears	vs	Knights
9.10	B	Dakas	vs	Red Hills
9.50	B	Crusaders	vs	Swans
10.30	B	Panthers	vs	Seagulls
11.10	B	Broncos	vs	Magani
11.50	A	Bulldogs	vs	Oika Bullets
12.50	A	Bears	vs	Knights
13.50	A	Dakas	vs	Red Hills
14.50	A	Crusaders	vs	Swans
16.50	A	Panthers	vs	Seagulls
16.50	A	Broncos	vs	Magani

Last Weekend Results
December 3-4, 1994.

"B" Grades			
Swans	Nil	Raiders	Nil
Rabbitohs	6	Dakas	5
Broncos	Nil	Knights	Nil
Magani	Nil	Bulldogs	Nil
Red Hills	3	Sharks	Nil
Crusaders	3	Panthers	Nil
Seven Stars	5	Saints	Nil
Dee Six	6	Seagulls	4
Country	4	Oika Bullets	Nil
Slashes	5	Roosters	4
Bears	7	Eels	7

"A" Grades			
Raiders	8	Swans	7
Dakas	2	Rabbitohs	Nil
Broncos	5	Knights	1
Bulldogs	5	Magani	Nil
Sharks	1	Red Hills	2
Panthers	5	Crusaders	Nil
Saints	4	Seven Stars	1
Oika Bullets	6	Country	5
Slashes	3	Roosters	1
Bears	8	Eels	6

Dee Six and Seagulls scores unknown due to fight between players.

MT HAGEN SOFTBALL ASSOCIATION DRAWS

Saturday December 10, 1994.

Time	Diamond	Teams	Vs	Teams	Umpires	Scorers
1.30-2.45	1	Eagles	vs	Unicats	P. Ausur	L. Pai
3.00-4.15	1	Hagstars	vs	TSL	N. Tokiel	J. Tadap

1.30-2.45	2	Hagstars	vs	Royals	I. Narakou	W. Maradi
3.00-4.15	2	Wantoks	vs	Unicats	J. Kundi	Julita

Sunday December 11, 1994.

2.30-3.45	1	Aviats	vs	NGI	P. Poipoi	M. Jerry
4.00-5.15	1	Elcom	vs	Gazelle	M. Kaut	N. Tokiel

1.00-2.15	2	Elcom	vs	NGI	I. Narakou	L. Maradi
-----------	---	-------	----	-----	------------	-----------

Strivers - Bye

POM WOMEN'S SOFTBALL ASSOCIATION INC.
1994 SEASON DRAW - ROUND ONE
WEEK 7 - 10/12/94

Time	Diamond one	vs Team	Grade
0900	UPNG 11	vs Lotto 111	C
1030	Isuzu Karanas 11	vs PNGBC Archiever 11	C
1200	Yokomo 1	vs Fairdeal Gazelle 1	A
1330	Shell Wantoks 1	vs Mazda Carps 1	A
1500	Globe Malangan 1	vs Lotto Stars 1	A
1630	Fujitsu 1	vs Isuzu Karanas 1	A

Time	Diamond two	vs Team	Grade
1030	Chebu Exodus 11	vs Shell Wantoks 11	B
1200	Lotto Stars 11	vs Dolphins 1	B
1330	Admiralty 11	vs Pomtech 1	C
1500	Fairdeal Gazelle 11	vs PNGBC Archiever 1	B
1630	Admiralty 1	vs Yokomo 11	B

Time	Diamond three	vs Team	Grade
0900	Garamut Country 11	vs Dolphins 11	C
1030	Globe Malangan 11	vs Mazda Carps 11	AR
1200	Fujitsu 11	vs R/Q Royals 11	AR
1330	Norths 1	vs Garamut Country 1	AR
1500	Tarangau 1	vs Elcom 1	AR
1630	Chebu Exodus 1	vs UPNG 1	AR

Bye: 'A' R/Q Royals
'C' Norths 11

PORT MORESBY MEN'S SOFTBALL ASSOCIATION
1994-95 Season Round 1 Wk 6

Sun 11/12/94 Diamond 1

Time	Teams	Grade
0900am	Hansa Bay vs Dolphins	B
1030	Elcom vs Malagan	A
1200pm	Manolos vs Tigers	A
0130	Gazelle vs Taubar	A
0300	Bears vs Hawks	A

Diamond 2

1030am	Gazelle vs Taubar	B
1200pm	Bears vs Hawks	B
0130	Elcom vs Malagan	B
0300	PNGBC vs Karanas	B

Diamond 3

1030	Admiralty vs Karanas	C
1200pm	PNGBC vs MSC	C
0130	Raiders vs Dolphins	C
0300	Manolos vs Tigers	C

BYE: MSC A
Malagan C


No Stars autim Bung Wantaim Diplomatik sofbal resis

SOFBAL tim bilong No Stars i soim bikpela pawa tru long autim taitel bilong Bung Wantaim Diplomatik Sofbal tonamen long las wik Sande 4 Desemba. No Stars em tim bilong Nesenel Volentia Sevis na CUSO husat i gat planti ol lapun eksperiens sofbal pilaia long en.

No Stars i bin givim hat traim tru long autim tiket bilong Chevron Niugini Kutubu Oil wantaim 5-3 skoa long fainel ining.

Long stat bilong pilai, tupela tim wantaim i soim moa strong long lokim difens na bes bilong tupela. Strong-pela pilai bilong No Stars na Chevron Niugini i mekim na long nambawan ining, no gat skoa i kamap.

Nambawan skoa bilong No Stars i bin kamap taim pitsa bilong Chevron Niugini i no holim gut bal na pilaia bilong No Stars long namba tri bes i kwiktaim ron i go long hom.



• Pilaia ya i taitim bun stret long betim egensim birua tim long Sir John Guise Stadium.

Long namba tu ining, pilai i go strong we skoa bilong tupela tim wantaim i kamap klostu wantaim. Beta bilong Chevron Niugini, Harry

Stevens husat i bin kisim prais bilong top beta i pilai strong tru long kamapim skoa bilong tim bilong em. Insait long dispela

sofbal sisen bilong Bung Wantaim Diplomatik resis, No Stars i bin kamap namba 9 long arapela tim. Tasol em i no slek na i wok long pilai strong i kam antap na winim olgeta gem. Long las wiken em winim gren fainel.

Long nambawan raun bilong pilai, No Stars i givim kaikai long Japanis Embesi Sans 17-15 long ekstra ining. Oli go het yet na autim tiket bilong JICA Jets husat i stap nambawan long resis wantaim 22-19 skoa long seken raun.

Long semi fainel long Sarere, No Stars i autim tiket bilong Foren Afes undus 15-4 long winim plus insait long gren fainel long Sande.

Chevron Niugini long narapela sait i autim tiket UNDP Globertrotters 19-18 long ekstra ining. Na long semi fainel long Sande em i autim tiket bilong Australian Possums 16-3 long go insait long gren fainel egens No Stars.

Bihain long gren fainel, ol tim na pilaia i kisim tropi na prais. Mike Di Misa bilong UNDP i kisim prais olsem gutpela pitsa, Rita Koroti bilong Chevron Niugini i kisim prais bilong gutpela filda na Harry Stevens bilong Chevron Niugini i kisim prais bilong gutpela hita o man bilong paitim gut bal. Lewi lara bilong JICA Jets i kisim prais bilong nambawan pilaia.

Dispela tonamen i pulim ol wokman bilong Dipatmen ov Foren Afes na Tred, Helt/WHO, Australia Hai Komisina, Nu Silan Hai Komisina, Japanis Embesi, Amerika Embesi, Yunaitet Nesen Developmen Program, Japanis Intanesenel Kopresen Ejensi (JICA) Chevron Niugini na Nesenel Volentia Sevis.

PORT MORESBY MENS SOFTBALL
COMPETITION POINTS LADDER
AS OF DECEMBER 4, 1994

Team	Play	Win	Draw	Loss	Points
Hawks	5	5	-	-	10
Gazelle	5	2	2	1	6
NGI	4	3	-	1	6
Manalos	4	2	1	1	5
MSC	5	2	-	3	4
Malagan	4	1	1	2	3
Elcom	5	-	3	2	3
Tigers	4	1	-	3	2
Fuj	4	-	1	3	1

KIMBE SOFTBALL DRAWS FOR
DECEMBER 10, 1994.

Time	Teams	Vs	Teams	Division	Umpire
11.00am	Royals	vs	Admiralty	Women	Sharks
12.30pm	Brown	vs	Hoskins	Men	Elcom
12.30pm	Fireballs	vs	Sharks	Women	Royals
2.00pm	Sharks	vs	Admiralty	Men	Hoskins
2.00pm	Elcom	vs	B/Eagles	Women	Fireballs
3.30pm	Cats	vs	Fireballs	Men	B/Eagles
3.30pm	Gazelle	vs	Hoskins	Women	Admiralty

HOHOLA 4 INTER SEVEN'S TOUCH COMPETITION


Draws Sat 10/12/94				Sun 11/12			
"B"				"A"			
Norths	vs	West	Norths	vs	West		
Raiders	vs	Bulldogs	Raiders	vs	Bulldogs		
Panthers	vs	Souths	Panthers	vs	South		
Eels	vs	Knights	Eels	vs	Knights		

Bye: Tigers

Points Ladder

Team	P	W	D	L	Pts
Knights	13	10	2	-	22
South	13	7	4	2	18
Eels	12B	7	3	3	15
Panthers	12B	6	2	4	14
West	12B	5	3	4	13
Raiders	12B	6	1	5	13
Tigers	13	6	-	7	12
Bulldogs	12B	4	-	8	8
Norths	13	2	-	11	4

A					
Knights	13	12	1	1	22
Eels	12B	8	3	2	17
Norths	13	5	5	2	17
West	12B	6	2	4	14
South	13	5	4	4	14
Panthers	12B	5	1	6	13
Tigers	13	4	2	7	10
Bulldogs	12B	2	4	6	8
Raiders	12B	2	2	8	6



• Apsie Haay bilong Wes Irian. Em i save pilai long Guria tim long Madang bipo. Nau em i stap long Vanimo na killim skin long pilai soka yet. Foto: Winis Map.

FRENCH BAKEHAUS



• CAKES

Weddings & Birthdays
Our speciality25 1266 Pom
42 5349 Lae

FRENCH BAKEHAUS



• CAKES

Weddings & Birthdays
Our speciality25 1266 Pom
42 5349 Lae

PROVINSAL SOKA NIUS

Nesenel Klap resis smelim pinis 5 yia sponsasip

YAKAM KELO i raitim

PAPUA Niugini Futbol Asosiesen (PNGFA) bai i gat sapot nau long lukautim nesenel klap sempionsip long 5-pela krismas. Dispela bai stat long neks yia i go.

Papindo i soim laik pinis long givim sapot bilong em long spon-

sarim nesenel klap sempionsip long 5-pela krismas. Dispela bai stat long neks yia i go.

Ripot i kam long PNGFA i tok dispela em wanpela gutpela sapot bilong strongim soka insait long kantri.

Nesenel klap sempionsip long bipo i save kisim sapot long Ben-

son & Hedges smok kampani inap 1992 taim kampani i stopim sponsa bilong em wantaim PNGFA.

Ripot i tok PNGFA i no gat sponsa moa long lukautim nesenel klap sempionsip na klostu bai dispela tonamen i pinis. Bikos nau yet ol i wok long kolim dispela tonamen em, PNGFA Nesenel Klap

sempionsip.

Papindo kampani i bin soim sapot bilong em las wiken taim em i tro-moi moa long K1,000 long baim ol tropi na prais bilong ol tim husat i pilai insait long nesenel klap sempionsip long Lae.

Ripot bilong PNGFA i tokaut olsem dispela em wanpela bikpela sapot tru bilong Papin-

do Treding na PNGFA bai amamas long harim dispela gutpela nius bilong kampani.

Papindo Treding bai stretim ol ripot na pepa wok bilong em long pasim dispela sponsasip bilong PNGFA nesenel klap sempionsip long neks yia i go.

Opisel ripot bilong Papindo na PNGFA i

no redi yet tasol Papindo Treding i bin tokaut pinis long dispela sponsasip bilong em. Kampani seketeri, Gali Tadiran i bin tokaut pinis long dispela.

PNGFA i wok long redim ripot bilong em long bungim wantaim nupela sponsa ya long mekim i kamap opisel.

Dispela i min tu olsem Lahi Soka Asosiesen

(LSA) husat i bin stap bihain long kamapim dispela sponsasip i winim pinis nem long lukautim Papindo Nesenel Klap sempionsip long 4-pela krismas bihain.

Long 25-27 November sempionsip em nambawan sponsasip bilong Papindo long nesenel klap sempionsip.

PNGFA bungim ol kosa long redim 1995 skwat

TWENTI soka kosa insait long Papua Niugini bai bung long dispela wiken long Goroka long toktok na stretim ol wok progrem na rot bilong makim ol nesenel skwat long neks yia tonamen.

Dispela bung bilong olgeta kosa husat i fainensel memba bilong PNGFA, bai kamap long ol kosa i ken toktok long ol wok na hevi bilong kosa na bilong nesenel skwat long man, meri na junia.

Ol bikpela samting we bai kamap long bung ya em long redim PNG skwat bilong namba 10 Saut Pasifik Gems long Tahiti, Anda 23 Osenia tonamen na na Anda 17 junia tonamen bilong Osenia rijen. Olgeta pilai ya bai kamap long neks yia.

Dispela bai wanpela bikpela eria bilong toktok long en bikos ol i mas makim kosa na ol asisten kosa long go pas na redim skwat long trening.

Tonamen Dairekta bilong PNGFA, Idris Kumbrawah husat tu em wanpela teknikel kodineta bilong spot long PNG i bin tokaut pinis olsem

dispela miting bai toktok long ol wok developmen bilong kosa long PNG.

Kumbrawah i tok miting ya bai ol i toktok moa long ol rot bilong holim trening, opim save bilong kosa, holim strong ol gutpela progrem we i kamap pinis, wok bung wantaim long redim nesenel skwat na arapela wok bilong kosa tu.

Dispela miting i bin laik kamap long las mun tasol nau PNGFA i skruim taim bilong em i kam long 10 Disemba long dispela wiken.

I gat bilip olsem 20 kosa insait long wanwan provins bai kamap long dispela miting. Dispela em ol kosa husat i memba pinis long nesenel bodi.

Insait long miting ya bai i gat toktok i kamap long makim ol kosa long lukautim sinia man, wimens na junia divisen long neks yia.

Tasol Wantok i gat bikpela luksave olsem hetkosa bilong kantri bai Posman Kisakui yet na em bai lukautim tu sinia skwat bilong ol man. Tasol bai i gat senis long ol kosa bilong Anda 23, Anda 17 na wimens long neks yia.

Jayapura strong moa long Vanimo

WINIS MAP i raitim

SOKA fil bilong Vanimo i bin paia stret taim ol brata bilong Jayapura i kik wantaim Vanimo tim long las wiken. Dispela kik i bilong amamasim 16 anivesari o yia bilong Sindaun provinsal gavman.

Tupela tim i bin kamapim gutpela kik stret. Jayapura i bin kamautim ol mabol kik. Na dispela stail bilong ol i bin bagarapim stret sindaun bilong planti sapota bilong Vanimo.

Tasol ol boi Vanimo i no sruk long Jayapura. Ol stail manki bilong Vanimo i rausim tu liklik stail bilong ol. Na soim olsem ol tu i save long kik. Vanimo i pilai strong tru na katim olgeta rot bilong Jayapura long skoa.

Vanimo i bin sutim namba wan gol taim Daniel Akwi i skoa. Bihain long dispela gol, Jayapura taitim banis. Na nogat wanpela gol i bin kamap inap hap taim.

Jayapura i no wari long dispela namba wan gol bilong ol boi Vanimo. Ol i tingting strong tasol long bekim.

Na i strong na sutim tripela gol.

Namba wan gol bilong Jayapura i bin kam long straika John Wikolif Sokoy. Narapela i bin kam long Martin Satya.

Namba tu gol i kamap bihain long golkipa Apsie i no holim gut bal. Na Satya i kikim i go stret long gol mak. Vanimo i kisim sans long bekim namba tu gol bilong Jayapura.

Dispela sans i kamap bihain long wanpela paul kik em ol Jayapura pilai i mekim insait long penelti bokis eria. Tasol stail pilai Tony Bubini abrus long putim stret long namel bilong gol pos.

Ol brata bilong Jayapura, i no givim wanpela sans long ol straika bilong Vanimo, Ignas Martin.

Tupela pilai bilong Jayapura husat i pilai gut tru em Alex Rumbia na William Mandosir.

Long kik bilong ol meri, ol meri long napsait i bagarapim stret sindaun bilong ol meri Vanimo 2-0. Intanesenel soka pilai bilong Indonesia, Neki Liboi i sutim dispela tupela gol bilong Jayapura.



• Bikpela danis i kamap pastaim long pilai i stat. Dispela em pilai namel long Vanimo na Jayapura tim bilong Indonesia insait long independens de bilong ol las mun.

No gat tropi bai soka i stap long neks yia

SAMUEL BASIM i raitim

OL soka klap long Popondeta Soka Asosiesen (PSA) i komplem long ol i mas kisim tropi na prais pastaim long ol i statim gen 1995 soka resis.

Dispela komplem i kamap long ol klap husat i bin winim gren fainel long dispela yia insait long wanwan divisen ol i pilai long en.

Ripot i kam long seketeri bilong PSA, Sondas Kagni i tok bihain tasol long gren fainel bilong olgeta divisen, ol tim husat i bin lus i kirap statim pait na brukim olgeta tropi we asosiesen i redim long givim long ol tim. Kos bilong ol tropi ya i olsem K800.

Ripot bilong Sondas i tok nau asosiesen i mas traim long

kamapim sampela gutpela samting long stretim dispela hevi bikos neks yia bai i no gat gem sapos ol tim husat i win long gren fainel i no kisim tropi bilong ol.

Tasol Vais Presiden bilong PSA, Samuel Basim i tok asosiesen i no inap long baim wanpela nupela tropi bikos tresera, Keni Upaiga i bin rausim K800 stret long baim ol tropi ya. Dispela i bihainim stret baset bilong PSA na i no gat wanpela ekstra moni i stap long baim ol tropi gen.

Samuel i askim Presiden, John Hevari long tingting gut na holim wanpela bung we Provinsal Spot Kodineta Ebamu Undru i ken sindaun wantaim ol ol long kamapim sampela gutpela tingting bilong stretim hevi ya.

Ol tim husat inap long kisim

tropi em; Kaks primia tim, Kaks risev divisen tim, Sopex divisen 1 tim na Kumusi Traders long wimens divisen.

I gat prais bilong ol tim husat i bin kamap namba tu na namba tri long soka resis bilong dispela yia.

Samuel i tok long makim asosiesen, em i laik tok sori i go long ol olgeta tim long dispela hevi we i kamap bikos sapos hevi ya i no gat, ating bai olgeta tim i amamas na kisim tropi bilong ol na redi gen long neks yia.

Samuel i tok em i harim olsem sampela klap i laik kisim PSA asosiesen i go long kot long ol dispela hevi. Tasol Samuel i tok em i no wari long kamap long kot bikos asosiesen i save olsem ol i no mekim wanpela rong.



• Takel wan: Ka ya i ron wantaim bal i go tasol nogat sapot olsem na ol bol nogut bilong Lapwing Tigers i takelim em.



• Tim bilong No Stars husat i winim Bung Wantaim Diplometik sofbal taitel las wiken.



• (Antap) Lukaut long em: Kas ya i holim bal na painim spes long tromoi bal tasol gad nogut ya i sanap pinis na pasim rot bilong em. Mosbi basketbal resis long las wiken.



• (Namel) Ronald Simon golkipa bilong Mosbi Guria i holim olpela kap em Guria i holim 8-pela taim olgeta insalt long nesenel klap soka resis long Lae.



• Wanpela sofbal tim husat i bin pilal Insalt long Bung Wantaim Diplometik sofbal resis.



• Eric Petrus bilong Guria i kisim bal i go long fran bilong Naptalai bilong Yunivesiti tim Insalt long Klap resis.



• Ol bol nogut bilong Lae i kisim poto. Dispela em wanpela ragbi tas tim bilong Lae tas resis.



• Ol kas nogut bilong Invesmen Kopresen i sanap long poto long las wik pastaim tasol oi i pilaim DCA. Tupela i dro 0-0 Insalt long Pablik Sevan Soka resis long Mosbi.

Soka tim mas kisim moa trening pastaim long ovasis salens - Scott

NESENEL soka tim husat bai i go pilai long arapela kantri insait long intanesenel tonamen i mas go insait long moa trening kem pastaim long skwat i go long pilai.

Nesenel Spot Kodine-ta, Scott Vavine husat tu em asisten kosa bilong PNG junia soka skwat i tokaut long ripot bilong em i go long PNG Spot Komisin olsem ol pilaia i no save pilai gut olsem tim bikos i no gat inap trening kem.

Insait long trening kem, ol i ken pilai wantaim na luksave long pilai bilong narapela na tu kamap wantaim gutpela gem plen bilong tim.

Insait long ripot Scott i salim long PNGFA long raun bilong em wantaim PNG Anda 20 skwat long dispela yia, em i lukim olsem i gat planti samting we i mas kamap long redim skwat pastaim long ol i go pilai long narapela kantri.

Scott i ting olsem

trening kem em bikpela samting long redim gut skwat pastaim long pilai. Bikos dispela inap helpim skwat tu long sanap strong olsem tim egensim bikpela salens bilong arapela kantri.

Long strongim dispela tingting, ripot bilong Scott i tok nesenel bodi, (PNGFA) i mas makim nesenel skwat tupela krismas i go pastaim long tonamen i stat. Dispela inap givim inap taim bilong holim ol trening kem na ol pilaia i ken bung gut na

trening wantaim long redim skwat.

Narapela samting tu em Scott i laikim PNG skwat i mas gat em wanpela dokta husat i mas oltaim go wantaim skwat long ovasis long pilai. Bikos i save gat planti hevi we ol pilaia i bungim long kaikai na dring. Arapela kantri tu i no hot olsem PNG. Na dispela inap kamapim hevi long pilaia. Olsem na ripot bilong Scott i laikim olsem dokta i mas go wantaim skwat long

ovasis gems.

Sapos i gat hevi long salim wanpela dokta wantaim skwat, orait i mas gat rot pastaim long tim i lusim kantri we dokta i ken givim sampela skul tingting long ol pilaia na opisel. Ol i ken kisim sampela skul tingting pastaim long lukautim bodi bilong ol i stap gut long pilai na abrusim ol kain sik.

Scott i laikim tu long nesenel bodi, PNG Soka Asosiesen (PNGFA) i mas holim

pas ol dispela yangpela pilaia husat i bin go kik long Fiji insait long Osenia Anda 20 tonamen long dispela yia.

Em i laikim bai PNGFA i lukluk long ol dispela yangpela pilaia na pusim sampela bilong ol i go antap long sinia level. Sampela pilaia Scott i ting ol i ken go insait long sinia skwat em Onne Geno, Michael Sigamata, Emmanuel Liosi, Chris Kataka na Robert Upaiga.

Scott i laikim tu long mas gat wanpela bikpela bung bilong olgeta soka kosa long sindaun na paitim tok-tok long skelim ol pilaia na lukluk tu long strong bilong dispela skwat pastaim long tim i lusim kantri na i go long ovasis long pilai.

Dispela bung inap helpim kosa bilong dispela nesenel skwat long wanem samting em i mas mekim long trenim ol pilaia na wanem kain trening em i mas givim long ol.



• Ol soka pilai bilong Vanimo na Jayapura i bung bihain long pilai i pinis.



• Soka skwat bilong Vanimo i bin lus long tim bilong Jayapura 2-1 long fultaim.

Woks soim pawa yet long pablik servis kik

YAKAM KELO i raitim

WOKS i soim bikpela strong moa long autim tiket bilong ol boi PTC, 1-0 long fultaim insait long Mosbi Pablik Sevans long las wiken.

Dispela i bin wanpela strongpela pilai tru namel long tupela tim wantaim bikos long gutpela na strongpela pilai bilong tupela.

PTC i gat gutpela stail bilong pilai na strong bilong banisim golmak long birua olsem na long dispela as, ol kik bilong Works i save go abrus na sua long han bilong golkipa, Francis Fabila.

PTC i sanapim gutpela lainap tru long midfil. Olpela intanesenel pilaia bilong Lae, Raymond Nasa wantaim wanpilaia bilong em long Lae PTC, Lussel Pui i lukautim midfil na long fowet em PNG straika, Steven Mune.

Woks tu i gat kain gutpela pilaia olsem Duri Yarawi, Peter Punai na Wesley Waiwai. Gutpela gem bilong Duri na Peter long nambawan hap bilong pilaia i kamapim wanpela gutpela gol tru we winga i salim bal long sait lain i kam na pas long het bilong Peter na wel i go insait long golmak bilong PTC. PTC goli, Francis Fabila i kalap tasol em kalap bihain liklik na bal i wel i go insait long umben.

Dispela gol bilong Works i mekim ai bilong PTC i op long traim bekim na tu kamapim gol long mak bilong Works.

Long namba tu hap bilong pilai,

Francis Moyep i go insait long fil na kamapim sampela birua long beklain bilong Works. Wanpela gutpela sans gol tru bilong PTC em bal i ron long sait lain i kam long namel we Raymond i giaman kalapim tasol na Francis i subim lak i go insait long straik. Tasol dispela bal i go antap long golmak na go ausait. Dispela i wanpela strongpela kik tru na sapos i bin go stret, ating bai umben paia stret.

Peter bilong Woks tu i mekim planti gutpela kik long golmak bilong PTC tasol golkipa bilong PTC i wok long was gut olgeta taim na sevim planti strongpela kik bilong Peter na ol boi Woks.

PTC i no inap skoa long fultaim olsem na Woks i winim gem long 1-0 skoa. Dispela em namba tu taim Woks i bin autim tiket bilong PTC insait long Mosbi Pablik Sevans soka resis long dispela yia.

Narapela gutpela gem tu i bin kamap namel long DCA na Invesmen Kopresen long Sarere. Dispela i bin wanpela strongpela gem tru bikos tupela tim wantaim i gat planti gutpela pilaia na gutpela stail bilong pilai.

Ken Zilong bilong Invesmen Kopresen i bin kamapim gutpela na strongpela gem tru long beklain bilong Invesmen Kopresen na i stapim planti gutpela kik bilong DCA we i wok long kam long Eric Petrus na Gilbert Kuimari.

PNG spot manmeri i no save stap longpela taim long gem

OL pilaia bilong Papua Niugini i save tingting long lusim pilai taim ol i gat strong i stap yet. Taim ol i gat pikinini na krismas bilong ol i wok long go antap long 27 na 35, ol i save ting em taim bilong stapim pilai na nau em taim bilong ol yangpela.

Dispela em wanpela samting mi lukim long planti pilai spot long Papua Niugini na mi save skelim dispela olsem wanpela kain sistem o pasin bilong PNG manmeri.

Taim mi save lukim long televisen we arapela kantri i save pilai, mi no save lukim planti yangpela pilaia tumas. Planti bilong ol pilaia em ol papa husat i gat tripela o foapela pikinini na tu i gat kela na waitgras long het bilong ol. Strong bilong ol i stap yet na ol i save smat tru long pilai.

Sapos yumi lukim long ol soka

klap long Inglen, bai yu ken glasim gut straika bilong Liverpool olsem Ian Rush, John Barnes na golkipa bilong ol, Bruce. Em ol bikman husat i gat 30 krismas na moa tasol ol i kilim skin yet long pilai soka.

Sapos yu bin lukluk tu long Wol Kap long dispela yia, bai yu ken lukim tu olsem em gem bilong ol bikman stret. Ol i makim skwat bihainim eksperiens, amamas yia wanpela pilaia i pilai long ol intanesenel resis o wanem pilaia i pilai longpela taim long divisen 1 resis. Dispela em ol sampela samting ol opisel na kosa i save glasim nastaim long ol i makim tim bilong wol kap resis.

Sapos yu lukim tu long Australia ragbi lig resis, ol kain man olsem Martin Bella, Ben Elias, Mal Meninga, Paul Harrigan na planti arapela i stap insait long



mak bilong 28 na 35 krismas. Tasol ol i wok long kilim skin yet long pilai.

Tingting bilong ol i no stop long wanpela mak. Ol i ting long pilai tasol i go inap laik bilong ol yet we ol i pilim olsem ol i sampela hevi i kamap long bodi bilong ol o hevi bilong famili na wok i kamap bikpela, orait ol i tokaut long risain long pilai.

Nau long PNG, sapos yu raun i go long hap we i gat soka resis i stap, bai yu ken lukim klia tru olsem planti yangpela i wok long

pilai soka na olgeta olupela lain husat i save gat nem long nesenel skwat wanpela o tupela taim tasol i no moa stap na pilai.

Long Lae, planti ol lain husat i bin wokim nem liklik taim tasol long nesenel skwat i no moa stap. Nau yu bai lukim ol yangpela olsem Jack Jonathan, Beto Voivoi, Jeffery Allan, Masi Ngayang, Kepu Yakam, Nickolas Pui, Reuben Yanga na planti arapela yangpela husat em aste tasol mama i karim ol.

Long Madang, bai yu harim nau nem bilong ol yangpela olsem Michael Steven, Jacob Steven, Kupalang Siming, Ondo Bart, Andy Yeni, Michael Kart na planti arapela yangpela tu. Traim askim ol long ol biknem soka pilaia bilong Madang long 1987 na 1990 i go we nau.


Dispela kain stori em wankain tu long planti arapela provins.

Long biktaun Mosbi, dispela hevi tu i stap. Planti ol biknem pilaia olsem Adam Wangu, Koale Binding, Martin Laviong, Pakop Manuai, Toru Turia na planti arapela biknem pilaia tu i no moa pilai soka. Nau em yu bai yu lukim ol yangpela blut tasol i mekim save long pilai na kilim skin long winim ples insait long nesenel skwat.

Bikpela as tingting bilong mi em pilai save sanap strong na stended bilong pilai tu i save sanap strong taim ol biknem pilaia i stap yet na pilai. Ol i mas pilai yet na soim dispela strong bilong pilai egensim narapela bikpela klap i go long ol yangpela bilong ol.

Taim ol biknem pilaia olsem i stat long lusim pilai na go aut hariap tumas, ol i karim wantaim ol dispela strong bilong pilai i go.

WANTOK SPOTS



Lae Mitif bungim sas long bikhet pasin

DAIREKTA bilong Lae Spot Stadium, Bruce Bernard i no amamas tru long bagarap ol soka pilaia i mekim long brukim ol glas na samting bilong Sir Ignatius Kilage stadium long Sande Novemba 27 long Lae.

Mista Bernard i tok em no amamas tru long ol soka pilaia i yusim fil bilong stadium qut pinis na bihain kirap soim belhat bilong ol long bagarapim ol samting.

Bikos dispela em samting bilong olgeta komyuniti manmeri long yusim long holim wanem kain pilai o bung long en.

Mista Bernard i tok ol lain husat i bin mekim dispela bagarap long ol samting em ol i luk-save pinis. Olsem na ripot bilong ol i stap pinis long han bilong ol lain husat i go pas long stretim kain hevi olsem long skelim na kamap wantaim mekimsave bilong dispela klap na ol pilaia bilong em.

Ripot i bin kamap pinis olsem ol pilaia bilong Mitif soka klap long Lae Futbol Asosiesen (LFA) i no bin amamas long sam-pela samting insait long 1994 Nesanel soka Klap sempionsip, na tromoi ston long stadium taim gren

fainel i pinis.

Tasol i nogat ripot long wanem hevi tru em ol lain ya i belhat long en na mekim kain bikhet pasin olsem.

Mitif i makim LFA insait long resis long Novemba 25 na 27 las mun. Lahi Soka Asosiesen i bin go pas long lukautim dispela tonamen we tupela tim bilong Mosbi, Guria na Yunivesiti i bin go long gren fainel.

Mista Bernard i tok bagarap i no bikpela tumas. Tasol ol bai tromoi moni yet long baim nupela glas long putim i go bek long hap we glas i bin bruk long en.



• Mitif soka tim husat i makim LFA long 1994 Nesanel soka Klap sempionsip. Foto: Michael Sogoromo.

PUBLIC SERVANTS SOCCER ASSOCIATION Weekend draws: Week No. 5

Saturday 10.12.94 - Bisini Groups

Times	Div 1	Fixtures	Ground
8.00	M	PNGBC vs Hay	G11
9.10	W	PNGBC vs Hay	G1
10.00	M	NPF vs Works	G1
11.10	W	NPF vs Works	G1
12.00	M	Teachers vs University	G1
1.10	W	Teachers vs University	G1
2.00	W	PTC vs IRC	G1
2.50	M	PTC vs IRC	G1
4.00	W	POSF vs A/General	G1
4.50	M	POSF vs A/General	G1

DIVISION 2

8.00	M	BPNG vs DCA	G2
9.10	W	BPNG vs DCA	G2
10.00	M	NBC vs Invest. Corp	G2
11.10	W	NBC vs Invest. Corp	G2
12.00	M	Air Niugini vs CMB	G2
1.10	W	Air Niugini vs CMB	G2
2.00	M	Prime Minister vs Transport	G2
2.50	W	Prime Minister vs Transport	G2
4.00	M	Deced vs Finance	G2
4.50	W	Deced vs Finance	G2

Byes: Education M1/W1 - Saturday NCDC Ms/W2 - Saturday Sunday 11th December, 1994

8.00	M	PTC vs Hay	G2
9.10	W	PTC vs Hay	G2
10.00	M	Education vs A/General	G2
11.10	W	Education vs A/General	G2
12.00	M	Teachers vs POSF	G2
1.10	W	Teachers vs POSF	G2
2.00	W	PNGBC vs Works	G2
2.50	M	PNGBC vs Works	G2
4.00	W	NPF vs PTC	G2
4.50	M	NPF vs PTC	G2

DIVISION 2

8.00	W	Education vs Finance	G1
9.10	M	Education vs Finance	G1
10.00	W	Air Niugini vs Deced	G1
11.10	M	Air Niugini vs Deced	G1
12.00	W	BPNG vs Invest. Corp	G1
1.10	M	BPNG vs Invest. Corp	G1
2.00	W	Prime Minister vs DCA	G1
2.50	M	Prime Minister vs DCA	G1
4.00	W	NBC vs Transport	G1
4.50	M	NBC vs Transport	G1

Bye: Deced M2/Ws - Sunday POSF M1/W1 - Sunday

PNGBC bai traim hat tru long autim Works

YAKAM KELO i raitim

BIKPELA salens bilong Mosbi Pablik Sevans soka resis long dispela wiken bai kamap namel long PNGBC na Works. Dispela em long kik bilong ol man long Bisini soka graun (lukim dro).

Dispela bai wanpela strongpela gem tru. Bikos ol boi Works bai tingting long winim dispela gem long go pas wantaim tupela moa poin antap long poin lata. Long wanem, ol tim olsem PTC, Teachers na Transpot i wok long kamap klostu long poin lata long pretim sindaun bilong Works.

Ol boi bilong PNGBC bai pilai strong tru long dispela wiken na wik bihain. Bikos i bin lusim tupela gem bilong ol long las wiken. Na dispela i daunim tingting na strong bilong ol pilaia.

PNGBC em sampion bilong las yia. Na dispela eksperiens na strong i stap long ol i ken kamapim hevi. Bikos tim i laik traim em. PNGBC i gat save tu long rausim akaun bilong husat tim i laik soim stail bilong ol.

Works i go pas nau long poin lata bilong resis. Na em inap long winim pri sisen taitel bilong dispela yia.

Sapos Works i no kisim bikpela salens tumas long ol tim olsem PTC, Transport, Teachers na Dipatmen bilong Praim Minista (DPM), bai em i ken autim dispela taitel isi tasol. Bikos long neks wiken, bai pilai i stap long Sande Desemba 18, na



• Soka tim bilong ol meri DCA insait long Mosbi Pablik Sevis Soka resis.

olgeta tim bai go insait gen long Pablik Sevans Kap resis.

PNGBC bai traim long winim dispela gem egensim Works. Bikos em i olupela sampion bilong las yia na tu em i gat ol gutpela na strongpela pilaia i stap.

Narapela gutpela pilai tu bai kamap namel long tupela poroman ya em; BPNG na Invesmen Kopresen. Tupela bai kilim skin tru long dispela gem bikos Invesmen Kopresen i wok long kamapim gutpela pilai long olgeta wiken na gutpela senis tu i wok long kamap long stail bilong em.

Long las wiken Invesmen Kopresen i kamapim wanpela gutpela na strongpela gem tru egensim DCA we tupela i dro 0-0 long fultaim.

Olsem na Invesmen Kopresen bai i no

inap isi long BPNG long dispela wiken.

Yunivesiti i mas lukautim long ol skul tisa bilong Teachers tim. Bikos dispela tim i wok long kamap narakain long olgeta wik i kam. Teachers i bin pretim planti tim pinis bikos ol i save pilai wan tas futbol na ron bilong ol fowet i olsem smok balus.

Teachers i bin winim planti gem i kam na em i no inap long lusim dispela gem long husat tim i kam bungim em.

Tupela stail manki bilong Teachers, Kopi na John Beeps i save mekim gem bilong Teachers i save ron gut tru.

Tasol sapos Yunivesiti i strong banis bilong em bai em i ken abrusim ol strongpela ron na salens bilong Teachers. Yunivesiti i gat biknem pilaia olsem Simon Emmanuel na yangpela Peter Kavera.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.